

國

恥

下

說明本封書之面之意

上冊封面用黑。黑者。苦昏暗之遭也。下冊封面用白。白者。似雪光也。迨國恥既雪。敢勞讀者之手。以馬蹄刀將此下冊白面上之黑字。依其筆畫細細雕下。以之貼於上冊黑面上之白字之上。必使正準。分毫不爽。然後試一觀之。則此國恥之字跡俱銷滅於黑白分明之中矣。其時也。吐氣揚眉。勃發之興味。知何似。讀者其願預置馬蹄刀以待乎。

看花濺淚

亡國皇孫。苟生末路。真至困苦爲奴。見之者。得弗心酸。况我有感觸於時者也。河南妓魁孫素珍。演講其事於大會場。哀生翠眉。泣破紅粉。以可憐人兒。爲己凌夷之藩。封弔古。以警我羣衆。其能動人也。深深六月廿二日。時報云。孫秀珍。校書爲河南花界領袖。色藝俱冠。一時有選之爲狀元者。有名之爲花總統者。茲於開救國儲金大會之日。携其伙伴。惠然到場。請登台演說。略云。秀珍曾到過奉天。住某國客棧。見一女端正無倫。因與攀談。訊其身世。始知彼係高麗人。其父曾任宰相。母係皇族。亡國後。不能爲生流。爲下女。說畢大哭。並云。提起此事。不如用一把快刀。將我殺死。亡國的苦楚。實不忍再說。不能再說了。諸位想想。這一位最尊貴的小姐。亡國後。尚且如此。况我輩乎。如果我們到這時。想儲金也不能了。孫校書言至此處。嗚暗不能成語。此時拍掌聲震屋瓦。乃有同來伙伴。吳文清校書。廣續演述。未更云。諸位。諸位。切莫忘。五月七日的大辱。吳說畢。即摘戴寶石戒指一只。金戒指一對。計重三錢四分。交付收歎處。所孫秀珍更即卸腕上金鐲一對。計重二兩八錢六分。交作儲金。若該妓者。誠可以愧當世之冷血士夫矣。

國

恥

日本要求條件全文

初時要求之二十一條件

可驚可駭之要求條件自一月十八日日本駐華公使日置益氏向我袁大總統面遞後我政府謹守秘密未經宣布僅憑東西各報所載華報輾轉譯登乃獲窺見一鱗一爪迨至五月九日後秘密之責任解除全文始得披露茲篇錄自五月十五日時報

編者識

日本駐京全權公使送交條款


第一號

日本國政府及中國政府互願維持東亞全局之平和並期將現存兩國友好善鄰之關係益加鞏固茲議定條款如左

第一款 中國政府允諾日後日本國政府擬向德國政府協定之所有德國關於山東省依據條約或其他關係對中國政府享有一切權利利益讓與等項處分概行承認

第二款 中國政府允諾凡山東省內並其沿海一帶土地及各島嶼無論何項名目概不讓與或租與他國

日本要求條件全文



第三款 中國政府允准日本國建造由烟台或龍口接連膠濟路線之鐵路

第四款 中國政府允諾爲外國人居住貿易起見從速自開山東省內各主要城市作爲商埠其應開地方另行協定

第二號

日本國政府及中國政府因中國向認日本國在南滿洲及東部內蒙古享有優越地位茲議定條款如左

第一款 兩訂約國互相約定將旅順大連租借期限並南滿洲及安奉兩鐵路期限均展至九十九年爲期

第二款 日本國臣民在南滿洲及東部內蒙古爲蓋造商工業應用之房廠或爲耕作可得其須要土地之租借權或所有權

第三款 日本國臣民得在南滿洲及東部內蒙古任便居住往來並經營商工業等各項生意

第四款 中國政府允將在南滿洲及東部內蒙古各鑛開採權許與日本國臣民至於擬開各鑛另行商訂

第五款 中國政府應允關於左開各項先經日本國政府同意而後辦理（一）在南滿洲及東部內蒙

古允准他國人建造鐵路或爲建造鐵路向他國借用款項之時(二)將南滿洲及東部內蒙古各項稅課作抵由他國借款之時

第六款 中國政府允諾如中國政府在南滿洲及東部內蒙古聘用政治財政軍事各顧問教習必須先向日本國政府商議

第七款 中國政府允將吉長鐵路管理經營事宜委任日本國政府其年限自本約畫押之日起以十九年爲期

第三號

日本國政府及中國政府願於日本國資本家與漢冶萍公司現有密接關係且願增進兩國共通利益茲議定條款如左

第一款 兩締約國互相約定俟將來相當機會將漢冶萍公司作爲兩國合辦事業並允如未經日本國政府同意所有屬於該公司一切權利產業中國政府不得自行處分亦不得使該公司任意處分

第二款 中國政府允准所有屬於漢冶萍公司各礦之附近礦山如未經該公司同意一概不准該公司以外之人開採並允此外凡欲措辦無論直接間接對該公司恐有影響之舉必須先經該公司同意

第四號

日本國政府及中國政府爲切實保全中國領土之目的茲訂立專條如左

中國政府允准所有中國沿岸港灣及島嶼概不讓與或租與他國

第五號

一在中國中央政府須聘用有力之日本人充爲政治財政軍事等項顧問

二所有在中國內地所設日本病院寺院學校等概允其土地所有權

三向來日中兩國屢起警察案件以致釀成糾葛之事不少因此須將必要地方之警察作爲日中合辦
或在此等地方之警察官署須聘用多數日本人以資一面籌畫改良中國警察機關

四由日本採辦一定數量之軍械（譬如在中國政府所需軍械之半數以上）或在中國設立中日合辦
之軍械廠聘用日本技師並採買日本材料

五允將接連武昌與九江南昌路線之鐵路及南昌杭州南昌潮州各路線鐵路之建造權許與日本國

六在福建省內籌辦鐵路鑛山及整頓海口（船廠在內）如需外國資本之時先向日本國協議

七允認日本國人在中國有布教之權

未幾修改之二十四條件

此項修改之條件係由日使修改於四月二十六日送交我政府照錄五月十六日時報 編者識

日本駐京全權公使第二次送交修正案

另開各款係將日文譯漢文者末次確定時應有修正文字之處特此聲明

第一號前文

日本國政府及中國政府互願維持東亞全局之平和並期將現存兩國友好善隣之關係益加鞏固茲議定條款如左

第一款 中國政府允諾日後日本國政府擬向德國政府協定之所有關於山東省依據條約或其他關係對於中國政府享有一切權利利益讓與等項處分概行承認

第二款改爲換文 中國政府聲明凡在山東省內並其沿海一帶之地及各島嶼無論何項名目概不讓與或租與別國

第三款 中國政府允准自行建造由烟台或龍口接連膠濟路線之鐵路如德國願拋棄烟濰鐵路借款權之時可向日本資本家商議借款

第四款 中國政府允諾爲外國人居住貿易起見從速自開山東省內合宜地方爲商埠

附屬換文

所有應開地點及章程由中國政府自擬與日本國公使預先妥商決定

第二號前文

日本國政府及中國政府爲發展彼此在南滿洲及東部內蒙古之經濟關係起見議定條款如左

第一款 兩訂約國互相約定將旅順大連租借期限並南滿洲及安奉兩鐵路期限均展至九十九年爲期

附屬換文

旅順大連租借期至民國八十六年即西歷一千九百九十七年爲滿期南滿鐵路交還期至民國九十一年即西歷二千零二年爲滿期其原合同第十二款所載開車之日起三十六年後中國政府可給價收回一節毋庸置議安奉鐵路期限至民國九十六年即西歷二千零七年爲滿期

第二款 日本國臣民在南滿洲爲蓋造商工業應用之房廠或爲經營農業可得租賃或購買其須用地畝

第三款 日本國臣民得在南滿洲任便居住往來並經營商工業等各項生意

第三款第二項 前二款所載之日本國臣民除須將照例所領護照向地方官註冊外應服從由日本國領事官承認之警察法令及課稅至民刑訴訟其日本人被告者歸日本國領事官其中國人被告者歸中國官吏各審判彼此均得派員到堂旁聽但關於土地之日本人與中國人民事訴訟按照中國法

律及地方慣習由兩國派員共同審判俟將來該地方司法制度完全改良之時所有關於日本國臣民之民刑一切訴訟即完全由中國法庭審理

第四款 改爲換文 中國政府允諾日本國臣民在南滿洲左近開鑛除業已探勘或開採各鑛區外速行調查選定即准其探勘或開採在鑛業條例確定以前仿照現行辦法辦理

國

(一)奉天省

所在地

縣名

鑛種

牛心台

本溪

石炭

田什付溝

本溪

全上

杉松崗

海龍

全上

鐵廠

通化

全上

暖地塘

錦

全上

鞍山站一帶

遼陽縣起
至本溪縣

鐵

(二)吉林省南部

所在地

縣名

鑛種

日本要求條件全文

杉松崗

和龍

石炭鐵

缸窰

吉林

石炭

夾皮溝

樺甸

金

國

第五款第一項改爲換文 中國政府聲明嗣後在東三省南部需造鐵路由中國自行籌款建造如需外款中國政府允諾先向日本國資商家商借

第五款第二項改爲換文 中國政府聲明嗣後將東三省南部之各種稅課（惟除業已中央政府借款作押之關稅及鹽稅等類）作抵由外國借款之時須先向日本資商家商借

第六條改爲換文 中國政府聲明嗣後如在東三省南部聘用政治財政軍事警察外國各顧問教官儘先聘用日本人

恥

第七款 中國政府允諾以向來中國與各外國資商家所訂之鐵路借款合同規定事項爲標準速行從根本上改訂吉長鐵路借款合同

將來中國政府關於鐵路借款附與外國資商家以較現在鐵路借款合同事項爲有利之條件時依日本之希望再行改訂前項合同

中國對案第七款 關於東三省中日現行各條約除本協約另有規定外一概仍舊實行

國

恥

關於東部內蒙古事項

一 中國政府允諾嗣後在東部內蒙古之各種稅課作抵由外國借款之時須先向日本國政府商議

一 中國政府允諾嗣後在東部內蒙古需造鐵路由中國自行籌款建造如需外款須先向日本國政府商議

一 中國政府允諾爲外國人居住貿易起見從速自開東部內蒙古合宜地方爲商埠具應開地點及章程由中國自擬與日本國公使妥商決定

一 如有日本國人及中國人願在東部內蒙古合辦農業及附隨工業時中國政府應行允准

第三號 日本國與漢冶萍公司之關係極爲密接如將來該公司關係人與日本資本案商定合辦中國政府應即允准又中國政府允諾如未經日本資本案同意將該公司不歸爲國有又不充公又不准使該公司借用日本國以外之外國資本

第四號 按左開要領中國自行宣布

所有中國沿岸港灣及島嶼概不讓與或租與他國

換文

對於由武昌聯絡九江南昌路綫之鐵路又南昌至杭州及南昌至潮州之各鐵路之借款權如經明悉

他外國並無異議應將此權許與日本國

換文第二案

對於由武昌聯絡九江南昌路線之鐵路及南昌至杭州南昌至潮州各鐵路之借款權由日本國與向有關係此項借款權之他外國直接商妥以前中國政府應允將此權不許與何外國

換文

中國政府允諾凡在福建省沿岸地方無論何國概不允建設造船廠軍用蓄煤所海軍根據地又不准其他一切軍務上施設並允諾中國政府不以外資自行建設或施設上開各事

陸外交總長言明如左

一嗣後中國政府認為必要時應聘請多數日本人顧問

二嗣後日本國臣民願在中國內地為設立學校病院租賃或購置地畝中國政府應即允准

三中國政府日後在適當機會遣派陸軍武官至日本與日本軍事當局協商採買軍械或設立合辦軍械廠之事

日置公使言明如左

關於布教權問題日後應再行協議

中國第二次回答案

第一號前文

日本國政府及中國政府互願維持東亞全局之和平並期將現存兩國友好善隣之關係益加鞏固茲議定條款如左

第一號

第一款 中國政府聲明日後日德兩國政府彼此協定關於德國在山東省內依據條約及成案辦法對於中國政府享有一切利益等項處分屆時概行承認

日本國政府聲明中國政府承認前項利益時日本應將膠澳交還中國並承認日後日德兩政府上項協商之時中國政府有權加入會議

第二款 此次日本用兵膠澳所生各項損失之賠償日本政府概允担任膠澳內之關稅電報郵政等各事在膠澳交還中國以前應暫照向來辦法辦理其因用兵添設之軍用鐵路電線等即行撤廢膠澳舊有租界以外留餘日本軍隊先行撤回膠澳交還中國時所有租界內留兵一律撤回

第三款改爲換文 中國政府聲明凡在山東省內並其沿海一帶之地及各島嶼無論何項名目概不讓與或租與外國

第四款 中國政府允准自由建造由烟台或龍口接連膠濟路線之鐵路如德國願拋棄烟濰鐵路借款權之時可向日本資本案商議借款

第五款 中國政府允諾爲外國人居住貿易起見從速自開山東省內合宜地方爲商埠

第六款 以上各款將來日德政府協商讓與等項倘或未能確定此項豫約作爲無效

第二號前文

日本國政府及中國政府爲發展彼此在南滿洲之經濟關係起見議定條款如左

第二款 日本國臣民在南滿洲爲蓋造商工業應用之房廠或爲農業可向業主商租須用之地畝

第三款 日本國臣民可在南滿洲任便居住往來並經營商工業等各項生意

第二號第三款第二項 前二項所載之日本國臣民除須將照例所領護照向地方官註冊外應服從

恥

中國違警律及違警章程完納一切賦稅與中人一律至民刑訴訟各歸被告之本國官審判彼此均得派員旁聽但日本人與日本人之訴訟及日本人與中國之訴訟關於土地或租契之爭執均歸中國官審判日本領事官亦得派員旁聽俟將來該省司法制度完全改良之時所有日本國臣民之民刑訴訟即完全由中國法庭審理

換文

一 中國政府聲明嗣後不將南滿洲及熱河道所轄之東部內蒙古除關稅鹽稅外之各種稅課抵借外債

一 中國政府聲明嗣後在南滿洲及熱河道所轄之東部內蒙古需造鐵路由中國自行籌款建造如需外款除與他國成約不相牴觸外先向日本國資本家商議

一 中國政府允諾爲外人居住貿易起見從速自開南滿洲及熱河道所轄之東部內蒙古內合宜地方爲商埠其章程按照中國他處已經自開之商埠辦法辦理

第三號

日本國與漢冶萍公司之關係極爲密接如將來該公司與日本資本家商定合辦中國政府應即允准又中國政府聲明該公司不歸爲國有又不充公又不准使該公司借用日本國以外之外國資本

◎附錄 日使與我政府來往函二通

來函

逕啓者聞中國政府在福建省沿岸地方有借外國建造船廠軍用蓄煤所海軍根據地及其他一切軍務上施設並聞中國政府有借外資建設或施設上開各事有無此項情事希即見復爲荷

覆函

來示閱悉中國政府可以聲明並無在福建省沿岸地方允外國建造船廠軍用蓄煤所海軍根據地及其一切軍務上施設又無擬借外資建設或施設上開各事相應函覆卽希查照

▲政府事後宣布之條件

除互換條約外尙有互換公文十三件彙爲一篇俾我國人得識此次交涉結果之真相條件公文均錄自五月廿九三十等日新聞報

編者識

▲關於山東省之條約

大中華民國

大總統閣下及

大日本國

大皇帝陛下爲維持極東全局之平和並期將現在兩國友好親善之關係益加鞏固起見決定締結條約爲此

大中華民國

大總統閣下任命中卿一等嘉禾勳章外交總長陸徵祥

大日本國

國

恥

大皇帝陛下任命特命全權公使從四位勳二等日置益爲全權委員各全權委員互示其全權委任狀認爲良好妥當議定條項如左

第一條 中國政府允諾日後日本國政府向德國政府協定之所有德國關於山東省依據條約或其他關係對中國享有一切權利利益讓與等項處分概行承認

第二條 中國政府允諾自行建造由烟台或龍口接連於膠濟路線之鐵路如德國拋棄烟濰鐵路借款權之時可向日本資商家商議

第三條 中國政府允諾爲外國人居住貿易起見從速自開山東省內合宜地方爲商埠

第四條 本條約由蓋印之日起卽生效力

本條約應由

大中華民國

大總統閣下

大日本國

大皇帝陛下批准其批准書從速在東京互換

爲此兩國全權委員繕成中文日本文各二分彼此於此約內簽名蓋印以昭信守

中華民國四年 月 日
日本大正四年 月 日
作於北京

▲日本公使照會

爲照會事本公使以帝國政府名義對

貴國政府聲明日本國政府於現下之戰役終結後膠州灣租借地全然歸日本國自由處分之時於左開條件之下將該租借地交還中國

一以膠州灣全部開放爲商埠

二在日本國政府指定之地區設置日本專管租界

三如列國希望共同租界可另行設置

四此外關於德國之營造物及財產之處分並其他之條件手續等於實行交還之先日本國政府與中國政府應行協定相應照會即希

查照須至照會者

▲關於南滿洲及東部內蒙古之條約

大中華民國

大總統閣下及

大日本國

大皇帝陛下爲發展在南滿洲及東部內蒙古兩國間之經濟關係起見決定締結條約爲此

大中華民國

大總統閣下任命中卿一等嘉禾勳章外交總長陸徵祥

大日本國

大皇帝陛下任命特命全權公使從四位勳二等日置益爲全權委員各全權委員互示其全權委任狀認爲良好妥當議定條項如左

第一條 兩締約國約定將旅順大連租借期限並南滿洲及安奉兩鐵路之期限均展至九十九年爲期

第二條 日本國臣民在南滿洲爲蓋造商工業應用之房廠或爲經營農業得商租其需用地畝
第三條 日本臣民得在南滿洲任便居住往來並經營商工業等一切生意

第四條 如有日本臣民及中國人民願在東部內蒙古合辦農業及附隨工業時中國政府可允准之

第五條 前二條所載之日本國臣民除須將照例所領之護照向地方官註冊外應服從中國警察法令及課稅

民刑訴訟日本國臣民爲被告時歸日本領事官又中國人民爲被告時歸中國官吏審判彼此均得派員到堂旁聽但關於土地之日本國臣民與中國人民之民事訴訟按照中國法律及地方習慣由兩國派員共同審判

將來該地方之司法制度完全改良時所有關於日本國臣民之民刑一切訴訟即完全由中國法庭審判

第六條 中國政府允諾爲外國人居住貿易起見從速自開東部內蒙古合宜地方爲商埠

第七條 中國政府允諾以向來中國與各外國資本家所訂之鐵路借款合同規定事項爲標準速行從根本上改訂吉長鐵路借款合同

將來中國政府關於鐵路借款事項將較現在各鐵路借款合同爲有利之條件給與外國資本家時依日本國之希望再行改訂前項合同

第八條 關於東三省中日現行各條約除本條約另有規定外一概仍照舊實行

第九條 本條約由蓋印之日起即生效力

本條約應由

大中華民國

大總統閣下

大日本國

大皇帝陛下批准其批准書從速在東京互換爲此兩國全權委員繕成中文日本文各二分彼此於此

約內簽名蓋印以昭信守

中華民國四年 月 日 作於北京

日本大正四年

◎中日互換公文

關於山東事項之換文

▲中國外交總長照會 爲照會事本總長以中國政府名義對貴國政府聲明將山東省內或其沿海一帶之地或島嶼無論以何項名目概不租與或讓與外國相應照復即希 查照須至照會者

▲日本公使照覆 爲照覆事接准本日照會貴總長以貴國政府名義聲明將山東省內或其沿海一帶之地或島嶼無論以何項名目概不租與或讓與外國等語業經閱悉相應照覆即希 查照須至照

覆者

關於山東開埠事項之換文

▲中國外交總長照會 爲照會事本日畫押關於山東條約內第三條所規定應行自開商埠之地點及章程由中國政府自行擬定與日本國公使協商後決定之相應照會卽希 查照須至照會者

▲日本公使照覆 爲照覆事接准本日照稱本日畫押之關於山東省條約內第三條所規定應行自開商埠之地點及章程由中國政府自行擬定與日本國公使協商後決定之等語業經閱悉相應照復卽希 查照須至照覆者

關於旅大南滿安奉期限之換文

▲中國外交總長照會 爲照會事本日畫押之關於南滿洲及東部內蒙古條約內第一條所規定旅順大連租借期限展至民國八十六年卽西歷千九百九十七年爲滿期南滿鐵路交還期限展至民國九十一年卽西歷二千零二年爲滿期其原合同第十二條所載自開車之日起三十六年後中國政府可給價收回一節毋庸置議又安奉鐵路期限展至民國九十六年卽西歷二千零七年爲滿期相應照會卽希 查照須至照會者

▲日本公使照覆 爲照復事接准本日照稱本日畫押之關於南滿洲及東部內蒙古條約內第一條

恥

國

國

所規定旅順大連租界期限展至民國八十六年即西歷千九百九十七年爲滿期南滿鐵路交還期限展至民國九十一年即西歷二千零二年爲滿期其原合同第十二條所載自開車之日起三十六年後中國政府可給價收回一節毋庸置議又安奉鐵路期限展至民國九十六年即西歷二千零七年爲滿期等語業經閱悉相應照覆即希 查照須至照覆者

關於東部內蒙開埠事項之換文

▲中國外交總長照會 爲照會事本日畫押之關於南滿洲及東部內蒙古條約內第六條所規定中國應行自開商埠之地點及章程由中國政府自行擬定與日本公使協商後決定之相應照會即希 查照須至照會者

▲日本公使照覆 爲照覆事接准本日照稱本日畫押之關於南滿洲及東部內蒙古條約內第六條所規定中國應自行開商埠之地點及章程由中國政府自行擬定與日本國公使協商後決定之等語業經閱悉相應照覆即希 查照須至照覆者

關於南滿洲東部內蒙古鐵路稅課事項之換文

▲中國外交總長照會 爲照會事本總長以中國政府名義對貴國政府聲明嗣後在南滿洲及東部內蒙古需造鐵路由中國自行籌款建造如須外資可先向日本國資本家商借又中國政府嗣後以前

開地方之各種稅課（除中國中央政府業經爲借款作押之鹽稅關稅等類外）作抵由外國借款時可先向日本國資本家商借相應照會即希 查照須至照會者

▲日本公使照覆 爲照覆事接准本日照會貴總長以貴國政府名義聲明中國政府嗣後在南滿洲及東部內蒙古需造鐵路由中國自行籌款建造如需外資可先向日本國資本家商借又中國政府嗣後以前開地方之各種稅課（除中國中央政府業經爲借款作押之鹽稅等類外）作抵由外國借款時可先向日本國資本家商借等語業經閱悉相應照覆即希 查照須至照覆者

關於南滿洲聘用顧問事項之換文

▲中國外交總長照會 爲照會事本總長以中國政府名義對貴國政府聲明嗣後如在南滿洲聘用政治財政軍事警察外國顧問教官時可儘先聘用日本人相應照會即希查照須至照會者

▲日本公使照覆 爲覆照事接准本日照會貴總長以貴國政府名義聲明中國政府嗣後如在南滿洲聘用政治財政軍事警察外國顧問教官時可儘先聘用日本人等語業經閱悉相應照覆即希 查照須至照覆者

關於南滿洲商租解釋換文

▲日本公使照會 爲照會事本日畫押之關於南滿洲及東部內蒙古條約內第二條所載商租二字

須了解含有不過二十年之長期限及無條件而得續租之意相應照會即希 查照須至照會者

▲中國外交總長照覆 爲照覆事接准本日畫押之關於南滿洲及東部內蒙古條約內第二條所載之商租二字須了解含有不過二十年之長期限及無條件而得續租之意等語業經閱悉相應照覆即希 查照須至照覆者

關於南滿洲東部內蒙古接洽警察法令課稅之換文

▲日本公使照會 爲照會事依本日畫押之關於南滿洲及東部內蒙古條約內第五條之規定日本國臣民應服從中國之警察法令及課稅由中國官吏通知日本國領事官接洽後施行相應照會即希 查照須至照會者

▲中國外交總長照覆 爲照覆事准本日照稱依本日畫押之關於南滿洲及東部內蒙古條約內第五條之規定日本國臣民應服從之警察法令課稅由中國官吏通知日本國領事官接洽後施行等語業已閱悉相應照覆即希 查照須至照覆者

關於南滿東部內蒙條約第二至第五條延期實行之換文

▲中國外交總長照會 爲照會事本日畫押之關於南滿洲及東部內蒙古條約內第二條第三條第四條及第五條中國政府因須準備一切擬自本條約畫押之日起延期三個月實行應請貴國政府同

意相應照會即希 查照須至照會者

▲日本公使照覆 爲照覆事准本日照稱本日畫押之關於南滿洲及東部內蒙古條內第二條第三條第四及第五條中國政府因須準備一切擬自本條約畫押之日起延期三個月實行等語業已閱悉相應照覆即希 查照須至照覆者

關於漢冶萍事項之換文

▲中國外交總長照會 爲照會事中國政府因日本國資本家與漢冶萍公司有密接之關係如將來該公司與日本國資本家商定合辦時可即允准又不將該公司充公又無日本國資本家之同意不將該公司歸爲國有又不使該公司借用日本國以外之外國資本相應照會即希 查照須至照會者

▲日本公使照覆 爲照覆事准本日照稱中國政府因日本國資本家與漢冶萍公司有密接之關係如將來該公司與日本國資本家商定合辦時可即允准又不將該公司充公又無日本資本家之同意不將該公司歸爲國有又不使該公司借用日本國以外之外國資本等語業已閱悉相應照覆即希 查照須至照覆者

關於福建問題之換文

日本公使照會 爲照會事聞中國政府有在福建省沿岸地方允許外國設造船所軍用貯煤所海軍

國

根據地或爲其他一切軍事上之施設並自借外資爲前項各施設之意思中國政府果否有此意思請即見覆相應照會卽希 查照須至照會者

▲中國外交總長照覆 爲照覆事接准本日照稱各節業已閱悉中國政府茲特聲明並無在福建省沿岸地方允許外國設造船所軍用貯煤所海軍根據地及其他一切軍事上施設之事又無借外資欲爲前項施設之意思相應照覆卽希 查照須至照覆者

關於交還膠澳之換文

▲日本公使照會 爲照會事本公使以帝國政府名義對貴國政府聲明日本國政府於現下之戰役終結後膠洲灣租借地全然歸日本國自由處分之時於左開條件之下將該租借地交還中國一以膠洲灣全部開放爲商港二在日本國政府指定之地區設置日本專管租界三如列國希望共同租界可另行設置四此外關於德國之營造物及財產之處分並其他之條件手續等於實行交還之先日本國政府與中國政府應行協定相應照會卽希 查照須至照會者

▲中國外交總長照覆 爲照覆事接准本日照會貴公使以貴國政府名義聲明日本國政府於現下之戰役終結後膠洲灣租借地全然歸日本自由處分之時於左開條件之下將該租借地交還中國等語業已閱悉

一以膠州灣全部開放為商港

二在日本國政府指定之地區設置日本專管租界

三如列國希望共同租界可另行設置

四此外關於德國之營造物及財產之處分並其他之條件手續等於實行交還之先日本國政府

與中國政府應行協定相應照覆即希 查照須至照覆者

關於南滿洲開鑛事項之換文

▲中國外交總長照會 為照會事日本國臣民在南滿洲左開各鑛除業已探勘或開採各鑛區外速行調查選定中國政府即准其探勘或開採但在鑛業條例確定以前應仿照現行辦法辦理相應照會即希 查照須至照會者

恥

國

一奉天省

所在地

縣名

鑛種

一牛心台

本溪

煤

二田什付溝

本溪

煤

三杉松崗

海龍

煤

國

恥

四鐵廠

通化

煤

五暖池塘

錦

煤

六鞍山站一帶

由遼陽縣起至本溪縣

鐵

二吉林省南部

所在地

縣名

鑛種

一杉松崗

和龍

煤鐵

二缸窰

吉林

煤

三夾皮溝

樺甸

金

▲日本公使照覆 爲照覆事接准本日照稱日本國臣民在南滿洲左開各鑛除業已探勘或開採各鑛區外速行調查選定中 政府即准其探勘或開採但在鑛業條例確定以前應仿照現行辦法辦理等語業經閱悉相應照覆即希 查照須至照覆者

一奉天省

所在地

縣名

鑛種

一牛心台

本溪

煤

日本要求條件全文

二田什付溝

本溪

煤

三杉松崗

海龍

煤

四鐵廠

通化

煤

五暖池塘

錦

煤

六鞍山站一帶

由遼陽縣起至本溪縣

鐵

二吉林省南部

鑛

所在地

名縣

種

一杉松崗

和龍

煤鐵

二缸窰

吉林

煤

三夾皮溝

樺甸

金

附錄外交部報告參政院之附件

此項附件係我外交總次長五月二十六日出席參政院時所報告會載諸各報特附刊於條文後以資研究

編者識

▲附件一 中華民國四年一月十八日日本公使日置益提出條件原文譯漢文 (第一號) 日本

國政府及中國政府互願維持東亞全局之和平並期將現存兩國友好善鄰之關係益加鞏固茲議定條款如左 第一款中國政府允諾日後日本國政府擬向德國政府協定之所有德國關於山東省依據條約或其他關係對中國政府享有一切權利利益讓與等項處分概行承認 第二款中國政府允諾凡山東省內並其沿海一帶土地及各島嶼無論何項名目概不讓與或租與他國 第三款中國政府允准日本國建造由烟台或龍口接連膠濟路線之鐵路 第四款中國政府允諾爲外國人居住貿易起見從速自開山東省內各主要城市作爲商埠其應開地方另行協定 (第二號) 日本國政府及中國政府因中國向認日本國在南滿洲及東部內蒙古享有優越地位茲議定條款如左 第一款兩訂約國互相約定將旅順大連租借期限並南滿洲及安奉兩鐵路期限均展至十九年爲期 第二款日本國臣民在南滿洲及東部內蒙古爲蓋造商工業應用之房廠或爲耕作可得其須要土地之租界權或所有權 第三款日本國臣民得在南滿洲及東部內蒙古任便居住往來并經營商工業等各項生意 第四款中國政府允將在南滿洲及東部內蒙古各鑛開採權許與日本國臣民至於擬開各鑛另行商訂 第五款中國政府應允於左開各項先經日本國政府同意而後辦理 (一) 在南滿洲及東部內蒙古允准他國人建造鐵路或爲建造鐵路向他國借用款項之時 (二) 將南滿洲及東部內蒙古各項稅課作抵由他國借款之時 第六款中國政府允諾如中

國政府在南滿洲及東部內蒙古聘用政治財政軍事各顧問教習必須先向日本國政府商議 第七款中國政府允將吉長鐵路辦理經營事宜委任日本國政府其年限自本約畫押之日起以九十九年爲期 (第二號) 日本國政府及中國政府願於日本國資本家與漢冶萍公司現有密接關係且願增進兩國共通利益茲議定條款如左 第一款兩締約國互相約定俟將來相當機會將漢冶萍公司作爲兩國合辦事業並允如未經日本國政府之同意所有屬於該公司一切權利產業中國政府不得自行處分亦不得使該公司任意處分 第二款中國政府允准所有屬於漢冶萍公司各鑛之附近鑛山如未經該公司同意一概不准該公司以外之人開採並允此外凡欲措辦無論直接間接對該公司恐有影響之舉必須先經該公司同意 (第四號) 日本國政府及中國政府爲切實保全中國領土之目的茲訂立專條如左 中國政府允准所有中國沿岸港灣及島嶼概不讓與或租與他國 (第五號) 一在中國中央政府須聘用有力之日本人充爲政治財政軍事等各顧問 二所有在中國內地所設日本病院寺院學校等概允其土地所有權 三向來日中兩國屢起警察案件以致釀成之事不少因此須將必要地之警察作爲日中合辦或在此等地方之警察官署須聘用多數日本人以資一面籌畫改良中國警察機關 四由日本採辦一定數量之軍械 (譬如在中國政府所需軍械之半數以上) 或在中國設立中日合辦之軍械廠聘用日本技師並採買日本

材料 五九將接連武昌與九江南昌路線之鐵路及南昌杭州南昌潮州各路線鐵路之建造權許與日本國 六在福建省內籌辦鐵路鑛山及整頓海口（船廠在內）如需外國資本之時先向日本國協議 七允認日本國人在中國有布教之權

▲附件二 四日一日面交理由說帖 查第二號原案第二條要求在南滿洲東部內蒙古自由居住貿易耕作且欲得土地所有權一節顯欲使日本人在該處所處之地位軼出彼此條約所訂範圍之外在該處得以自由行動限制中國主權之行使是大害我行政主權也日本人在該處既可得土地所有權將來勢之所極該處土地到處皆可爲日本人所有是實侵害我完全領土權也且內地雜居與領事裁判權不能相容故欲內地雜居之實行必須撤回領事裁判權先進之國俱有先例日本政府此次絕對要求雜居欲使領事裁判權推行及於中國內地並將南滿洲之利益幾爲日本人所壟斷與各國機會均等主義顯然不符故對於此項要求中國政府本無與商之餘地惟念彼此邦交之關係雖有上述之種種困難於無可設法之中力求解決之法明知與條約不相容然於條約範圍以內勉副日本之希望故第一次修正案提出在南滿洲添開商埠且允與中國人合辦農墾公司蓋日本人所願至之地必爲該處主要之處盡行開作商埠則日本人得以到處居住貿易商租地畝合辦農墾已可得雜居之實利而於中國條約之困難各國均等主義均尚有辯護之餘地日本政府不

允照此辦法中國又提出第二次修正案將添開商埠之案收回另擬辦法與日本人以條約外雜居之利益惟聲明商埠以外之日本人須服從中國警章完納各項賦稅與中國人一律並聲明日本人之民刑訴訟須歸中國官裁判日本領事祇能到堂聽審此蓋仿照延吉聽(間島)韓民在中國內地雜居區域內辦法并非此次新創之例日本政府又不允乃爲第三次之修正案將訴訟問題分別民事刑事仿照土耳其暹羅對於外國人現行之成例復行提出日本政府仍不允至是而爲第四次之修正案即將日本政府初次提出原案之第二條第三條關於南滿洲雜居問題除土地所有權改爲土地租借權耕作土地加以另訂章程數字外完全照原案同意惟附加一條聲明中國政府委曲求全之辦法此條之意即依據三月六日貴公使聲明於第二條第三條原案附加條文擬一調和辦法俾與主權條約制度不相抵觸之意此次修正案原案第二第三條既已同意服從警章完納賦稅主意亦已相同即訴訟問題刑事已照向例辦理民事僅視現行辦法略爲變通俾免實行之窒礙並不足以比土耳其暹羅之現行辦法此爲中國政府無可再讓之辦法務請委曲詳報貴國政府速行同意以期解決至東部內蒙古情形與南滿洲迥然不同自不能相提並論屢經本總長聲明貴公使亦已同意者也

▲附件三 四月九日面交理由說帖 按東三省放墾向有專章租地耕種兼有習慣近今間有租

地與外國人代爲墾耕之事各據契約辦法不一將來所定之租及墾耕章程不過以各種習慣之不成文法定爲成文而已至租地年限亦自按照習慣與夫近今中外人間所訂契約擇其最長之年限以爲標準此種章程既係根據習慣辦法爲中外人民所共守自應以公平爲主決不至有歧視之嫌此中國政府所能保證者也至警察法令爲中國現行之警察律行之通國歷有年所賦稅亦爲現行之稅則均係完全中國內政不便由日領承認啓將來外國領事承認本國律法之惡例且日本既允許南滿雜居之日本人服從中國之警察賦稅辦法是明明知有中國現行之警察賦稅辦法而使日本人服從之自無以業經通行之警察賦稅辦法而更要求承認之理由至裁判問題中國業已修正數次照最後之修正案民刑訴訟均已照約辦理與最初欲以內地雜居與領事裁判爲交換之主意早已讓步即證以同有外國領事裁判權之土耳其國其裁判辦法凡土耳其人與英人間之民刑案件無論該英人之爲原告被告皆由土耳其法庭審理其關於不動產之各種條件案內之外國人須與土耳其人一律辦理且無論該外國人之爲原告或被告須直接由土耳其民事法庭處斷即使兩造皆爲外國人亦無利用其國籍之權利等語（參照一八六七年六月十八日土耳其法律及一八六八年七月廿八日協約）此次所定關於土地審理之辦法不過參酌土耳其一部分之辦法至民刑訴訟之辦法尙不如土耳其之辦法遠甚貴公使既聲明將來用中國法律及習慣法審理更無共

同審理之必要故日本政府之誠實不應再藉口領事裁判權而并此最讓步之辦法而亦不承認也以上理由中國政府自信確爲公平最後之讓步尙希詳細轉達貴政府熟加考量速予同意以速解決

▲附件四 四月二十六日日本駐京公使第二次送交條款（另開各款係將日文譯漢文者末次確定時應有修正文字之處特此聲明）（第一號前文）日本政府及中國政府互願維持東亞全局之平和並期將現存兩國友好善鄰之關係益加鞏固茲議定條款如左 第一款中國政府允諾日後日本國政府擬向中國政府協定之所有關於山東省依據條約或其他關係對於中國政府享有一切權利利益讓與等項處分概行承認 第二款（改爲換文中中國政府聲明凡在山東省內并其沿海一帶之地及各島嶼無論何項名目概不讓與或租與別國） 第三款中國政府允准自行建造由烟台或龍口接連膠濟路線之鐵路如德國願拋棄鐵路借款權之時可向日本資本家商議借款 第四款中國政府允諾爲外國人居住貿易起見從速自開山東省內合宜地方爲商埠（附屬換文所有開關地點及章程由中國政府自擬與日本國公使預先妥商決定）（第一號前文）日本國政府及中國政府爲發展彼此在南滿洲及東部內蒙古之經濟關係起見議定條款如左 第一款兩約國互相約定將旅順大連租借期限並南滿洲及安奉兩鐵路期限均展至九十九年爲期（

(附屬換文旅順大連租借期至民國八十六年即西歷一千九百九十七年爲滿期南滿鐵路交還期至民國九十一年即西歷二千零二年爲滿期其原合同第十二款所載開車之日起三十六年後中國政府可給價收回一節毋庸置議安奉鐵路期限至民國九十六年即西歷二千零七年) 第二款日本國臣民在南滿洲爲蓋造商工業應用之房廠或爲經營農商可得租賃或購買其須用地畝

第三款日本國臣民得在南滿洲任便居住往來並經營商工業等各項生意 第三款第二項前二款所載之日本國臣民除須將照例所領護照向地方官註冊外應服從由日本國領事官承認之警察法及課稅至民刑訴訟其日本人被告者歸日本國領事官其中國人被告者歸中國官吏各審判彼此均派員到堂旁聽但關於土地之日本人與中國人民事訴訟按照中國法律及地方習慣由兩國派員共同審判俟將來該地方司法制度完全改良之時所有關於日本國臣民之民刑一切訴訟即完全由中國法庭審理 第四款(改爲換文中國政府允諾日本國臣民在南滿洲左開各鑛除業已探勘或開採各鑛區外速行調查選定即准其探勘或開採在鑛業條例未定以前仿照現行辦法辦理(一)奉天省本溪縣牛心台石炭鑛本溪縣田什付溝石炭鑛海龍縣杉松崗石炭鑛通化縣鐵廠石炭鑛錦縣暖池塘石炭鑛遼陽縣起至本溪縣止鞍山站一帶鐵鑛(二)吉林省南部和龍縣彩龍岡石炭鑛吉林縣缸窰石炭鑛樺甸縣夾皮溝金鑛) 第五款第一項(改爲換文中國政府

國

恥

聲明嗣後在東三省南部需造鐵路由中國自行籌款建造如需外款中國政府允諾先向日本資本家商借) 第五款第二項(改爲換文中國政府聲明嗣後將東三省南部之各種稅課(惟除業已由中央政府借款作押之關稅及鹽稅等類)作抵由外國借款之時須先向日本資本家商借)

第六款(改爲換文中國政府聲明嗣後如在東三省南部聘用政治財政軍事警察外國各顧問教官儘先聘用日本人) 第七款中國政府允諾以向來中國與各國資本家所訂之鐵路借款合同規定事項爲標準進行從根本上改訂吉長鐵路借款合同 將來中國政府關於鐵路借款附與外國資本家以較現在鐵路借款事項爲有利之條件時依日本之希望再行改訂前項合同 中國對案第七款關於東三省中日現行各條約除本協約另有規定外一概仍舊實行 關於東部內蒙古事項(一)中國政府允諾嗣後在東部內蒙古之各種稅課作抵由外國借款之時須先向日本國政府商議(二)中國政府允諾嗣後在東部蒙古需造鐵路由中國自行籌款建造如需外款須先向日本國政府商議(一)中國政府允諾爲外國人居住貿易起見從速自開東部內蒙古合宜地方爲商埠其應開地點及章程由中國自擬與日本公使妥商決定(二)如有日本國人及中國人願在東部內蒙古合辦農業及附隨工業時中國政府應行允准 (第二號)日本國與漢冶萍公司之關係極爲密接如將來該公司關係人與日本資本家商定合辦中國政府應即允准又中國政府允諾如未經

日本資本家同意將該公司不歸爲國有又不充公又不准使該公司借用日本國以外之外國資本（第四號）按左開要領中國自行宣布所有中國沿海港灣及島嶼概不讓與或租與他國（換文）對於由武昌聯絡九江南昌路線之鐵路又南昌至杭州及南昌至潮州之各鐵路之借款權如經明悉他外國並無異議應將此權許與日本國（換文第二案對於由武昌聯絡九江南昌路線之鐵路及南昌至杭州南昌至潮州各鐵路之借款權由日本國與向有關係此項借款權之他外國直接商妥以前中國政府應允將此權不許與何外國）（換文中國政府允諾凡在福建省沿海地方無論何國概不允建設造船廠軍用蓄煤所海軍根據地又不准其他一切軍務上施設并允諾中國政府不以外資自行建設或施設上開各事）陸外交總長言明如左（一）嗣後中國政府認爲必要時應聘請多數日本人顧問（二）嗣後日本國臣民願在中國內地爲設立學校病院租賃或購買地畝中國政府應即允准（三）中國政府日後在適當機會遣派陸軍武官至日本與日本軍事當局協商採買軍械或設立合辦軍砲廠之事 日置公使言明如左關於布教權問題日後應再行協議

▲附件五 五月一日中國政府提出修正案（第一號前文）日本國政府及中國政府互願維持東亞全局之和平並期將現在兩國友好善鄰之關係益加鞏固茲議定條款如左 第一款中國政府聲明日後日德兩國政府彼此協定關於德國在山東省內依據條約及成案辦法對於中國政府享

有之一切利益等項處分屆時概行承認 日本國政府聲明中國政府承認前項利益時日本應將膠澳交還中國並承認日後日德兩國政府上項協商之時中國政府有權加入會議 第二款此次日本用兵膠澳所發生各項損失之賠償日本政府概允擔任膠澳內之關稅電報郵政等各事在膠澳交還中國以前應暫照向來辦法辦理其因用兵添設之軍用鐵路電線等即行撤廢膠澳舊有租界以外留餘日本軍隊先行撤回膠澳交還中國時所有租界內留兵一律撤回 第三款（改換文中國政府聲明凡在山東省內並其沿海一帶之地及各島嶼無論何項名目概不讓與或租與他國）第四款中國政府允准自行建造由烟台或龍口接連膠濟路線之鐵路如德國願拋棄煙濰鐵路借款權之時可向日本資本家商議借款 第五款中國政府允諾為外國人居住貿易起見從速自開山東省內合宜地方為商埠（附屬換文所有應開地點及章程由中國政府自擬與日本國公使預先妥商決定）第六款以上各款將來日德政府協商讓與等項倘或未能確定此項預約作為無效（第二號前文）日本國政府及中國政府為發展彼此在南滿洲之經濟關係起見議定條款如左 第二款日本國臣民在南滿洲為蓋造商工業應用之房廠或為農業可向業主商租須用之地畝 第三款日本國臣民可在南滿洲任便居住往來並經營商工業等各項生意 第三款第二項 前二項所載之日本國臣民除須將照例所領護照向地方官註冊外應服從中國違警律及違警章程並

完納一切賦稅與中國人一律至民刑訴訟各歸被告之本國官審判彼此均得派員旁聽但日本人與日本人之訴訟及日本人與中國人之訴訟關於土地或租契之爭執均歸中國官審判日本領事官亦得派員旁聽俟將來該省司法制度完全改良之時所有日本國臣民之民刑訴訟即完全由中國法庭審理(換文)一中國政府聲明嗣後不將南滿洲及熱河道所轄東部內蒙古除關稅鹽稅外之各種稅課抵借外債一中國政府聲明嗣後在南滿洲及熱河道所轄之東部內蒙古需造鐵路由中國自行籌款建造如需外款除與他國成約不相抵觸外先向日本國資本家商議一中國政府允諾爲外人居住貿易起見從速自開南滿洲及熱河道所轄之東部內蒙古內合宜地方爲商埠其章程按照中國他處已經自開之商埠辦法辦理 (第二號)日本國與漢冶萍公司之關係極爲密接如將來該公司與日本資本家商定合辦中國政府應即允准又中國政府聲明該公司不歸爲國有又不充公又不准使該公司借用日本國以外之外國資本(來函)逕啓者聞中國政府在福建省沿岸地方有允外國建造船廠軍用蓄煤所海軍根據地及其他一切軍務上施設並聞中國政府有借外資建設或施設上開各事有無此項情事希即見覆爲荷(覆函)逕覆者接准月日來示閱悉中國政府可以聲明並無在福建省沿岸地方允外國建造船廠軍用蓄煤所海軍根據地及其他一切軍務上施設又無擬借外資建設或施設上開各事相應函覆即希查照

國

恥

▲附件六 五月一日面答日使理由 日本政府此次對於中國政府提出條件五號第一號關於中國山東事項第二號關於南滿洲東部內蒙古事項第三號漢冶萍公司事項第四號要求全國沿海不割讓事項第五號關於全國之顧問警察軍械布教及揚子江鐵路福建問題等事項經日本公使說明第一號第二號爲互訂條約性質第三號第四號爲互換公文性質第五號爲勸告性質中國政府對於如此重大之條件慎重審議決意分別與日本政府推誠商議是卽爲中國政府對於日本政府表示十分顧念邦交之至意也開議以來力求迅速進行每星期會議至三次之多對於第二號各款深願與日本政府發展在南滿洲彼此之經濟並諒察日本政府重視南滿洲之關係故於旅順大連二十五年之租借期展至九十九年南滿鐵路三十六年之期限展至九十九年安奉鐵路十五年之期限亦展至九十九年一節向來切盼到期收回之事不俟猶預勉强忍痛苦以副日本政府之希望此不能不謂中國政府對於日本政府表示一絕大友善之證據也此外第二號各款凡能讓步者無不讓步是卽中國政府推誠相與之真意惟南滿洲雜居問題中國政府以爲有背中國與日本及中國與他國之條約極力考量以冀避去條約之抵觸最初請日本政府允許審判權完全歸中國官吏日本政府不允嗣中國政府再三考量修改讓步之案至五六次之多甚至在內地之中日人民之民刑訴訟均允照條約辦理僅關於土地及租契一部分之訴訟主張由中國官吏審理以爲領土

主權之表示亦足見中國政府極力讓步之意。東部內蒙古風氣未開與南滿洲情形又絕然不同。自不應相提並論。第二號之漢冶萍公司純然爲商人之事業。政府不便干涉。第四號聲明沿岸不割讓於獨立國之主權有礙。初擬不與商議。經日本公使要求考量。又於三號爲主義上之商議。於四號於自己主權範圍之內自行宣言。凡此條件卽於我主權領土及各國條約機會均等有絕大關係者。我國亦爲慎重之考量。以期有以副日本政府之希望。此皆中國政府苦心幹旋之處。當亦爲日本政府所諒察也。至第五號各款。日本政府最初提出之時。卽聲明係勸告性質。故中國政府始終聲明尊重。日本政府之勸告不能爲何等之文字之聲明。且該各條約有損中國主權。違背條約及機會均等主義。故中國政府雖有十分尊重日本政府希望之意。然亦不能不顧全自國之主權。與他國之成約。且欲預除兩國誤會之種子。以鞏親善之基礎。迭次開誠布公。反覆申說。不能商議之理由。然對於福建問題。日本政府之希望仍願聲明。中國政府並無借外國資本以經營海口之事。然則中國政府於無可商量之問題。而且勉爲商量。何嘗有規避之事實。茲日本政府重行提出修正案。並爲膠澳交還中國之聲明。中國對於友好之日本政府爲最後之攷量。另提答案。其中第一號尙未討論決定之條。仍行提出。以便討論。第二號除業已決定之條。不提外。關於南滿洲雜居項內之警察法令。更爲限制的修正。關於土地及租契裁判。許日本領事派員旁聽南滿洲及熱河道所轄之東部內蒙古。依日本政

府之要求於四條件中同意三條件漢冶萍照此次修正案同意深望日本政府鑒於中國政府最後讓步之誠意迅與同意實所切盼至此次交涉彼此約守秘密但日本政府提出條件後數日日本大阪某報特發號外洩漏條文致中外報章紛紛注意實爲祖中祖日之論以惹世界之揣測中國政府深爲可惜然中國政府絕無利用新聞政策之專業經中國外交總長迭次向日本公使聲明深盼兩國交涉速即解決俾世界疑團早日消釋則爲本國政府所切望也

▲附件七 五月七日下午三時日本公使日置益面遞覺書 今回帝國政府與中國政府所以開始交涉之故一則欲謀因日德戰爭所發生時局之善後辦法一則欲解決有害中日兩國親交原因之各種問題冀鞏固中日兩國友好關係之基礎以確保東亞永遠和平起見於本年一月向中國政府交出提案開誠布公與中國政府會議至於今日實有二十五回之多其間帝國政府始終以妥協之精神解說日本提案之要旨即中國政府之主張亦不論鉅細傾聽無遺其欲力圖解決此提案於圓滿和平之間自信實無餘蘊其交涉全部之討論於第二十四次會議即上月十七日已大致告竣帝國政府統觀交涉之全部參酌中國政府議論之點對於最初提出之原案加以多大讓步之修正於同月二十六日更提出修正案於中國政府求其同意同時且聲明中國政府對於該案如表同意日本政府即以因多大犧牲而得之膠州灣一帶之地於適當機會附以公正至當之條件以交還於

中國政府五月一日中國政府對於日本政府修正案之答復實與帝國政府之豫期全然相反且中國政府對於該案不但毫未加以誠意研究且將日本政府交還膠州灣之苦衷與好意亦未嘗一爲顧及查膠州灣爲東亞商業上軍事上之一要地日本帝國因取得該地所費之血與財自屬不少既爲日本取得之後毫無交還中國之義務然爲將來兩國國交親善起見竟擬以交還中國而中國政府不加考察且不諒帝國政府之苦心實屬遺憾中國政府不但不顧帝國政府關於交還膠州灣之情誼且對於帝國政府之修正案於答復時要求將膠州灣無條件交還並以日德戰爭之際日本國於膠州灣用兵所生之結果與不可避之各種損害要求日本担任賠償之責其他關係於膠州灣地方又提出數項要求且聲明將來有權加入日本講和會議明知如膠州灣無條件之交還及日本担负因日德戰爭所生不可避之損害賠償均爲日本所不能容認之要求而故爲要求且明言該案爲中國政府最後之決答因日本不能容認此等之要求則關於其他各項即使如何妥協商定終亦不覺有何等之意味其結果此次中國政府之答復於全體爲空漠無意義且查中國政府對於帝國政府修正案中其他條項之回答如南滿州及東部內蒙古就地地理上政治上商工利害上皆與帝國有特別之關係爲中外所共認此種關係因帝國政府經過前後二次之戰事更爲深切然中國政府輕視此種事實不尊重帝國在該地方之地位即帝國政府以互讓精神照中國政府代表所言之事

而擬出之條項中國政府之答復亦任意改竄使代表者之陳述成爲一片空言或此方則許而彼方則否致不能認中國當局者之有信義與誠意至關於顧問之件學校病院用地之件兵器兵器廠之件與南方鐵道之件帝國政府之修正案或以關係外國之同意爲條件或祇以中國政府代表者之言明存於記錄與中國主權與條約並無何等之抵觸然中國政府之答復惟以與主權條約有關係而不應帝國政府之希望帝國政府因鑒於中國政府如此之態度雖深惋惜幾再無繼續協商之餘地然終眷眷於維持極東平和之帝國務冀圓滿了結此交涉以避時局之紛糾於無可忍之中更酌量鄰邦政府之情意將帝國政府前次提出之修正案中之第五號各項除關於福建省互換公文一事業經兩國政府代表協定外其他五項可承認與此次交涉脫離日後另行協商因此中國政府亦應諒帝國政府之誼將其他各項即第一號第二號第三號第四號之各項及第五號中關於福建省公文互換之件照四月念六日提出之修正案所記載者不加以何等更改速行應諾帝國政府茲再重行勸告對於此勸告期望中國政府至五月九日午後六時爲止爲滿足之答復如到期不受到滿足之答復則帝國政府將執認爲必要之手段合併聲明 五月七日日使面交覺書解釋（一）除關於福建省交換公文一事之外所謂五項即指關於聘用顧問之件關於學校病院用地之件關於中國南方諸鐵路之件關於兵器及兵器廠之件及關於布教權之件是也（二）關於福建省之件或照

四月二十六日日本提出之最後修正案或照五月一日中國所提出之對案均無不可此次最後通牒雖請中國對於四月二十六日日本所提出之修正案不加改定即行承諾然此係表示原則至於本項及四五兩項皆爲例外應特注意(三)以此次最後通牒要求之各項中國政府倘能承認時四月二十六日對於中國政府關於交還膠州灣之聲明依然有效(四)第二號第二條土地租賃或購買改爲暫租或永租亦無不可如能明白了解可以長期年限且無條件而續租之意即用商租二字亦可又第二號第四條警察法令及課稅承認之件作爲密約亦無不可(五)東部內蒙古事項中關於租稅擔保借款之件及鐵道借款之件向日本國政府商議一語因其與在滿州所定之關於同種之事項相同皆可改爲向日本國資本家商議又東部內蒙古事項中商埠一項地點及章程之事雖擬規定於條約亦可仿照山東省所定之辦法用公文互換(六)日本最後修正案第三號中之該公同關係人刪除關係人三字亦無不可(七)正約及其他一切之附屬文書以日本文爲正文或可以中日兩文皆爲正文

▲附件八 五月八日中國政府答復日本政府最後通牒節略 本月七日下午三鐘中國政府准日公使面遞日本政府最後通牒一件附交解釋七條該通牒末稱期望中國政府至五月九日午後六時爲滿足之答復如到期不收到滿足之答復則日本政府將執認爲必要之手段合併聲明等語

中國政府爲維持東亞和平起見對於日本國政府四月二十六日提出之修正案除第五號中五項容日後協商外其第一號第二號第三號第四號之各項及第五號中關於福建問題以公文互換之件照四月二十六日提出之修正案所記載者併照日本政府所交最後通牒附加七件之解釋即行應諾以冀中日所有懸案就此解決俾兩國親善益加鞏固即請日本公使定期惠臨外交部修正文字從速簽字爲荷



日本之最後通牒

(錄五月十二日時報)

最後通牒者蓋示我以無續議之餘地也即向我宣戰之哀的美敦書也五月七日下午三時提出限我五月九日午後六時爲滿足之答覆

編者識

國

恥

哀的美頓書之全文

今回帝國政府與中國政府所以開始交涉之故一則欲謀因日德戰爭所發生時局之善後辦法一則欲解決有害中日兩國親交原因之各種問題冀鞏固中日兩國友好關係之基礎以確保東亞永遠之和平起見於本年一月向中國政府交出提案開誠布公與中國政府會議至於今日實有二十五回之多其間帝國政府始終以妥協之精神解說日本提案之要旨即中國政府之主張亦不論鉅細傾聽無遺其欲力圖解決此提案於圓滿和平之間自信實無餘蘊其交涉全部之討論於第二十四次會議即上月十七日已大致告竣帝國政府統觀交涉之全部參酌中國政府議論之點對於最初提出之原案加以多大讓步之修正於同月二十六日更提出修正案於中國政府求其同意同時且聲明中國政府對於該案如表同意日本政府即以因多大犧牲而得之膠州灣一帶之地於適當機會附以公正至當之條件以交還於中國政府五月一日中國政府對於日本政府修正案之答復實與帝國政府之豫期

國

恥

全然相反且中國政府對於該案不但毫未加以誠意之研究且將日本政府交還膠州灣之苦衷與好意亦未嘗一爲顧及查膠州灣爲東亞商業上軍事上之一要地日本帝國因取得該地所費之血與財自屬不少既爲日本取得之後毫無交還中國之義務然爲兩國國交親善起見竟擬以之交還中國而中國政府不加考察且不諒帝國政府之苦心實屬遺憾中國政府不但不顧帝國政府關於交還膠州灣之情誼且對於帝國政府之修正案於答復時要求將膠州灣無條件交還並以日德戰爭之際日本國於膠州灣用兵所生之結果不可避之各種損害要求日本担任賠償之責其他關係於膠州灣地方又提出數項要求且聲明將來有權加入日德講和會議明知如膠州灣無條件之交還及日本担负因日德戰爭所生不可避之損害賠償均爲日本所不能容認之要求而故爲要求且明言該案爲中國政府最後之決答因日本不能容認此等之要求則關於其他各項即使如何妥協商定終亦不覺有何等之意味其結果此次中國政府之答復於全體全爲空漠無意義且查中國政府對於帝國政府修正案中其他項之回答如南滿洲及東部內蒙古就地理上政治上工商利害上皆與帝國有特別之關係爲中外所共認此種關係因帝國政府經過前後二次之戰事更爲深切然中國政府輕視此種事實不尊重帝國在該地方之地位即帝國政府以互讓精神照中國政府代表所言之事而擬出之條項中國政府之答復亦任意改竄使代表者之陳述成爲一片空言或此方則許而彼方則否致不能認中國當

局者之有信義與誠意至關於顧問之件學校病院用地之件兵器兵器廠之件與南方鐵道之件帝國政府之修正案或以關係外國之同意爲條件或祇以中國政府代表者之言明存於記錄與中國主權與條約并無何等之牴觸然中國政府之答復惟以與主權條約有關係而不應帝國政府之希望帝國政府因鑒於中國政府如此之態度雖深惜幾再無繼續協商之餘地然終眷眷於維持極東平和之帝國務冀圓滿了結此交涉以避時局之紛糾於無可忍之中更酌量隣邦政府之情意將帝國政府前次提出之修正案中之第五號各項除關於福建省互換公文一事業經兩國政府代表協定外其他五項可承認與此次交涉脫離日後另行協商因此中國政府亦應諒帝國政府之誼將其其他各項卽第一號第二號第三號第四號之各項及第五號中關於福建省公文互換之件照四月二十六日提出之修正案所記載者不加以何等之更改速行應諾帝國政府茲再重行勸告對於此勸告期望中國政府至五月九日午後六時爲止爲滿足之答復如到期不受到滿足之答復則帝國政府將執認爲必要之手段合併聲明

▲附錄答覆公文

本月七日下午三點鐘中國政府准日本公使面遞日本政府最後通牒一件附交解釋七條該通牒末稱期望中國政府至五月九日午後六時爲滿足之答復如到期不收到滿足之答復則日本政府

將執認爲必要之手段合併聲明等語中國政府爲維持東亞和平起見對於日本國政府四月廿六日提出之修正案除第五號中五項容日後協商外其第一號第二號第三號第四號之各項及第五號中關於福建問題以公文互換之件照四月二十六日提出之修正案所記載者並照日本政府所交最後通牒附加七條之解釋卽行應諾以冀中日所有懸案就此解決俾兩國親善益加鞏固卽請日本公使定期惠臨外交部修正文字從速簽字爲荷

▲附錄哀的美敦提出前一日之北京觀

昨(六日)爲外交問題政事堂統率處同時奉諭於上午八時在海宴堂開聯席會議與議者爲國務卿左右丞各部總長副總統及高級軍官等會議時極爲秘密內容無從探悉惟聞畢議後曾頒布特別密令一件於山東奉天等省當晚八鐘餘又臨時召集陸曹兩部長及參與外交人員開臨時特別會議爲時甚久至十一鐘三十分始散據某要人云總統日來態度極爲鎮靜昨會語左右云祇要國民對我信任不疑余自有辦法云云連日外交緊急陸子欣極爲忙碌前晚聞卽宿於公府昨日訪問英公使有所計議是日外交會議前有人建議於陸

擬將中日交涉歷次談判情形通告有約各國或卽提出於保和會以俟仲裁否亦當照各公使之請訴之萬國輿論各省將軍及各級軍官多有致電政府主張宣戰略謂中日交涉吾所損失已屬不鮮日人如知足而止保持和平固吾所願若彼必欲與吾開釁則吾爲救死起見自應秣馬厲兵與之背城借一云云聞政界各要人談及中日交涉咸謂日人如不尋釁於吾以吾國之弱豈敢好戰惟日人必欲與吾國開戰則戰釁一開應永遠不與之構和如日人能殺盡我四萬萬同胞婦孺不能留則中華大陸自一任日人之播磨但存一卒一兵亦必與之周旋古時有小國曰喀爾塔哥見侵於羅馬被圍三年終不與

和遂至盡遭屠戮然國雖亡種雖滅至今其忠義勇武猶足照耀史冊吾國甲午之役不在敗而在速和割地賠款民遂不堪負擔果使經年持久以區區三島之日本未必能得最後之勝利况今日吾國民氣大非昔日可比應遠師於喀爾塔哥近鑒於甲午之役與日人爲百年之戰爭勿爲一朝之戰爭也云云然想亦徒作一時憤慨語而已又聞前日北京總商會已開會討論當由多數表決請政府主戰並議決中日之戰釐開後各處市面仍照常貿易絲毫不涉驚擾一面對於國家之軍餉應勉力擔任籌集並有多數鉅商均願捐家紓難

▲附錄哀的美敦提出之經過

頃聞日使將

於今日(七號)午後二時以其政府提出之最後通牒交於中國外交部其內容聞與尋常之哀的美敦書微有不同據昨日東電所傳日政府已決定向中國致哀的美敦書催其最後之答覆日政府尊重睦鄰故特暫緩答覆期間俾中國從長計議云云又據外電云日本內閣仍望中國將自知其所釀之形勢實無理由並撤回所提出之條款仍依照中國前對於日本所

日本之最後通牒

承認之各款云云據此則日本之最後通牒當與普通二十四時間期限之哀的美敦書有所不同其中實含有希望中國答覆之意據外交界傳出消息日昨上午日使館高尾記官會到我外部與曹次長有所商議內容若何無從偵知但聞其語人云如六號中國再無承諾之答覆則日本於七號當提出最後通牒於中國外部又聞日使昨曾告我外交當局云現在日本之最後通牒已由東京發到交涉已至最末一步倘中國能承認所提出之條件則尚有會議之餘地否則恐難轉圜云云故外交曹次長於昨日下午親詣日使署加認四條然據日置公使於昨晚十一鐘答覆謂日政府對於以上所加認之四條尙未滿足定於今日(初七日)將將最後之通牒向我提出并云限以四十八小時答覆旅京各國人皆謂日本過於強暴


▲附錄答復日本通牒之經過

昨日(八日)

上午總統召集國務卿及左右丞各部總長到府預備答復日本之手續至下午二時開特別會議除國務卿左右丞各部總長列席外並有參政院黎院長以及參政熊希齡趙爾巽梁士

詒楊度李盛鐸聯芳嚴復諸人亦皆預聞此會議其會議情形如下開議之後首由總統將此次交涉經過情形詳細宣布並將關於此項之文件一律檢齊以備討論總統將交涉情形宣布之後即徵集諸人之意見以便決定方針列席諸人發言者甚多而尤以陸海軍及參政諸人主張最爲激憤是日列席各參政中無一不發言者中有某參政言尤沉痛略謂此次交涉之結局不惜委曲求全雖屬於不得已之辦法尙望當路諸公從此振拔精神勿忘國恥以後用人行政皆當一洗從前之積習而爲勵精圖治之遠謀亡羊補牢今尙未晚倘再不自思振奮國家前途真無望矣云云合座聞之均爲之動容討論之結果大致以日本之哀的美敦書於有關吾國主權各條尙不十分堅持吾國若再拒絕不特兩國之國交從此斷絕抑且東亞之和平亦從此破壞故吾國不惜犧牲一部之權利以願全國交維持和平對於中日交涉案決定平和之結束總統卽飭外交部備文允諾遂於昨日送交日使惟此項協約全文字句間或尙有商確正式簽字之期當尙有數日答覆原書不知係何

人手筆聞洋洋數千言內容極爲沈痛後由某公主張改擬簡明之答復後交陸總長於昨日下午八時向日本公使館面遞



五月九日後之全國輿情

▲痛憤絕天

▲誓死不甘

▲軍界一分子之痛言

北京近有署軍界一分子者投函京報云民國四年五月八號為吾國軍萬世不可磨滅奇恥大辱之紀念日國亡慘狀吾亦不忍再言悠悠蒼天此何時哉乃昨日某大官逍遙花界若行其無所事真不知亡國恨者矣鄙人又親見某大老前日派護送其親愛夫人帶財貨送往天津租界預謀苟免於難所恨前清亡官未曾殺淨今復得坐享厚祿擺其大老官架子一遇國難輒張惶驚擾先去以為民望求其衛國死難焉可得哉鄙人為軍界一分子不能捍衛疆土坐看錦繡河山贈與外人飲恨何極惟望報界諸君子勿忘此恥喚醒國民更以口誅筆伐趨除狐鼠輩勿盡我國家是幸。

五月九日後之全國輿情

▲商界之奮發

北京全國商界受此次激動力圖自存之策誌其情形如下(一)商會總理之演說 初十日商務總會為救國儲金事開會總理馮潤田演說云中華民國四年五月七日日本無故遞哀的美敦書於我國我國不得已忍受而曲應之此一日乃是我們大家最痛心最大國恥之一日現已第三日矣痛定思痛這幾日我們舍垢忍辱吞聲飲泣以求雪此國恥而不能忘此國恥者人同此心心同此理可斷言也諸君亦會細思此次之國恥吾國所蒙損失之程度何如者簡言之即斷送南滿東蒙山東福建及漢冶萍唯一之鑛產不足也而又繼之以沿海島嶼不割讓第三國之預約券猶不足也又繼之以日後協商之顧問軍器傳教鐵道各問題而諸君諸君此等橫暴條件何一非日韓議定書之變象也可哀孰甚可痛孰甚願中國者中國人之中國也凡我國人皆有一份子之責任我不自哀誰其哀我我不自痛誰其痛我我不自哀自痛而亟圖自救誰其救我今日我們商務總會發起救國儲金大會就是我們大家自哀自痛而思有以自救之道也救國儲

五月九日後之全國輿情

金者以國人所儲之金專充國人救國之用此項金錢殆即我
 國人之愛國心與其團結力之尺度也(中略)諸君當知我國
 今日雖忍受此次國恥名義上猶不失為獨立自主之國我同
 胞今日尚有集會演說之自由諸君亦曾聞朝鮮人之語今日
 之朝鮮乎三人偶語則巡警干涉韓人住宅入夜不准閉戶巡
 警得自由出入稽查菜刀以數戶公用一柄為限其防範限制
 束縛之嚴亡國之慘雖奴隸牛馬不是過也我同胞今日如尚
 不同心一致救祖國之危亡誠恐過此以往愈促愈緊至其時
 我同胞即欲為祖國畫一策儲一錢恐不容我有此自由集會
 之一日矣可不哀哉吾言至此更有一言奉告諸君同人哀國
 恥之太甚痛祖國之危亡今日之救國儲金會乃我同胞所最
 傷心之一會逆料彼國人士日內方舉行提燈會慶祝之不暇
 其吸我同胞之膏血攫我南滿東蒙山東福建漢治萍之新利
 源自命為主人翁者正在陸續準備各向目的地進發矣嗟我
 同胞可恥就甚言至此吾不忍再言矣

▲伶人之憤激

前日北京文明茶園戲目為探茶奇

案汪笑儂云吳天保之弟曰吳天鈞因其兄天保欲賣家產以
 供揮霍汪笑儂即現身說曰吾祖宗為我輩所留此方圓一塊
 土我輩當如何保守以為吃飯之地方今日賣一塊明日割一
 塊恐不久吾祖宗所留遺之業盡我輩惟有餓死而已况今更
 有人欲一網打盡盡搜而取之乎言次激昂慷慨聲淚俱下台
 下叫好不絕至有而感泣者亦可見一般人心理矣

▲學界發起國恥會

交涉解決後全國人民動色

相告北京中國公學大學部學生特於昨日發起學界國恥自
 勵實踐會以期彌補國是茲將其公啓及草擬規約錄左敬啓
 者本月七號日本之最後通牒乃吾國五千年之奇恥大辱宋
 亡於元尚有文信國以存浩氣明亡於清尚有史可法以立國
 魂即如甲午之敗庚子之戮猶曰發自我國開戰敗而和固其
 所也而此次交涉彼竟不費一兵一矢而僅以威勢恐駭
 掠取我如許之權利談判之餘等如兒戲措詞之下不啻屬國
 恥孰有恥於此乎辱孰有辱於此乎凡為國民者宜如何刻苦
 自勵以謀將來之抵禦乃牒至五日權喪利失而一般同胞仍

噤若寒蟬嬉戲如故豈禍未臨頭而不知自省歎抑心如死灰而不可救藥歟何其輕且忽也虛心探求蓋亦有數原因存焉卽一謂不在其位不謀其政一謂巧婦難爲無米之炊前者之思想多屬於人民後者之思想多屬於政府近有愛國者見及於此以爲外交之失敗由於國家之貧弱故不能以戰爲後盾於是其有救國儲金之發起如添兵工廠也練海陸軍也興實業也皆其主要目的也然鎗砲雖多誰則執之士卒雖衆誰則教之實業雖興誰則推廣而擴充之是不可不有主持者求諸政府政府不能事親之責於齊民齊民又不能一一任之而求其最合身分上可以補政府之不逮下可以作齊民之模範者舍學生其誰與歸故學生者任重致遠之代名詞而國家社會之中樞也苟輕視其地位而不於此時相警戒互相砥礪則國家前途豈堪設想雖儲蓄多金適足以供無心肝者之揮霍於實際庸有濟乎某等驗諸天下興亡匹夫有責之說不敢以不在其位不謀其政相委卸而置國家存亡於不顧爰與同學磋商規約數條以爲此後立身行事之方針其大意不外振刷獨

五月九日後之全國輿情

立之精神以保國性造就完全之人格以備任使儲藏惟一之富力以待不時倘一人如是一校如是推而至於全國亦莫不如是則將來結果詎可量乎如蒙各貴學校贊成卽希速覆敝校以便訂期聯合會商妥擬進行辦法是爲至盼此啓草擬規約列後一每日課餘默誦本月初七號日本最後通牒一週一凡用品俱本國貨物如本國無者須由本學校校長或地方行政長官代買一每學期儲金一元(願多儲者聽便)隨學費交納由本校會計代收彙存國家銀行但高等小學生半之初等小學生聽便一每日功課須完全了解遇有疑難者由同學疑難研究部答覆之但以課餘爲度同學疑難研究部之組織另訂之一須戒淨一切嗜好其細目別訂之(此條最爲重要因儲金概取諸此項故也)一每禮拜三禮拜六添兵式體操各一點鐘須按時操練以上六項凡在學學生永續遵守如有逾者由同學監察部舉發交管理員懲處之監察部及懲罰規則另定之

▲伶界發起義務戲

北京伶界梅蘭芳於中日交

涉發表後即大有感動日前中央公園開會時當場即取洋鈔百圓交於交通銀行掣取收條為憑嗣即與路玉珊（即路三寶）商議糾合北京伶人名角全體各出其平生最擅長之戲在第一舞臺演唱一二夜義務戲凡北京最有名之譚叫天楊猴子十三旦等均須登場而票價則不妨稍昂俾得集就鉅款即將全數納為救國儲金其計畫大畧如此梅路等既抱此志願當即銳意進行昨日（十四）上午十一鐘由梅氏在正樂育化會提議討論得有多數贊成大約日內即有正當之宣布梅日來奔走此事妙峰山之行業已作罷并聞救國儲金團願擔認當日前後台一切零星經費所得票價即以正樂育化會名義存貯銀行

▲國難聲中之傷心人

此○次○中○日○交○涉○日○本○以○武○力○相○強○迫○我○大○總○統○以○維○持○東○亞○和○平○委○曲○遷○就○予○以○承○認○此○固○為○國○民○所○共○諒○多○少○傷○心○人○對○此○鉅○大○之○喪○失○不○無○新○亭○之○泣○救○國○儲○金○團○紀○念○凡○所○以○圖○奮○發○者○靡○不○備○至○有○馬○麟○者○開○設○茶○肆○之○小○商○人○也○十○三○日○於○救○國○儲○金○大○會○內○居○然○引○刃

刺○血○以○警○告○我○國○民○其○行○雖○愚○其○志○可○敬○說○者○謂○梅○福○隱○於○酒○傭○屈○原○吟○於○澤○畔○此○其○中○國○大○有○人○在○勿○以○馬○為○小○商○人○而○忽○視○之○也

●馬麟號在祥維揚人在西華門外開設一茶肆其牌號曰新華家有一老母一妻日以幾十盃清茶博得數百文以為仰事俯育之資聞中日交涉日臻危急中心異常憤鬱當日本提出最後通牒之時馬不自量其地位之卑陋竟貿然重至東堂子胡同外交當局陸曹總次長處要求關者傳達欲求一見聞者以其衣服襤褸厲色斥之馬在門旁長跪至四小時之久卒不得見大哭而去此前數日事也

●上海救國儲金發起後京中各報多有轉載其事者馬每日必購閱羣強報見此項新聞後乃亦步此後塵傾胸中所有者寫一理由書揭諸門首措詞頗激烈略謂國家異常危急國民若不共謀補救則亡國之痛即在目前因擬以每日所得者提出十分之三作為儲金云云此一種驚心動魄之文字乃發現於小茶肆之門首致聚而觀者頗不乏人尚警不知就裏以其

艸一紙竟能鬧動市人之耳目詫異之餘遂將馬帶入所轄區內警員某固以維持治安鎮安人心為職志者見馬一小商人乃不許其有此愛國之舉動飭將門首所揭出者即日撕去馬申說再三警官堅執不允馬無可如何只得偃旗息鼓然而壓抑愈甚則憤鬱愈深返家後日夜思所以洩憤之方寫得書函兩通一致羣強報一致亞細亞報丐求刊布至翌日而雁香魚沉馬因之益憤而自殺之念於是乎起矣

前日中央公園開救國儲金大會馬懷挾利刃冀流血於愛國諸同胞之前而留為國民特殊之紀念乃七首甫見援者四集第其力之所及僅傷得右手食指寸膚一時血流不止環而觀者不下數千人馬復揮淚言曰中國者中國人民之中國也中國人民若任此大好之中國以斷送於他人則亦己矣否則各出其財力以共支此岌岌之時局實有不可或緩之勢云言至此又號泣不已聽者為之動容中間掬一腔熱血以灑此同情之淚者更不知其幾何人矣

十二號馬於老母前託言欲外出訪友乃携得銅子四十枚

五月九日後之全國輿情

一直至亞細亞報館謁該館記者該館門房呵斥之乃轉至羣強報館據聞人云主任已外出仍不得見正徘徊歧路間忽遇一友人某某竭力寬慰之談救國儲金事某告之曰此事北京最初發起者為新中國報馬乃至該館聲稱欲見編輯主任時本社編輯長適生先生因事他往門者拒之馬以欲見一報館記者竟如此之難一時氣憤填膺幾乎痛不欲生馬去後至煤市橋東鴻泰茶室並購得小刀一柄羊頭一枝在右臂劃破寸餘血流如注復以筆蘸血於白紙上大書痛記國恥四字又書沽名釣譽四字以前日在中央公園當眾自盡時有某某稱其沽名釣譽故憤而書此也

▲李陳兩志士之痛言

李統球憤中日交涉自戕一事曾紀前報茲有東報某記者與李君晤談李之顏色極憔悴訊其傷痕答已漸愈大約十日內可就痊叩其自戕之原因李君謂自亡命後居日本時最多見彼邦人口之所言心之所圖無非以中國為矢之的而居留黨人又復不察甘心為虎作倭顛覆祖國中國各報所布之黨人消息皆有因也自歐戰發

生後東亞形勢更爲危險而黨人不能於風雨飄搖之中維持祖國更復引虎入室噬彼家人鄙人初心本爲謀祖國之利益此時黨人內部如此居心何敢再同流合污貽萬世之罵此乃鄙人歸國之初心也及歸國正中日交涉劇烈之時鄙人正可以身報國略遂初心不意日本之最後通牒至我國當局竟容忍以受之主權利權傷失殆盡後來之禍因此而伏者又不知如何推其原因皆因我國人不知顧全大局時圖擾亂致政府前後顧忌不能一致對外此次交涉所以如是失敗鄙人思之至再既不能勸解黨人以靖內亂又不能衝當仇敵以禦外侮似此寄生社會有何生趣遂拚一死慰我同胞不意竟爲制止未能遂我之願自今思之頗爲慚愆云云又軍官學生陳增榮當中日交涉折衝之時即致某公函云事急矣南八男兒報國有死而已十年枕戈待旦此日俟命而行恐與君不能爲最後之下拜特奉小照一幅希惠存而爲紀念庶幾人亡跡在北堂老母得便幸爲解慰云云迨聞交涉失敗咬指瀝血書手帕上曰國家變出非常求死不得茲以鐵血紀國恥並以自勉世之

同志君子朝夕如肯三復之則十年革心十年教戰或可轉弱爲強易危爲安是爲誌旁書哀的美敦書五字末署陳增榮血書五月九日等字樣是亦何光烈之偉亞而足以表見該校一般之感想矣

▲軍官學生何光烈之痛憤 交涉失敗保定軍

官學生何光烈痛憤而死已略誌本報專電欄茲接友來函詳叙其事錄之如下

日人初以其橫暴無理之要求條件照會我政府何君即告人曰此次交涉無論如何解決於我國之損失必巨然與其俯首聽命將大好河山斷送於壇坫之間勿寧肯城借一第以吾輩軍人天職首在服從或和或戰悉政府之命是聽故何君日惟鍛鍊身體勉強學問靜待後命數月來交涉愈惡南滿山東增兵日多我政府藉口於顧全邦交將權利損失八九而彼日人仍不滿意竟提出最後通牒於是全校學生莫不悲憤填膺而何君尤爲激昂準備出發及至九號八時政府完全承認之消息突如其來全體大震何君狂呼曰我四千餘年之文明古國

竟斷送於吾輩之手乎。竟不能一戰以求最後之勝利乎。吾輩為軍人不能一戰以衛父老。吾何生為。遂以頭銜壁同學見而奔救之。則已血自口出。氣息絕矣。未幾醫官及校長繼至。盡力救護。逾數小時。氣息始續。又逾時。乃痛哭失聲。但神經仍昏曠。發言無倫。次而句句皆是肺腑。流出聞之令人感奮。茲按其語之先後。綴為一片。其語意有不相承認者。紀實也。

何君之言曰。吾最親愛之中華民國。今日竟為吾輩所斷送。那彼日本區區三島耳。不及吾四川一省之大。我合二十二省與之相持十年。彼雖強。必精盡力竭而死矣。縱云吾國不競。而以我吾四萬萬之肉彈。亦能將彼三島擊沉於太平洋之中。我同胞其努力哉。若使我好河山。更腥膻之污穢。則我黃帝在天之靈。必不宥此不肖之子孫也。況在前清之際。猶可諉之曰。滿清之亡。國奴才以致。如此在今日。已成中華民國。則亡國之罪。其將誰諉。以四千餘年之古國。以四千餘年之貴冑。而易得亡國奴三字。豈不痛哉。吾問同胞。今日當爭權利乎。當愛金錢乎。被猶太人富過全球。而猶太人亡國奴之徽號。吾同胞當羞稱。

五月九日後之全國輿情

之何於今。而自蒙此徽號也。民國成立於今四年。使無第二次革命之搗亂。上下一心。整理政事。則乘此歐戰機會。正奮發圖強之日。何更受此奇辱大恥也。吾忝為軍人。不得一戰。以對我父老。我願從鄧慕顏君於地下。（鄧君於民國二年在煙台蹈海死者。乃何君之友也。）我願同學奮發圖強。以挽將沉之國。則吾雖死猶生也。

▲譚兆槐留書服毒自盡

有僑澳米商譚兆槐

因交涉失敗。引為大恥。竟於昨十一號服毒自盡。遺下手書一紙。洋洋數千言。極為悲憤。大致謂。溯自中日交涉發生。弟等奔走呼號。深願當道諸公。顧全國體。乃一旦對於要求各件。全行承認。將來大好山河。必為外人攫奪。我國民為牛為馬。羞辱何如。言念及此。可為寒心。故弟不欲偷生。人世甯以一死謝天下。願我同胞四萬萬。自此之後。奮力圖維。以雪國恥。嗚呼。蒼天夫何復言云云。

▲嗚呼湘人之血與生命

湘省自中日交涉解

決後。發見血書九紙。用紀如下。一以身殉國王。洪潤書。一立志

不願國破家亡彭超書一永永毋忘胡鎮華書一至死不變周乃武書一毋忘此仇朱子植書一愛國同胞毋忘國恥李書田書一誓雪國恥張道書又有兩紙一為懸懸宜復一為為國捐軀真男子均袁宗元書並聞張道為湖南造幣分廠之工人昨十六號為星期休息日該廠工人在廠內開工人國恥會由工匠黃開運等先後演說後有張道登台極言日人之橫暴及中國之屈辱痛哭流涕旋出小刀將手指砍破用血塗書誓雪國恥四字同人大為感動當經議定贖費將血書用紅墨印刷分寄各埠張貼一刹那間集有印刷費四十七串隨即持往印刷店訂印矣

捐軀二人

湘省蔡福泰錢店夥友楊渭明因憤於

此次交涉之失敗特於本月十八號午前至大西門外河邊喚一划船口稱渡河行至江心楊君忽躍入江中划夫駭極大呼救命幸撈救頗急尙未致死迨扶至船中衆划廣集楊君大呼曰快去救國莫來救我言次復又投身入水經各划夫合力救出則已奄奄一息矣船上遺有一傘傘內藏書信甚多嗣經報

由水上警察詢問事由而楊君氣已稍甦言有姑母住省城如意街當即送往該處令其調養聞楊君名善述又名全別號渭明巴陵人年十七歲平日安守本分絕無嗜好終日守店不出自聞中日交涉解決之耗即時作憤激語是日午前十時尙在店中並無他項情事忽然出去投江自盡該店內搜出絕命書一束各書之末均有血塗救國二字云(原書甚多不及備載)又津市第一高等小學校學生周全仁自聞交涉案了結遂將左手食指用刀割破出血大書以身殉國勿忘國恥八字貼於講堂之黑板上稍自出校効屈大夫故事蹈澧水而亡該埠人士大為感動故日來對於救國之各項義舉以該埠最為急切云

女學生發起國恥紀念

自中日交涉和解後

薄海人士罔不引為大恥頃悉粵垣女子師範校有女生沈某某等因此事於日昨召集各校同志多人假座榮桂里陶德女校開會討論由本省發起聯合各省及滬中人士組織一國恥紀念會每年於國恥日開會一次并將此次喪失條件譯以白話

淺說將利害說明愧勵同胞俾與救國儲金團相輔而行云云聞贊成者甚多。

▲川豫人憤激之文電

十六日四川之愛國會

致總統政事堂內務交通財政司法參謀陸軍海軍農商教育各部總長參政院電云報載中國已承認日本之威脅以堂堂五千年古國接收第一次哀的美敦書何異城下為盟實已忍無可忍在日人欲盡吞中國而甘心恐此次之條約方竣五項之要求繼至五項之要求未了列強之均利又來國事至此尙得為國某等分屬國民興亡與其與其偷安旦夕以全命孰若拚死一戰以圖存際此一髮千鈞敢請毀約決戰和淚電陳不知所云四川愛國會銑又日昨開封商務總會致京師總商會電云真齊兩電均悉忍辱媾和全國大恥雪恥在強圖強在富儲金之舉最能激發衆志我國富強肇端在斯敵會前接滬電已極力籌畫定本會為事務所當積極進行仰副提倡苦衷汴總商會覆

▲教育界之痛定思痛

上海西門外江蘇省教

五月九日後之全國輿情

育會致各縣教育會函云中日交涉雖已解決然國恥所在我人民當永久不忘聞京師商務總會通電各省激勵商人情詞極為切摯吾學界同具愛國熱忱義無多讓昨經敝會幹事員公同集議應即通知本省各學校以每年五月九日為國恥紀念日是日職教員等定時集合各學生將此次中日交涉情形講述一過並加入學歷以免中輟此係吾人創鉅痛深為發憤自強計與教育行政並不相侵各師生當心知其意用函達貴會即祈轉致縣市鄉各校一體查照云云

▲血書之警贈

今日救國之舉惟儲金與國貨兩問

題自交涉和平經過痛定思痛凡屬國民於以上兩項之進行萬不可再事因循觀望李君佩蔭國貨維持會會員也憤恨刺臂血書同胞同胞毋忘民國四年五月九日六點鐘國耻紀念二十六字以作紀念茲聞將此血書警贈儲金團以示贊同救國之血心該團同人非常感激聞已慰復李君並謂二十六字之警贈不啻五千萬儲金之珍重馨香三復銘刊五中謹當裱掛座前日效夫差之呼譎候大會時再懸告大衆藉資激勵云

云。

▲上海國民大會紀事

中華民國外交後援會

中華國民請願會國民對日同志會女子救國儲金團四團體發起於昨日(五月十日)下午一時假法新租界打鐵浜大德里南首空地上開國民大會討論對日問題一時赴會者絡繹不絕該處空地雖甚廣大後至者亦竟無插足之地屆時正欲開會爲法捕房干涉迨移至華界林蔭路荒地上開會又爲該處二區警署干涉後由該會代表黃棋君至署述明開會事實及捕房阻止情形隨即出外重復開會首由林競君等四人演說開會宗旨次由黃棋君等五人演說語多痛切聞者感動最後公決電達中央請求否認日本之要求一面分電各省將軍維持國威並聲明國民志願犧牲一切擁助中央以競存於世界云云至鐘鳴四下遂散會電稿錄後

▲北京大總統外交部鈞鑒據各電已完全承認日本最後通牒之要求自蹈朝鮮覆轍本日經上海國民大會數萬人表決死不承認懇政府本國民之決心背城一戰民等願毀

家捐軀後援政府國民大會叩佳

十

▲各省將軍巡按使鑒據京電政府已承認日本最後通牒之要求自蹈朝鮮覆轍本日經上海國民大會五萬餘人表決死不承認懇急電政府宣戰民等願犧牲一切以隨公後國民大會叩佳

▲北京陸軍部段總長海軍部劉總長鈞鑒據京電政府已完全承認日本最後通牒之要求自蹈朝鮮覆轍條約亡國慘痛何如本日經上海國民大會五萬餘人表決死不承認將軍赤心義膽素以保國捍寇爲懷甯忍坐視懇速奮決武怒挽回危局民等寧戰而亡願犧牲一切以隨公後盼復國民大會叩佳

▲中日交涉解決後之湘訊

●商界 商務總會因恐各縣商會見於中日交涉解決對於排貨儲金等事懈怠進行貽羞全球昨特通電所屬商會勸仍積極進行電文甚冗略謂排斥外貨正所以提倡土貨而闢利源解囊儲金原所以擴張軍備以圖生存處此弱肉強食公理

恥

國

幾亡時代。國人如不。任人刀俎。舍此二事。不足以圖富強。各執事。素具熱忱。代表商券。尙祈對於排貨儲金。毅力進行。切勿稍懈。國家前途之存亡。端在此舉云云。

●學界 省垣第一中國學校長彭國鈞。昨據北京公電稱。中日交涉業經和平解決。特於昨日。昨十號。召集全城校長。在該校內開會演說。是日各校長。姜濟寰。葉戡時。及學生到會者。約計數百人均有演說詞。僉謂國家受此奇辱。吾民遭此挫折。自今以後。中日之國際感情。既已大傷。更無敦睦之可言。吾國人民。即當臥薪嘗胆。誓雪斯恥。等語。洋洋數千言。不及備載。並用校長名義。致電中央。請將交涉解決之問題。詳細示知。以釋疑慮。

●雜聞三則 (一) 國恥牌。湘省第二中學校全體學生。現爲激勵人民。自強起見。擬製洋鐵牌數百餘塊。長二尺寬一尺。用油漆大書無忘國恥四字。懸掛各通衢。以期觸目驚心。當由各生出資。共得三百四十七串五百文。即在廣興漆店定造矣。

(二) 國恥報。省城甲種商業學校學生。左蔭棠等。發起組織國恥圖書報。將交涉經過及失敗一切狀態。繪畫成圖。並用淺顯

文字說明事實。張貼通衢。務使中下等社會中人。閱之皆能入腦海。已經擬定簡章。稟請警廳立案。一俟批准。即行定期出版。

(三) 徵集意見。湘省學界對於此次交涉之失敗。極爲憤懣。一致主張廢約。業由教育總會電達中央。茲聞學界同志會。以此事關係甚巨。不可輕率從事。昨特分布傳單。徵集各界人士。對於廢約主戰之意見。以資參考。而策萬全。並限於下星期日(即二十三號)爲截止之期。

▲上海續開國民大會未成中日交涉業已和平

解決所訂條件。日內在北京簽字。而一般熱心愛國之士。發起反對。昨日(五月廿五日)午後。滬城九畝地地方。聚集二三千人。公舉振漢房產公司總理詹天民。字佐時。係廣東香山人。又李祖聘。字更生。廣東梅縣人。又各團聯合會幹事員劉淇。字海滄。並劉榮等四人。爲代表。羣聚在九畝地。擬開國民大會。籌議對付方法。其中有白旗數面。上有血書。爲李耐霜之血。言警告同胞。願死等字。另有一旗。上書哀求毀約四字。各人正欲開會。鬧事爲二區一分署警局。並警察廳訪悉。立即飭派全班長警

等持械蒞場干涉不准開會於是詹天民等四代表率衆擁至上海縣公署要求沈知事並在大堂上立候回答沈知事見人數極衆恐有不測急用電話報告鎮守使署並警察廳等處不一刻鄭鎮守使委派副官范君到縣公署會議警廳徐廳長即率巡邏隊二十名到縣照料一區二分署亦派長警前來彈壓范徐兩君與沈知事會商後請詹天民等四代表入內在花廳上商議良久允許彼此同至鎮守使署述明前情要求鄭鎮守使將情電達北京其聚集大堂上之衆民應由代表勸令解散詹等四代表遂出向大衆述明情由令赴九畝地候示不料衆人非惟不睬反而一味胡鬧不休齊稱我等情願一死詹代表等見大衆無可理喻乃向衆曰爾等可認我四人爲代表否衆人答稱願認爲代表並一律拍掌詹等又謂曰衆位既認我等爲代表則一切應聽我等指揮何以此時不肯服從衆人始無言遂羣往九畝地候示范副官徐廳長沈知事等見大衆散去乃偕同詹天民等四代表各乘馬車往鎮守使署而去

▲九畝地國民會續誌

昨有國民多人因中日交

涉和平解決將次簽訂條約擬在城內九畝地開國民大會起而反對被警察驅逐乃擁至上海縣公署要求據情電請大總統毀約公舉代表詹天民等四人隨同沈知事等偕赴鎮守使署面稟鄭使請爲領銜電呈等情(已見昨報)茲悉鎮守使鄭汝成君據沈知事等偕同詹代表等到署求見當以茲事重大爲時已晚非倉猝所能定議除將四代表以及自告奮勇之寧波人應某一併暫留使署一面令淞滬警察廳長徐國樑縣知事沈寶昌各回本署督同商埠地方各警察嚴行巡緝戒防俟次日午後齊集使署特開秘密會議公籌辦法再定行止鄭鎮守使自徐等退出後復念國民人數衆多尙在未經散會丁此人心憤激之際倘有不法匪黨乘間勾煽易致肇事城廂內外地方叢雜深慮警力難遍特令北洋陸軍第四師第七旅第十三團團長龔聲揚抽調步兵多連即於當夜出發除每一公署派兵一排實行駐防餘於城廂內外各要道分段分巡晝夜防備以補警力之不逮迨昨日黎明衆國民以代表遭驅使署未見回音頗懷疑畏有擬即日午後再以九畝地爲會場集衆會

議公謀援救代表辨法從而附和者頗不乏人事為官廳偵悉遂加派軍警多名戎服荷鎗在九畝地各要道並新舞臺之前後左右實力站防禁遏該處戲園茶酒等店多有暫止交易者

(如新舞臺九華春等是)該軍警等遇有行人三五成羣經過該處均嚴拒絕惟獨行踽踽者及老幼婦孺輩方准自由通過衆國民觀此情形不敢冒昧嘗試遂各四散會事乃成爲泡影該處獲此彈壓故自早至於日昃秩序整肅毫無紛擾惟午後兩時許新舞臺對面第一樓茶館(未停營業茶客甚多)樓上不知何故突有茶盞兩隻自樓擲出落地鏗然軍警慮滋事端上樓查問無人承認軍警乃令店東將各茶客辭退暫時收市

●鄭鎮守使原定昨日午後開會籌議國民請求電阻簽約故沈知事徐廳長等均於午前十一時先期前往使署聽候示遵直至下午五時尙本週回未知會議如何云

●代表李祖勝原籍廣東梅縣現寓本埠公共租界斐倫路第三十三號門牌屋內其妻某氏年約二十餘歲人有見者稱其舉止裝束類似女學生氏因前晚夫未歸家訪悉前情特於翌

五月九日後之全國輿情

晨親往製造局查詢下落鎮署中人答以人在縣署氏乃復至縣署始得確實消息惟云吾夫代表衆意請願係出衆意非自爲私應無罪之可言既知下落予心亦安

●又一訪函云昨日(廿五)鄭鎮守使訪悉九畝地地方仍有無知人民聚集希圖開會深恐匪徒乘間擾亂治安除先飭淞滬警察廳長示禁不准開會外(示文錄後)一面立派調查員盧家有廖守忠參謀長趙聯黃等於午後二點鐘時會同上海縣沈知事淞滬警察廳徐輔洲等帶領該會代表詹天民等四人馳往九畝地彈壓並由陸軍步兵十三團周團長派兵一連亦往九畝地梭巡以防滋事趙參謀長等到場後見九畝地第一樓茶館樓上人數衆多勢甚嘈雜故即登樓勸諭畧謂中日交涉政府自有權衡斷不致有失主權爾等聚衆開會妨碍秩序官廳有禁阻之責務各安分散去如違定將爲首者究辦並由代表詹天民等竭力慰勸始各分散趙參謀長因見衆人散法亦即回署稟復鄭鎮守使查照

●附錄鄭鎮守使示爲出示曉諭事照得中日交涉解決以

國

恥

後曾經統辦事處通諭各省以此案和平議結無損主權中外
敦陸曉諭人民一律安輯等因經淞滬警察廳長示諭遵照並
禁止假名集會藉端騷擾在案查滬上為通商巨埠文明智識
早已灌輸紳商學界類多洞達時勢深明事理之人是以凡遇
國事率皆仰體時艱力持鎮定第以五方雜處良莠不齊無識
流氓所在皆是此輩假託名義從中播弄以冀煽惑是其慣技
遂有昨日集衆九畝地開會演說之事此種集會本係不規則
之團體聯合而成並以毀約主戰為詞迫令政府承認當經本
使等訪明協同警廳前往解散詎竟違抗不遵且率衆擁至縣
署任意滋鬧本使觀此情形知難理喻爰飭將代表帶回本署
訊問開導以維秩序查私行集會聚衆演說本于例禁况又托
詞反對要挾政府經官廳勸導解散違抗不遵似此騷擾行為
實屬有違法紀律以愛國之義斷不若是之謬本使等官守斯
土負有保衛地方之責誠恐愚民不察受其鼓惑致再發生前
項情事除飭軍警嚴密防察外合亟出示剴切勸導仰爾各界
人等務宜各安生業發憤圖強勉為完全高尚之國民勿為宵

小之謫言所惑致罹於法本使有厚望焉其各凜遵切切特示
●附錄淞滬警察廳徐輔洲君為示禁事照得集會結社應得
警察官長許可方可開議本日復有人因在租界各處分佈傳
單擬欲再在九畝地開會等語除已派保安隊嚴防外並諭新
舞臺不准將舞臺借作會場如違嚴罰為此示禁務各照常營
業勿生驚疑惟各商民等不得再在九畝地聚衆圍觀以免紛
擾而防危險本廳長為保護地方起見毋違特示

廣東學界開國恥紀念大會

昨午廣州全

體學界假座述善中學校開國恥紀念大會到會者各校學員
及各團體代表數百人警察廳派鄧辟強門安朝及陳區長到
會監視一點鐘開會公推徐君勉主席先由原領周君宣布開
會理由次由主席申明本日開會宗旨及陳述中國自前清道
咸至今交涉失敗情形以此次日本要求最無公理現在大錯
已成無可挽救除社會現在籌辦各事如振興國貨救國儲金
兩項各自實行外今就學界所當厲行者(一)在通習兵式操
(二)在聯合全國學界要求政府增加教育經費并歷引各國

致強之點無非根本教育吾國學生向來文弱何以雪恥至教育經費國家應負責任徒以政費不敷致將此項根本經費裁減幾盡豈不大謬似宜趁今日提倡進行乃有着實雪恥之希望云云說至痛快處座中無不鼓掌次何劍吾君演說大意以今日國恥實出日人之賜其最後通牒曰覺書我國同人愴然不覺而待人覺寧不愧死吾粵社會現狀當以一恥字覺之恥在心應耳提而面命之也其着手處(一)在講學并解釋講學中實在力量非徒從事各科學術中(二)在體育發達即贊同主席普習兵操之說因陳述粵省現在組織之兒童體育促進會及廣州體育比賽會均為學界所應合力推行者現擬聯絡各校此後於星期日率學生會合操演又國勢調查亦學界中所有事應另設一會云云演說中所徵引事實至朝鮮亡國慘狀以為朝鮮人不能自治有以取之實為世界之罪人願吾人以朝鮮為鑒云云次張敬銘君演說以日本人謂吾國無五分鐘熱力發揮策勵國人增長熱力手段次羅某演說二辰九故事謂今美洲僑商力行不懈願各矢毅力以雪斯恥次蔡日樓

五月九日後之全國輿情

演說編國恥歌及重話均與雪恥大有關係者演畢主席對於諸說均表示贊同且曰諸君曾聞吳夫差之言矣僕今且易之曰國民汝忘日人之亡吾國乎此語當可永久誦之也諸君若不忘即斯會可謂之自強會否則當名為追悼會耳衆皆涕泣旋請衆提出紀念辦法以次表決如下

- (一)用白油黑板上書五月七日國恥六字(二)國文教員多出激發國恥題目(三)圖畫教員多寫國恥紀念品物(以上原頌周提出衆贊成)(四)設世界大勢調查會(何劍吾提出衆贊成)並定下星期再邀各界多派代表到會討論進行方法茶會乃散時已五點三十分矣

湘省之民氣激昂

▲請纓

湘省各屬官民近日電致湯劉二省長及中央政府請廢約主戰自願効命疆場捐助軍餉者絡繹不絕特為彙錄如下(甲)官吏湘西鎮守使田應璜第六區守備隊司令望雲亭芷江知事傅良弼水警第二署署長陳澤民(乙)人民

安化張國屏自備軍餉募練敢死隊一營願為前驅並破產擔
任戰費二十萬元寶慶魏澤清願自練決死隊並捐餉十萬元
醴陵何化時願募湘軍一師先赴前敵新寧李國權願捐軍餉
十二萬元並自當兵

退學

湘省留日學生團全體學生昨致電劉省使其
文曰日人酷虐舉國同憤生等現全體退學願轉留美國請即
備文轉送並仍給官費原額不敷之數生等自擔不勝迫切待
命之至

斷指

天津市紳學商界人士於本月十六號在該縣教
育會內開國恥大會到者近二千人上午十時開會各會員痛
哭陳詞情極憤激下午五時始行散會當場斷指血書者七人
斷指誓仇者五人當將血書印刷函請長沙商會查照傳佈以
期感動人心茲將斷指人姓名誌下(甲)斷指血書者徐明濂
書誓雪國恥四字陳超書救國二字馬繼明書勿忘國恥四字
張開芳涂明哲李文德三人各書誓不忘恥四字胡景福書儲
金救危四字(乙)斷指誓仇者范文斗曹濂錢綸文何國樑朱

炳文

墮城

本月十八號有一衣服麗都之二十許少年在
天心閣城上演說極言中日交涉之殘酷亡國之慘禍痛哭流
涕淚竭聲嘶聞者亦俱淚下說至極沉痛處該少年忽將身一
躍跌於城牆之下大衆馳往驗視幸祇跌傷右腿經其同伴一
人前來僱用肩輿送至醫院調治據同伴聲稱此人為楊紹祖
住司馬橋第一中學畢業生云

知恥

省城羣智學校同學國恥會於十八日下午開
第一次常會討論一切進行事宜當經議決各事如下函(一)
請各報館雜誌社於其報名上加刊勿忘國恥四字(二)函請
各幫商董勸告各店舖以後包貨物之紙及招牌上加書勿忘
國恥四字(三)函請各戲園於戲單上加刊此四字(四)函請
紙業製造此四字之信封信箋及課本(五)函請商務中華等
大書局以後各種教科書籍俱於書面上加印此四字(六)函
請各學校於校牌及旗幟上俱加書此四字以期觸目驚心

湘學界之捨身殉國者

▲農校學生之投水

省立甲種農校預一班學生

彭文超。湘鄉人。愛國。出於生性。自聞中日交涉。解決之耗。即毅然作書。憤不欲生。二十四日午後七時。忽潛自外出。九時。點名。尙未返校。監學員以其素行勤勉。外出甚稀。方深疑訝。旋據同班學生稱。其比日來。言論激烈。慮有他變。遂共發其箱篋。竟於其中。覓得絕命書。及書函數通。始知彭君。因感憤國事。已自沉湘水。從三闖大夫遊矣。北郊地曠人稀。當時無人瞥見。現方沿岸。打撈屍體。尙未覓獲。復據該校報告詳情云。預科一班學生彭文超。湘鄉人。年二十歲。前曾身歷戎行。後又銳志向學。遂肄業農校。昨聞交涉失敗。心殊憤恨。與學友遊於日領事府之前。平浪宮之側。指岸石厲聲言曰。吾不忍見國破家亡。吾當從三闖大夫遊。即以此處爲我捨身之紀念碑。惟吾投水。必不令人得知。以免涉於沽名釣譽之嫌。云云。詎二十四號。忽然不見。歸校。及啓其箱篋。內有一紙。上書開吾箱者爲誰。汝忘五月七日之恥乎。等字。內函四件。一致其姪。一致其同學。一致學生界。兩致其友。茲錄其致同學書云。同學諸君。勉乎哉。抖擻精神。爲國

五月九日後之全國輿情

▲小學校長之自戕

嘉禾縣紳商學界同人於十

七號在該縣縣學宮內開國恥大會到者千餘人。俱慷慨激昂。誓雪國恥。有公立初等小學校校長錢芝瑞君。在台演說。日人之奸險。中國之危殆。痛哭流涕。極爲沉痛。旋言朝鮮過去之歷史。及近今之慘狀。竟以頭撞壁立時氣絕。一時會場諸人。俱放聲大哭。誓雪國恥。以謝錢君之靈。當由該校棺殮。妥當檢其箱籠。僅有致其子書一封。令破家儲金。投軍滅仇。措詞亦極忿激。聞該縣知事。已會同教育分會。商務分會。會同商辦矣。

▲組織軍國民教育會

鄂省第一師範學校學

生於體育最爲注重。前次發起運動會。比賽角力。競跑。某軍校

學生亦不及之近因外侮憑凌激起各學生愛國熱忱除各認繳儲金以救國難外並發起邀集省垣各校學生擬組織軍國民教育會以養成尚武精神為宗旨作他日報効國家之預備昨已通告各學校定於本月三十日在該校開會籌商辦法請各校各派代表二人屆時到會商確現各校師生以國步多艱來日大難須預籌人自為戰庶可挽救危亡皆一致深表同情而段將軍段巡按亦以此舉有裨國家大局極力贊成似此羣策羣力同心一致必可達到目的也

▲倡設勸用國貨同志會

省立甲種農業學校

師生因該校以研究改良本國物產為宗旨自應以提倡國貨銷路為己任爰倡設勸用國貨同志會冀有以遏狂流而塞漏卮現特聯絡各校共同進行定於三十日假第一師範學校開會邀請各代表於師範學校之軍國民教育會議畢接續開議進行方法又武昌中華大學校學生原有同學會之團體現亦決議調查國貨種類之堪以製船舶來品者刊刷成書繪圖貼說廣為散布以資提倡此事需款頗巨已由該同學捐認諸

生之熱心愛國於斯可見

▲陸軍學生血濺講席

鄂省陸軍第二預備中

校學生愛國熱心較各校為最即以救國儲金而論該校舉辦獨早即其明証五月初聞彼日人有提出哀的美敦書之信以為我政府必不屈服全校生均預備聽政府之調遣及九日承認消息傳到後莫不義憤填膺有曾擬電阻止簽約之請近因條約已經簽字衆情尤為激昂經校長解朝東極力勸諭因之尙無劇烈舉動昨有施生修和於課餘與同學講述吾國今後之運命其詞最為沉痛始則淚隨聲下繼竟嘔出熱血數口撲地暈去後延醫診治據云憂鬱過甚所致同學始安初蓋俱疑其服毒也

▲京商會痛心國恥之急電

京師總商會急電各省商會云日本利用歐洲戰事乘我新造國家提出吞併朝鮮同一之條件備我承認五月七日竟以武力為最後之要求四十八鐘內倘不承認立即進兵以五千萬

同種同文之人。忍加刀於我。四萬萬人之頸。強奪我之生命財產。以滅我國家。而供其貪慾。嗚呼痛矣。乃我國家初創。人民屢遭離亂。元氣未復。政府內顧。民力不能。委曲求全。讓步媾和。權利喪失。國幾不國。嗚呼痛深矣。嗟我國民。受此奇辱。尙有何面目。以自存於社會。夫我中國。素稱強大。甲午以後。外患因以紛來。聯軍之役。日俄之役。青島之役。屢受侮辱。東南屏藩。爲之盡撤。今且深入我濟南之腹地。竟以亡國條件。要挾我國民。苟尙欲自列於人類。五月七日之恥。此生此世。我子我孫。誓不一刻相忘。今請自本年五月七日始。我四萬萬人。立此大誓。共誓全力以助國家。時日無盡。誓發有誓。此身可滅。此志不死。特此哀電全國商會。請卽刻普告全體商民。永存此志。無忘國恥。揮淚痛告。不知所云。

▲陸軍步兵少尉裘奮事畧

少尉。諱奮。字錫堂。姓裘氏。浙江嶧縣人。幼畢業於本邑高等小學。入紹興中學肄業。二年。旋改入浙省師範學校。性俠烈。敢任

五月九日後之全國輿情

事。清季疆吏嚴緝革黨。有張某者。避匿君家。二月終始。翼衛使脫於難。人以爲孔褒之張儉不啻也。浙省光復。君隸敢死隊。以勇敢著稱。旋充稽查上官。嘉其能。保送陸軍講武堂肄業。極勉於學。畢業後。派充九十七團見習。民國三年五月。檄委第一營三連連附。尤能熱心盡職。惟賦性剛毅。感觸時事。輒怒形於色。五月二十七日午時。竟以手鎗自殊。春秋二十有五。遺書三。一。致旅長團長參謀。一。致其友裘筠。均繕畢。一致其師。尙未畢。皆拳拳國事策勵軍官之言。後檢其身畔小冊。記中外格言十餘。則又記朝鮮亡國慘痛。九則格言不錄。茲錄其所謂亡國慘痛者。一。行人不許三人成羣。二。不許青年娶妻。三。不許人家設床。楊四。不許開會結社。五。不許言論出版自由。六。不許國民儲藏現金。七。不許設立學校。講求本國文字。八。不許說本國語言。九。不許與他國人往來。及閱外國各報。其末復跋數語。大旨謂國必自伐。然後人伐之。朝鮮之亡。實所自取。於人何尤。中國當此將亡未亡之際。宜如何奮發圖強。以期無爲朝鮮之續。故從友人處錄此數語。以自警其言。絕痛君既以此爲座右銘。其激昂

悲憤懷三閭殉國之志卒至於自殺豈偶然哉夫國勢日危國
人正宜竭智盡慮共扶危局且軍人大義以報國為榮以死戰
為歸何為一不得行其志至以之自戕毋乃蹉蹉然匹夫之諒
乎哉嗟乎士氣之萎靡不振久矣彼義烈之徒以身殉名一瞑
不視以諷天下使介冑之士不忘喪元越甲之鳴咸知引恥則
君之死為不虛也已

附錄遺書

一致旅長團長參謀

旅長團長參謀鈞鑒敬肅者弱國無罪國弱其罪軍人負衛國
之重責目睹國弱至是全國之罪皆軍人之罪奮幼讀詩書本
一文士徒以時事多艱長乃棄文就武歷蒙朱將軍童堂長及
各教官之訓誨畢業後雖造就未深尙知廉恥近睹時事多艱
慨念亡國慘痛身為軍官處尙可救亡之日若再不奮發圖強
將來陷四萬萬同胞於奴隸犬馬之慘境自問尙有何顏以對
同胞更有何顏見皇帝於地下且今日各國戰爭實以科學戰
爭軍官若無學問以一人之無學誤盡無限之兵卒故軍官無

學即兵弱之原因亦即亡國之罪狀奮身為軍官既無學問可
副軍官之名故與其生而無備我國家毋寧以一死激勵軍官
奮志研求軍學以期教一兵即得一兵之用則奮雖死猶勝於
生但國家養我不知報父母生我不能養長官教我不能助背
此三恩竟以手鎗自斃必有議我之無識者然知我者仍祈諒
我為國家死為軍隊死為策勵軍官研求學問而死書至此淚
涔涔下不能再述矣肅此泣稟敬頌鈞安 三連連附裘奮謹
上

一致友人書

(信面寫裘銜先生啓)

伯誠佑民培生三學兄大鑒逕啓者弟因國事艱難不欲覲生
人世今日願以手鎗自斃策勵我同人竭誠報國前言王家祚
令妹一節即作罷論憤勿再提致人傷心又家祖與老母及舍
妹請諸君時加照拂則弟在九泉亦瞑目矣此別即永訣專此
飛告致頌社安弟裘奮鞠躬

一致其師某君

夫子大人座右敬稟者受業產於儒家素以弄文自喜於軍學

智識固一無所有。徒以迫於愛國之心。故光復時。投袂從戎。願效命戰場。犧牲身命。以報國家。此固夫子所素知者也。當時僅知有血性。即可從事戰場。後知軍事固全恃學問。乃能決勝。浙省創辦講武堂。受業即首請入學。蒙夫子不棄。倖得畢業。近日感觸時事。痛心不已。而平時於軍學。僅得初步。又復自慚國之不強。由於兵弱。兵弱由於軍官無學。故感觸時事。誠不如一死。以激軍官。勉求軍學。從根本上圖強。特朱將軍與夫子培植之恩。不能上報萬一。殊可痛也。（此信未脫稿時。營中傳餐畢。恐同袍來視書至此。即自裁。）

六月三十申報

岳陽胡泰寅之投江

湖南岳陽縣實業協會會長胡泰寅君。平日對於公益事項。極為熱心。前月廿四號夕。出外兩日。未歸。會中人等正驚疑間。忽有人撈起死屍一具。胸前懸有布袋。內有油紙包信四件。送交岳陽實業協會。故來報告。會員拆視之。蓋胡之不忍親亡國慘狀。為國殉身之絕命書及寄告家屬書也。當報由知事前往。驗殮。拾回縣署。大開追悼會。外昨吳知事特呈報省使查照矣。

五月九日後之全國輿情

六月五日新聞報

名伶高福安在南滿車中

與日警之釁端

北京電。武優高福安在南滿路二等車中。因同車有一婦人。攜一小兒。遺糞日警。迫令婦食。婦跪求免。以新衣擦淨。尚不許。高代求日警。謂爾中國人無說話資格。高謂此係講公理。日警怒。拔刀刺之高。自衛反刺死之。續有二警開槍。亦被高等奪槍刺死。被捕後。慷慨自謂。係抱不平。無關國際。（六月五日申報）

按此事有人謂非高福安。而係曾愛軍。職之姓高者。有人謂的係高福安。總之其事已可證實有之矣。

黃遠生君答日本新聞記者之轉徵意見

日本朝日新聞特派員神田正雄氏留華頗久。第為日本極有名之新聞記者。此次中日交涉解決後。日本報界亟欲商量一對華之態度。乃召神田氏回國徵求其在華所得之意見。神田

國

馳

氏於日前返國時曾向本報駐京記者黃遠生君徵求其對於中日兩國關係之意見以備參考遠生君以書翰答之其書翰大意如下(一)中日聯絡不成爲問題今於中國歷史上及大勢上之種種關係姑置不論即爲本國利益言以文化言則易於溝通以經濟的連合言則費省而功倍也(二)然吾人雖以此爲向日之根本主義而實際現象則反是今以吾人對於日本不滿之處直切言之 一日本人幾於絕對不將中國國家的人格社會的人格存於眼中 二日本人幾於一致以浮薄之觀念爲前提誤解中國之真相所謂(支那人無愛國心也)(利己之中國人也)(支那式之外交也)每遇一問題發生輒欲以此等語解決之 三日本人對待中國過於感情的缺於理論的過於政治的缺於社會的過於模仿西洋的缺於東洋道德的四其外交問題過於頻繁且時常小題大做以震動中國人及世界之耳目也五爲日本之所謂百年大計者計之莫要於真心真意與中國爲平等及互益的提攜讓中國真正進步向上不然日本孤立即併吞中國亦無救於百年以後之危

亡何則以日本有東洋人之所長無歐人之所短他日則反是數十年之後日本之政治漸由簡單而入於複雜政治之中心點漸漸搖動不適宜之政黨政治日益囂張東洋式的尙武之精神封建武士之遺習漸漸變遷殖民地日益加多內顧之憂漸盛產業發達則危險之思想及主義相隨而生以東洋人銳進速退暴興暴亡之先例言之有馬基頓有波斯有土耳其有蒙古日本今日一向無前不可不有先知覺之人努力於百年大計也六故以吾人之確信言之此後日人若真以平等的互利的精神與吾提攜中國自無不設法相和之理若日本再如以前之猛進的野心的政策來相壓迫則無論以何種甘言來或以何種勢力來中國寧可任令全國爲土匪國或爲各國所瓜分比之併吞於日人一國之手恢復較易我相信中國人已人人有此決心者也 (六月六日申報)

青島秦立均之自戕

▲可敬哉秦立均

(懷瑾通訊)

青島舞鶴濱山東鐵道管理處(即膠濟鐵路總公司)運輸

課勤務。雇員秦立均奉天大石橋人。素性謹愿。年二十五歲。於五月二十二日忽然失蹤。同僚等深為駭異。乃報請日本憲兵隊函電交馳膠濟一帶。四出搜查。仍蹤跡杳然。及至二十六日晨。該鐵道管理部長私宅下底層內。忽發奇臭。乃下梯檢視。而所謂多日不見之秦立均。縊死在窗上鐵梗上。聞秦立均自幼從父留學東瀛。回國後向在滿洲鐵道從事多年。熟悉日語及鐵道運貨事務。自本年三月山東路道改組。乃蒙派調而來。藤田部長及各課長非常器重。故招留住宿部。長私宅四月下旬告假歸省。母病家中有妻及一子一女。五月七日回青島。任事時方最後通牒。送達喧聞之日。秦在該公司辦事。即覺有異。與同僚則避道而行。終日沉默。獨起居。廿二日失蹤。日同僚均上該鐵道辦公室。秦獨遲後。繼即失蹤。及在部長宅內發見死屍。檢點身畔。見囊有遺書。八通及寄部長及日軍長官。並至友及母妻者。於母妻遺書中。述及行李內積藏薪金二百八十圓。深抱不孝之罪等語。此次受感觸。激烈過深。不願無味生存。故以一死自了等語。其陳諸部長之遺書。則均中文(上略)楚材

月九日後之全國輿情

晉用自古為昭。東亞同胞不相扶而相欺。吳越勢難兩立。私恩寧忘。公仇况腦筋已損。十年留學苦心所得之日文。日語已於五月七日之激刺上。忽全忘却。故今後既難供職。復難養贍家。屬滿目悲觀。衷曲如上。祇能以一死百了云云(下略)今秦立均母妻已抵青島。當經憲兵隊將秦屍體及行囊交明領回奉天安葬矣。此亦受交涉激刺而自戕者。不謂日本雇員中亦有秦君其人者。可以敬矣(六月六日申報)

附訥評

受外交失敗。激刺憤而自殺者。吾屢聞之矣。然未有如秦立均之足傳者。秦留學東洋。久又向充日本僱員。為日人所器重。感情之密。自不待言。乃一旦見國家之被侮。即與相知之日同事。避面而行。繼則自縊於私室。其上日部長遺書。謂吳越勢難兩立。私恩寧忘。公仇何其詞嚴而義正也。又謂十年苦心所得之日文。日語已於五月七日之激刺上。全然忘却。(書用華文)何其言婉而意悲也。人孰無愛國心。然每易為感情所融化。今秦與日人相處十餘年。而此愛國之心仍耿

耿不忘甚。至以身殉之。吾知日人讀其遺書。觀其死狀。亦必有瞿然起敬者矣。遑論我同具愛國心之國人耶。

哈爾濱之自戕者張晉泰

六月六號哈爾濱儲金團假同樂茶園開第二次全體大會。有張晉泰在會場憤然自戕。茲為錄其詳情如下。張君係直隸昌黎縣人。年二十餘歲。在租界三十六棚為俄人工作。每月僅得工價。差洋二十五元。雖以工為業。平素對於國家觀念極重。每閱報紙。見國家危險之象。不禁痛哭。聞外人侮我之狀。即憤不欲生。此次交涉解決之後。復時而長嘆。時而落淚。更時而咬齒嚼血。同事者見之初。以為有神經病。久之。以為其生性如此。莫之或異。是日約同事者赴會場。交送儲金。並聽演說國家之現狀。方出門。遇一外人。問其何往。張告之。外人笑謂。汝中國人。非無熱心。惜乎熱度不過二分。鐘耳。儲金固是好事。但徵諸往事。恐亦不免虎頭蛇尾。張聞此言。不禁髮指。毗裂。於是決意自戕。犧牲一己之性命。激動公衆之心。血堅持到底。勿見輕於外人。

遂潛回寓所。取刀而往。同行者不知也。比至會場。見到場極衆。認儲者極爲踴躍。當衆人演說甫畢。遂起而言曰。吾一工人。每月得工資二十五元。今日僅湊得三十元。前來認儲。實自恨太少。但吾一人認者。雖少。今日諸君到者。實多。諸君今日之來。皆爲認儲而來。耶抑爲看熱鬧而來。耶。如果盡爲認儲。而來。耶。手於是樓上樓下。齊舉手。張乃大笑曰。人心不死。我中國即可不亡。言至此。即由橋上自倒於地下。衆急爲扶持。見其手執利刀。胸前刺入五寸許。及扶起時。張將刀拔出。又欲再刺。當被四區區官張松齡將刀奪下。儲金團遂派專人送至醫院。施治。並帶洋二十元交醫院爲醫藥之費。一至醫院。醫官即爲驗視。曰。心房已受重傷。性命恐難保矣。比晚九鐘閉會之後。正幹事徐琴芳副幹事張香亭及幹事劉雅軒張維中范俊夫等往醫院看視。斯時張已昏絕。數次比聞徐君等至。忽從牀上躍起。緊握徐張二君之手。曰。張某何如。人敢勞諸君枉顧。吾將死矣。吾家中父母幸有兄弟。可以贍養。雖有妻子。亦有兄弟照顧。吾家實不足憂。所憂者惟吾國耳。諸君儲金之事。能堅持到底。救吾國。

以不亡某雖死亦瞑目矣言至此氣息斷續未幾即逝徐張等聞張君臨死不亡國家之言莫不痛哭失聲即聞者亦無不落淚該團中人又以張君為國捐軀擬由該團出資為之殮殮云

(六月十六日申報)

鄂中近事紀

▲官講員之快論 北京周行宣講社員章廉甫杜伯強劉葆初三君由汴游漢宣講十三日午後漢口商餘公會連合各團體開歡迎會到者三百餘人首由商餘會長朱芑臣報告歡迎之宗旨並由會友誦歡迎詞章廉甫起而答謝且表明宣講宗旨次杜伯強君宣講國民愛國之熱心應如何為真愛國如何為真熱心如何提倡國貨如何杜塞漏卮反覆辯論發揮透關次由劉葆初宣講解釋臥薪嘗膽四字謂余於中日交涉畢後由京津以至直隸河南各地見各物上所書(國恥)(五月七日)(國恥勿忘)(臥薪嘗膽)各種字樣觸目皆是今某獨就臥薪嘗膽四字以解釋中國國民之狀況(一臥)如政界諸大

五月九日後之全國輿情

老堂高麗遠大廈千間日所臥者非鐵床即鋼絲床非氣床即象牙床非臥於煙榻即臥於藏妓之金屋耳(二薪)如政界諸大老先謀某處會辦月薪得一百元再謀某處總辦月薪二三百元更謀某項督辦月薪又得五百元京省官僚只論薪水之多寡未聞有論及事之難辦與否(三營)今日某天津館明轉某大榮報上午某國館下午某胡同酒叙者可嘗者不可嘗(四膽)謀差者非金錢不可運動優缺非數萬不可膽大包天膽大妄為之膽略真有令人不可思議者說畢合座鼓掌該宣講團中並有善操三絃技者所彈鼓號軍樂聲聲軍隊行走聲直與真者無異後並彈二進宮一曲以助餘興

(六月十八日申報)

我憤日人之慙慙俄政府

▲申報(五月二十一日)有題曰俄政府對華之聲明謂日本此次所獲得者在南滿東蒙之利益至為無限又懼他國俄人或起而有責言於是其新聞論調近竟有慙慙俄人亦可掇

例要求北京政府之言然中俄睦誼素厚況恰克圖會議雙方對於各懸案業已漸次解決俄人有何要求之口實推日人之意或欲利用之使中國人敵愾心一轉而集矢於俄耳然俄人即恐亦不至如是况其國素以外交手腕著名乎最近俄國政府對於此等論調已特電聲明並無關於北滿向支那政府提出要求之意此亦足知俄人之態度矣

本社按日人既不利於我轉防俄忌遂懲患俄人亦不利於我援其例以要求似將觀我瓜分而後快其心真狠矣奈俄人不為動反以向我聲明並無要求之意日亦何苦留此一無謂之形跡哉此雖一事其向他國亦難信其無此懲患也

●誌審方黃因傳單牽涉全

案

▲律師之大辯論

寓居西藏路長安旅館之對日同志會代表皖人方夢超黃毅及寓居江西路鴻發棧之留東回國學生蕭汝霖蘇理平吳兆

理蔡屏藩漢恒等七人因有人分佈抵制日貨傳單牽涉經公共公廨飭傳到案諭令交保或存洋二百元保出候訊在案昨日午後由廨會訊到堂觀審者頗為擁擠至二點三十分鐘轟裏讓與日副領事西田畀一君升坐正式公堂先由方黃二人之代表穆安素律師上堂譯稱今此案未訊之前敵律師有一層緣由必須先行聲明即公堂不應訊理此案之原因查被告被控為指使人分發傳單有礙公共治安雖被告對於此案未能承認然所控係為有礙租界公共治安與日本人毫無關係况抵制日貨一層因中國人被人壓迫為不滿意起見故工部局亦不能禁止不許抵制因不買貨物為個人自由之權不能指為犯法必須攸關治安然後可以起訴故被告被控問題係為擾害公共治安為一種違章行為應照尋常有礙治安之案同一辦法歸早堂陪審領事另行改期訂訊况此案不應歸今日之公堂訊理尚有第二層緣由因今日之陪審領事對於此案頗費精神親自帶同包探前往調查然則實為此案之主動居於原告地位則今日訊理此案一方面做原告一方面為裁

判則請堂上自思對於被告之困難想亦甚願改期至於調查一層必須請公堂出票經值年領事簽字方可執行因此問題工部局公報會刊登領袖領事之信云無論在租界以內界線之外必須由公堂出票簽字否則與強入人家同一行為聞此大並未經公堂出票故此案堂上如一定訊理則此問題必須提及貴領事何以為情因一方面為原告一方面為裁判官各國法律無此辦法應請改期再訊繼續費性惇律師上堂譯稱敵律師為蕭汝霖等五人代表對於穆安素律師所述理由及請改期歸早堂陪審領事訊理敵律師深表同情因此案工部局代表牛門律師所控係指被告有礙公共治安並未控被告抵制日貨故前次工部局代表牛門律師祇請堂上諭令交保以後不再有此等情事以故如貴領事欲控告被告儘可照數十年來公堂定章另行起訴再行組織特別公堂不能因捕房控告有礙治安含混牽入云云即據捕房刑事科代表牛門律師譯稱穆安素律師所述入人家調查一層係指居戶人家而言此次係至一店家既係店家則人人可入內且既知內有攸

五月九日後之全國輿情

關治安之事自應進去調查况另一處係一零棧捕房本可常去調查至於此案堂上應否訊理乃堂上之權捕房並無何種意見不過公堂向章凡案與何國有關係即歸何國領事到堂而華人方面自有華宮主持况上星期六曾有一乞丐因向義國領事求乞被控亦由義領到堂觀審云云穆安素律師聞之又起而辯稱牛門律師所說此次調查一係店家然店家祇有購物之人可以入內而棧房雖捕房可以時往調查亦不過查閱循環簿與房客是否相符云云辯畢復與日領西出君答辯數語即由聶憲識宣布對於此案之意見云此案被告前次在堂會陳請日領因係法律問題故會詳加討論雖由總巡捕房起訴原告為總巡捕房然實根據于三月二十七號捕房起訴莊世忠分發抵制日貨傳單經早堂陪審官會判存洋保出函致日領訂定四月九號會訊本可薄罰了事因據莊供傳單係對日同志會所發故未判決諭捕房調查一面由正會審官兩商日領會商調查辦法並經楊道尹函飭正會審官轉致捕房麥總巡調查迨至四月十一號復訊因據莊世忠供與對日同

國

聯

志會並不相識而牛門律師將此案被告帶堂然未提及有連帶關係故莊仍薄罰了事罰洋十元然後由牛門律師將此案帶堂因傳單書抵制日貨故仍由日領訂訊至日領允否迴避係日領之意總之本會審官對於此案之一乘至公關於有碍治安之判斷歸本會審官一力担任云云諭畢復據穆安素律師聲稱查洋涇溟設官會審章程第六條如原被告對於公堂判決以為不公者准予上訴今敵律師對於公堂之受理此案為不服應請照章准予上訴聶君與日領會商之下西田君謂可以准如所請惟此案今日仍須訊理穆律師即詢聶君是否同意聶君頷之遂由牛門律師命六十二號及十五號兩西探上堂證明當時前往西藏路江西路兩處調查情形復據被告代表費穆兩律師畧一盤詰並向詢問會否目視被告在途分發傳單答未至此因為時已晚即由被告律師聲稱被告共有七人供詞甚長今日恐已不及應請改期再訊判被告仍交原保候再訂訊

 再審

對日同志會代表方夢超黃毅及鹿居鴻發棧留東四國學生蕭汝霖蔡屏藩吳兆理蘇理平漢燭等七人被公共捕房指控分發抵制日貨傳單一案迭經公堂研訊詳情已屢詳本報茲悉本案承審官本訂定於五月二十七二十八兩日會訊因二十七日日華官另有公務故提前一天開審昨日午後二時半鐘工部局刑事檢查科代表牛門律師與方黃兩君代表穆安素律師偕譯員陳永林及蕭等諸君代表費信律師均相繼到堂候示屆時日本副領事西田君蒞庭會同聶君襄升座樓下正式公堂復訊先傳蕭汝霖上堂由日領西田君操譯語向蕭詰據供稱前年在日本中央學堂留學至本年二月回華乘輪到申至張園開國民大會時我亦在場是會係旅滬紳商學界之人組織故發起人甚衆不能指實人數且係公衆之意故傳單上並未列名且是日張園非是一會當開會時捕房即來干涉並由工部局在園門首黏貼今日停止開會字樣故是日開會之事未能實行後因來者絡繹不絕略為討論而散(供至此)日領詰曰既未開會何以電稟北京政事堂暨各省將軍

巡按使電文內曰。今日在張園開會。到者三萬餘人之語可見。未遵工部局之示諭。停止。蕭答稱是日。雖由工部局干涉。停止開會。奈到者人數甚衆。互相討論。決定通電政府及各省將軍。巡按使。此係駐立草地討論。並非正式開會。但通電一節。係人民對於自己政府應盡之義務。與租界治安。並無關係。即人民對於政府。猶如子弟對於尊長。言語略有不實之處。祇須無碍治安。即或有干犯本國政府自有相當之處。分所云通電一層。未妨碍租界治安。迨後總統頒發命令。道尹出示曉諭。不准人民於中日交涉之事。擅行開會。云云。自後即無開會之事。至三月二十七號。在乍浦路開會一節。查該處房屋狹隘。豈能開會。祇可容同志之人。互相討論。並非正式開會。嗣因捕房干涉。甚至不許駐足談論。故即走散。惟結社開會。祇須無碍治安。不在禁止之例。日領即將在蕭之寓所內。抄出往來信函。內有沈定一一函詰蕭。現沈何在。與沈是否相識。供內所云有人幫助。究係何事。蕭答稱沈現在東京。至言幫助一層。除妨碍治安之事外。餘皆可幫助。日領復詰曰。譬如有一事。爾以爲無碍治安。能

據捕房及本公堂。並官廳視爾所作之事。有關治安。爾能不做。蕭供妨害治安。須有證據。況此項問題。應分兩層。一係按照法律。上有碍治安。一係個人心思。中以爲有碍治安者。然亦決不能禁止他人供畢。退下。復傳蘇理平。吳兆理。蔡屏藩。漢烜等。四人。逐一詰問。姓氏里居。執業。畢即命退下。後傳方夢超。黃毅兩君。先後上堂。由日領詰問。現在對日同志會。是否尙成立。于租界之內。穆律師即起而反對。由譯員陳永林譯稱。堂上應從抵制日貨。分發傳單問題。上詰問不應牽連羅織。聶巖。即與日領磋商。後即諭曰。今問對日同志會尙存與否。因抵制日貨傳單。有牽涉對日同志會。故須詰問。據方黃兩君供稱。對日同志會。係國民同志組織。然無切實機關。國家有事。則成無事。則散。故精神上。則有之。形色上。則無之。况日本國民。亦有開會鼓吹之事。訊至此。工部局刑事科代表牛門律師起而譯請改期。再訊。堂上准之。遂判候禮拜四。即（今日）午後二時半繼續復訊。

▲末審

續訊傳單牽涉案

公○共○捕○房○控○對○日○同○志○會○代○表○黃○毅○方○夢○超○及○留○東○回○國○學○生○
 蕭○汝○霖○蘇○理○平○吳○兆○理○蔡○屏○藩○漢○烜○(○即○漢○恒○)○使○人○分○發○抵○制○
 日○貨○傳○單○有○碍○租○界○治○安○一○案○迭○經○會○訊○詳○情○屢○紀○本○報○昨○日○
 五○月○二○七○日○午○後○經○公○廡○謁○襄○誠○會○同○日○領○西○田○君○升○座○繼○
 續○復○訊○先○由○黃○方○二○君○之○代○表○穆○安○素○律○師○偕○譯○員○陳○永○林○上○
 堂○譯○稱○各○被○告○口○供○研○訊○已○畢○今○日○應○當○敝○律○師○代○表○被○告○伸○
 辯○查○此○案○捕○房○起○訴○以○被○告○為○指○使○人○分○發○抵○制○日○貨○傳○單○致○
 使○租○界○受○分○發○傳○單○之○影○響○故○除○此○捕○房○所○控○案○情○外○堂○上○有○
 所○研○詰○之○問○題○均○應○請○取○消○然○捕○房○所○控○分○發○傳○單○之○案○亦○必○
 須○有○實○在○證○據○證○明○原○告○並○無○確○實○證○據○即○有○亦○不○過○查○到○之○
 各○項○傳○單○但○此○傳○單○已○經○被○告○聲○明○伊○等○所○居○係○一○棧○房○各○種○
 傳○單○均○由○外○面○送○至○棧○房○且○聲○明○無○論○何○種○傳○單○均○有○人○送○去○
 甚○多○况○所○查○到○之○傳○單○其○中○並○無○甚○激○烈○鼓○吹○之○言○論○至○於○張○
 園○開○會○到○會○之○人○甚○多○且○日○本○人○民○對○於○此○次○交○涉○亦○在○開○會○

試○查○閱○報○紙○所○載○日○本○人○民○開○會○之○言○論○頗○為○激○烈○故○請○堂○上○
 注○意○如○以○日○本○人○民○開○會○為○合○例○則○華○人○在○中○國○對○於○自○己○政○
 府○開○會○亦○不○能○指○定○為○犯○法○况○捕○房○所○控○為○分○發○抵○制○日○貨○傳○
 單○張○園○開○會○之○事○與○本○案○無○涉○即○使○被○告○亦○在○會○場○決○不○能○因○
 此○即○指○被○告○為○指○使○分○發○傳○單○之○人○云○云○繼○據○費○性○惇○律○師○上○
 堂○譯○稱○敝○律○師○為○蕭○汝○霖○等○五○人○代○表○查○此○案○被○控○之○情○形○與○
 穆○安○素○律○師○代○表○之○被○告○相○同○業○經○穆○安○素○律○師○陳○述○故○敝○律○
 師○亦○不○再○多○辯○然○據○捕○房○代○表○牛○門○律○師○欲○另○一○問○題○謂○被○告○
 之○行○為○實○與○租○界○治○安○有○碍○然○此○問○題○越○出○所○控○案○情○之○外○至○
 於○在○被○告○處○查○出○各○種○私○人○往○來○函○件○以○及○印○刷○品○被○告○蕭○汝○
 霖○等○五○人○均○係○學○生○代○表○伊○等○私○人○資○格○討○論○政○事○不○過○發○表○
 個○人○對○於○政○治○關○係○之○意○見○且○均○越○出○本○案○範○圍○之○外○故○今○訊○
 理○此○案○應○先○消○除○成○見○就○所○控○之○案○研○究○現○被○告○於○被○控○情○形○
 毫○無○證○據○原○告○亦○不○能○證○明○被○告○叫○人○分○發○傳○單○是○以○本○案○既○
 無○實○在○證○據○決○不○能○因○案○外○之○私○人○函○件○及○印○刷○品○為○有○罪○
 如○貴○領○事○以○被○告○通○電○北○京○政○事○堂○為○有○罪○然○對○於○本○國○政○府○

無論何人均可發電發表意見如以此爲有罪恐在租界之外人皆將爲有罪之人因各租界英國人民對於此次交涉之事亦曾開會並電致本國政府而敵律師係美國人然亦曾與國人討論電告政府故今堂上對於此案應平心而論消除意見即使被告均因年輕學生閱歷未深一切舉動難免不失之過分然被告自己固有對於本國政府發表關於政見之權利以及討論政事之權利故此種行爲不能指爲有罪應請堂上按照尋常之案定斷不能牽入關於政治方面蓋所控並無關於政治之思想堂上如以尋常定斷決不以被告爲犯法不過以被告熱心過度而已如堂上欲以嚴厲手段訊斷此案非惟不正當且恐火上添薪不甚妥洽故應請將案註銷即使進步言亦不過知照被告以後休要如此熱心過度而已云云末據捕房代表牛門律師亦向堂上譯稱此案敵律師於起訴之初即向堂上聲明並非以被告爲有罪不過解釋被告之行爲與租界治安有碍而已至於被告等對於日本政府之如何態度與公堂無關不過請堂上注意被告之行爲是否與住居租

五月九日後之全國輿情

界之日本人民有僑至於費性悍律師所稱無論何人對於本國政府均可通電發表政見然是否淆惑一般人之心志應請注意況被告蕭汝霖等處抄出之函件內中有云對於外人須用利害云云然對外人如用利害必與治安攸關則捕房有保護租界人民之責故應請堂上諭令被告交保於一年內不再護租界人民之事發生於租界如果發生事情則請公堂提究云云兩造律師辯論終結由聶襄謙與日領磋商之下因日領對於捕房代表牛門律師聲請將被告交保頗不爲然故即宣佈退座候會商堂諭再行定期判決(五月二十八日申報)

●宣佈分傳單案之判詞

寓居西藏路長安旅店之對日同志會代表黃毅方夢超及高居江西路鴻發棧之留東回國學生蕭汝霖吳兆理蘇理平蔡屏藩漢恒(即漢烜)等七人前因有人分發抵制日貨傳單同被牽涉由總巡捕房稟奉公共公廨出單傳案迭經聶襄謙與日本副領事西田會訊判各存洋交保候宣佈堂諭在案茲經

五月九日後之全國輿情

雙方將堂諭商妥於昨日午後將各被告傳案捕房代表牛門被告代表穆安素兩律師亦各到堂候示至兩時半由聶君與日本副領事西田升坐樓上公堂宣佈堂判如下此案該被告等印發對日傳單並收繳抵制日貨傳單有碍租界治安本應照律懲辦現因中日交涉業已解決兩國同敦睦誼姑念該被告等年係年輕學生舉動偶有不合暫予從寬交妥保限兩禮拜覓具保單呈案聲明一年之內不得再有對日設會印發傳單及有碍治安等事如敢故違除照保單所保銀數追繳充公或將所存保洋充公並傳案嚴行究辦倘一年期滿並無違犯准將保單保洋一律發還如將保單呈案後准將前次所存保洋給還此判 茲將各被告保數開列於後 黃毅方夢超蕭汝霖各交五百元人洋舖保或各存洋五百元吳兆理着交二百元人洋舖保或存保洋二百元蘇理平蔡屏藩漢恒（即漢恒）各交一百元人洋並保或各存保洋一百元

(六月二十四日申報)

●我人目線齊集於彼邦之

動作

▲東亞研究會之組織 九日大阪每日新聞云日本政黨同志會之議員等此次糾合同志多人組織一會命名為東亞研究會擬設備各種機關隨時調查我國一切情形蒐集各種資料冀以貢獻日本經營大陸之政策此會已經成立其規則如下 一本會命名為東亞研究會以考查滿蒙各大陸及中華本部所有事情(註意註意)而裨益日本國力之發展為唯一之目的(註意註意) 一本會以同志代議士及朝野同志之人士組織之 一本會隨時開茶話會討論一切進行事宜並遣派會員前赴中國各地方考查一切 一本會所有調查研究之資料及每次茶話會之記事按期印刊頒給會員 一本會選設幹事三人處理會務而其幹事由會員互選之其任期為一年 一本會之經費以會員捐款支付之

(六月十七日申報)

●華民輿情之返響

六月十五日時報有題曰日報之對華日貨談（譯五月二十
 二大阪新報）形勢愈險惡 三井物產會社重役某其言
 曰漢口第二次排日暴動其目的僅限于日本租界本會社之
 支店設於英租界當然可免襲擊然被殃之三菱倉庫本會社
 之貨物曾依託保管於彼處故關於該倉庫損害之程度如何
 本會社亦不能謂絕對無關係更據最近本會社支店致本社
 之電報觀之略謂中日交涉一段落後場子江一帶及南部中
 國方面排日思想逐漸險惡此時中國官憲如不斷行嚴峻之
 取締難保不惹起重大之事情宜陳情於日本政府向中政府
 為嚴重之照會焉是則排日形勢之愈趨險惡不難測知更就
 各種情報察之最近之排日行動方諸交涉開始時學生及讀
 書人等所組織鼓吹者稍異其趣全然憤激交涉之結果為各地
 各人之發作者其間似無何等聯絡今日雖無第二團匪事件
 之虞然多數中國人中不少燕趙悲歌之士且事理不明之中
 國地方官吏陽示禁止陰加煽動在所難免萬一此種暴動誤
 延及日本以外之人日本應負此責任之一半要之茲事頗為

五月九日後之全國輿情

重大政府當局者于矜誇外交成功之餘其尙努力於排日思
 想之根本的芟除夫彼等之暴動不既毀我若干之店鋪戕我
 數人之生命乎云云
 排日熱傳播對華外交挫劣之結果華人間侮蔑的排日思想
 到處瀰漫形勢頗重大日清汽船大谷課長之言曰日清汽船
 之裝貨因歐洲大亂及日德戰爭一時頗受打擊然當時尙非
 真正之裝載減少若此次中日交涉開始後長江一帶揚排日
 之欲輸出輸入均受影響其時尙未延及重慶方面迨日本政
 府發最後通牒遂至四川方面亦蔓延排日之熱向來一次航
 海載六七百噸之貨者今忽減至百噸內外事之至此暗中雖
 潛伏幾多事情然商務總會向各省所發之臥薪嘗膽電報亦
 刺激華商排日之大原因也似此情形日本貨物在長江一帶
 到處被排重慶之日本唯一交易店新利洋行與華人幾斷絕
 來往事果屬實則四川全省日貨之輸入幾于全滅此外漢口
 地方數日前為擯日貨燒去千元內外之棉花若順斯以往綿
 延至數月之久不但神戶大阪之貿易商大受其創長江一帶

日貨將全行絕跡。即汽船會社所有華客亦將被他國所奪。關於對華貿易誠可為憂慮也云云。

津埠又開中日聯情會

天津日日新聞總理方若(號藥雨)日前特發請帖邀請中國官紳商學報各界人於二十六晚七點在日租界日本大和公園內議會稱係代表在津各日商調和中日人民感情等語。是日赴宴者約百三十餘人。中國官場有警廳長楊以德交涉特派員王麟閣在座。約華人居十之七日。人居其三。席設日商會議堂。分十四席。每席十位。用中國菜(係津館聚和成包辦)有日本歌妓五十名。斟酒跳舞以娛樂賓酒半方藥兩離席致詞。畧謂中日唇齒之邦。理宜親如兄弟。此次交涉日本政府一讓再讓。俾中國得此結果。中國人理可和平。若排貨等事殊屬非是。鄙人今日代表日商邀請各位來此。所以聯絡中日感情。自此以後中國人不可再有誤會。致失國際上之美意。云云。演說中間有數華人擲箸出園。不願終席者。繼而中日官商多有

演說不及備載。末後中國商會總理卞蔭亭演說略謂鄙人對於中日國際感情極主張親睦。所以每次懇親會聯合會鄙人無不到場。至此大提倡國貨乃發於國民愛國之熱誠。萬無強迫購買外貨之理。並不得以此為排日舉動。日人不得因此誤會。但方先生既云中日係唇齒之邦。則鄙人有一言敬為方先生告。並請方先生轉告日本政商各界諸偉人。唇亡則齒亦寒。不可不知也。說至此華人均鼓掌起立。遂紛紛告辭而去。

本社按日人與我調和感情。但係空言調和。而我之國事上之喪損。恥辱依然。仍在。則我雖樂於被調和。奈此感情轉不過來。何日人雖具有豐饌。適我正為餘痛號苦。其能下咽乎。既云調和。何以日之席主猶發言近乎慢視。幸我商董答詞頗合體裁。而與席者先後含憤散去。亦可令日人見我與情矣。

◎五月九日後之政府告誡

▲內務部

內務部通電各省以現據京師外城警察廳

詳稱月之十三日大柵欄胡同煤市街等處有人散派拒約會傳單倡言交涉失敗警政府甘心賣國同胞憤恨無極此次務當集全國之力共籌抵制方法以免簽約之後挽救無術等語當即將傳單沒收拘拿派傳單人訊究據供拒約會現已假定于糧食胡同劉莊為會址發起人為吳廣曾國昌等當經派兵前往查緝則人已逃去祇餘堂莊一所現將此案訊明分別辦理并出示嚴禁外特先將此案情節詳報等語當查中日交涉已經和平解決凡屬國民均當仰體時艱照常安業乃有不逞之徒竟敢藉詞組織拒約會散派傳單搖動人心莫此為甚除飭該廳嚴禁外誠恐各省難免無此等多事之徒為此不法舉動特行飛電查照即希一體防緝為盼

▲梁士詒電告交涉情形

昨日廣東同鄉京官

梁士詒等有長電一道致粵對於此次交涉始末情形言之甚悉

五月九日後之政府告誡

略謂自日本要求二十一款政府開議已不下二十餘次陸曹兩

公每於赴會時迭由袁總統授以機宜然後開議乃舌敵唇焦均

無效果原議即時拒絕預備堅持嗣因各省軍民過於浮動絕不

從根本上着想誠恐戰端一開未易停息故甯暫為忍辱以激動

人心未始非用兵之一法後至最後決書一下即行宣示各國公

使而各國亦主張和平解決保全東亞大局以不開戰端為然大

局遂因而一變其後日使又親促答復中央秉政諸公只得勉為

承認雖明知有損國權有負民意但鑒於強力不均軍備不足終

成於無可如何之感矣現在此事已經雙方協議不日簽約日本

一方面頗知感激目前事已如斯悔亦無及惟望各省官民速謀

自強之策舉凡應興之海陸軍應辦之各新政趕緊次第推行以

為民國之助力萬勿苟且偷安而致卒成麻木不治之症則匪特

士詒一人之厚望國家實嘉賴之云云

▲外交部

粵省將軍巡按使前准外交部總長陸徵祥

電稱此次承認日本之要求係出自參政院及各部長官之全意

非本部敢專擅也乃各省官民不察日來電責紛乘在本部身任

五月九日後之政府告誡

二

國

恥

外交奉職無悲誠當引咎自責抑知各侮之來原因復難欺我無武備一也爲亂黨所擾動二也乘歐戰方酣思起而擾東亞之大權三也有此三因即使本部外交手腕極爲敏捷恐無補於誰何溯自歐洲戰爭之始徵祥方任參政即上書密陳大總統力言日本必取青島將于我國而求所大欲請先設法以防範云迨日本要求之案既來乃蒙大總統特簡長理外交之任其始與日使磋商至二十餘次之多終難收效當此之事欲拒絕則武備未充何敢言戰欲承諾則國權損失所圖非小再四籌思旁皇無策適英美二國公使有向日使要求宣告交涉情形之請而我國乃因而利用之以維持遠東均勢之說牽制日本之強權而日使迫於公文不得不將條件之一半通告各國而其餘激烈之條件始有修改之希望其後彼此磋商各國公使居間調停於是最後通牒載明日本退讓之終步并將最激烈之軍械警察鐵路等權利悉行刪除此時兩方雖未協議惟所爭之點已相差無幾本部以事關大計請大總統定期集議復咨參政院徵求同意始爲正式之答復將日本最後通牒完全承認一俟簽訂既畢即將全案公佈以

慰全國人心惟當此磋商既終約未簽字之際各省人民仍當靜守不得肆意詆毀以防意外特將詳情電達貴將軍巡按使察照并希通飭本省電局如有人民將此等詆毀交涉失敗之京電到局拍發者暫爲擱置免京津人心益加浮動云云當道准此已通飭各電局一體查照矣

▲統率處

中日交涉京外各軍界異常激烈及和局一成更各抱不平中央恐其滋生事端特令統率處分電各省留心約束其來粵電文略云國家辦理交涉必恃兵力以爲後盾始克收優勝之結果現時民國情形諒亦各軍民所深喻此次和平解決實非過事退讓特以維持東亞和平爲爾等軍民謀幸福當日使遞交決書政府經召集各部長及海陸軍人員合同政事堂議決對待辦法多數意見均不贊成主戰良以戰事一開足以破壞中日永遠和平之大局殊非主持人道之主意無論中國海軍尙未整頓而陸軍訓練雖精亦未有戰事之經驗一旦兵連禍結以民國土地之大必非數月所能終了迄戰事延長則軍餉軍械之支持籌備善後均屬困難之點各軍民憤外侮之迫歷急欲爲國

國

馳驅雖屬立心忠勇惟事關國家交涉大事各部長贊成於前各公使調停於後既不得推翻成案亦未始無術補救此等大事政府自有用意斷非各軍民所能窺見得失似此憤恨行爲最易發生衝突應着各將軍留心約束勿令其洩憤生事碍及大局各軍民深明大義應能共體此意云

大總統申令 環球交通凡統治一國者莫不兢兢於本國之權利其權利之損益則視其國勢之強弱以爲衡苟國內政治修明力量充足譬如人身血氣壯頌營衛調和乃有以禦寒煖燥濕之不時而無所侵犯故有國者誠求所以自強之道一切疲玩之情氣與虛矯之客氣有邱山之損而無絲毫之益所宜引爲大戒凡中國自甲午庚子兩啓兵端皆因不量己力不審外情上下囂張輕於發難卒至賠償鉅款各數萬萬喪失國權尤難枚舉當時深識之士咨嗟太息於國之將亡使其上下一心痛自刻責濇瑕蕩垢發憤爲雄猶足以爲善國乃事過境遷恬嬉如故厝火積薪之下而寢處其上酣歌恆舞民怨沸騰卒至魚爛土崩不可收拾予以薄德起自田間大懼國勢之已瀕於危而不忍生民永淪浩劫

五月九日後之政府諾誠

寢兵主和以固我國民國初建生計凋殘含垢忍辱與民休息而好亂之輩又各處滋擾爲虎作倀予以保國衛民引爲責任安良除暴百計維持不幸歐戰發生波及東亞而中日交涉隨之以起外交部與駐京日本公使磋商累月昨經簽約和平解決所有經過困難情形已由外交部詳細宣告雙方信好東亞之福兩禍取輕當能共喻雖膠洲灣可望規復主權亦勉得保全然南滿權利損失已多創鉅痛深引爲慚憾已則不競何尤於人我之積弱召侮事非旦夕亦由予德薄能鮮有以致之顧謀國之道當出萬全而不當擲孤注貴蓄實力而不貴驚虛聲近接各處函電語多激烈其出自公議者固不乏人亦有未悉實情故爲高論置利害輕重於不顧言雖未當心尙可原尙有倡亂之徒早已甘心賣國而於此次交涉之後反借以爲辭糾合匪黨譁張爲幻或謂失領土或謂喪主權種種造謠冀遂其煽亂之私此輩平日行爲向以傾覆祖國爲目的而其巧爲嘗試欲乘國民之憤慨藉簧鼓以開衅極其居心至爲險狠若不嚴密防範恐殃及良善爲患地方尤恐擾害外人牽動大局着各省文武各官認真查禁勿得稍涉大意

五月九日後之各省廳之舉止

致擾治安倘各該地方還有亂徒藉故暴動以及散布傳單煽惑生事立即嚴拿懲辦並隨時曉諭商民切勿受其愚惑至於自強之道求其在我禍福無門唯人自召羣策羣力庶有成功仍望京外各官痛定思痛力除積習奮發進行我國民務擴新知各盡義務對於內則父詔兄勉對於外則講信修睦但能懲前毖後上下交儆勿再因循自可轉弱為強權利日臻鞏固切不可徒逞血氣任意浮囂甲午庚子覆轍不遠凡我國民其共戒之此令

五月九日後之各

省官廳之舉止

▲張少軒

長江巡閱使張勳通電各省內容略謂前因交涉危急特乘急車進京面謁大總統力請開戰經蒙大總統嘉慰再三并予齊日開秘密會議各部長官均怯於強勢之不均紛主和議而此案遂至空談承認愛國有心挽救無術遺憾前途不知終極置于灰日奉命同守長江認真編練軍隊磨厲以須觀

四

時而動總之此仇恥無敢或忘伏望各省將軍巡按使勿以此次交涉退讓得和平了結為榮修我武備固我疆土以杜絕野心則未始非補救民國於萬一云云

▲許世英

福建巡按使許世英通電各省徵求意見大致謂此次中日交涉發生後世英將其要求條件逐一指駁并附陳得失利弊各端懇請中央力行拒絕之電凡八嗣見事將決裂復聯同各省將軍巡按使主張宣戰之電凡三乃政府得電一則曰本部自有權衡再則曰可望和平解決以為將來定可統籌兼顧不至辱國喪權言貽伊憾豈意惕於日本最後通牒之恐嚇遂將全案悉予承認誠非初意所及料噩耗傳來閩省士民異常悲憤紛紛來書懇請代表與論致電力爭世英經用好言安慰深恐此時民心過于激昂不免口出怨言詆毀政府辦事之未嘗而一般亂黨必至乘機布散邪說藉口改良政治以實行破壞民國之野心則於國體治安均有妨碍現在一面安慰民心一面防範亂黨實為緊要之圖但條件一日未布民心一日未安謠言一日不息各省將軍巡按使有保持大局之責應請會銜聯電大總統

暨外交各部陳述衛國意見并請迅將此次承認條件明白宣示以息羣疑而安大局

▲李巡按請懲棄職京官

李使昨有電致總統大致謂此次中日交涉發生之時經奉鈞諭責令京省內外文武官員切實保持地方不准擅離職守具見諄諄望治之心凡屬為國服務人員自應凜遵照辦方為正當辦法乃京都近畿之地竟有官員於交涉危迫之際棄職潛逃其泄責畏難不知自愛之狀可見一斑且其臨難苟免擅離職守之罪已昭然可見倘非嚴加治罪何足以儆將來應請大總統查明懲究并申誥全國以肅官常一隅之見是否有當伏候電示施行

▲許世英以去就爭新約

昨福建巡按使許世英又有通電云各省將軍巡按使鎮守使均鑒急灰電諒達交涉案解決後閩省人士紛請力拒經已代電中央收回成命不意竟因此而受主座譴責哀我國民生斯時世查現在和約定期簽字將來種種受制於人禍患不知伊於胡底政府執政諸公事前毫無振作以拒要求各省將軍巡按事後又不電爭以資挽救有識

五月九日後之各省官廳之舉止

之士以為朝野無人不逞之徒以為甘心賣國吁可惜哉茲准馮段兩將軍電請力拒極表同情除電復外并一面專電否認此次承諾全案無論能濟與否誓以去就爭之諸公遠慮深謀尙願有以教我世英幸甚民國幸甚錄五月廿四申報

▲電賀交涉成功者誰耶

粵某報於十八號載中央政府來電大致以此次中日交涉和平了結原屬政府萬不得已之苦衷撫心自問深負國民但國勢不敵自當暫忍一時痛苦徐圖永久之安凡屬官民尤宜為國自愛以匡危局乃近有無恥官吏紛紛電賀此次交涉成功實屬駭人聽聞查和約成立利權已漸損失何功之有更何賀之可言應即傳諭申斥以為不知自愛者戒云云

十九日又載龍將軍李使致電各省將軍巡按使鎮守使略以此次日人非理要求凡屬血氣之倫無不感懷悲憤爭先挽救濟光等受國深恩為國服勞天良俱在何敢於條件承認權利喪失之後倡言慶祝損己利人各報所載道路所傳濟光等電京提議提燈會以賀日人交涉成功似此絕無影響之談原無辯論之價值

因接各省詰詢事關名譽用特詳實聲明除電京申籍外合卽電知卽希轉飭一體週知以免以訛傳訛駭人聽聞爲盼云云錄五月廿四申報

▲北京電

黔巡按龍建章電賀交涉勝利擬擇期慶祝

大總統嚴加申斥五月廿四日申報

▲中日交涉失敗後之軍人態度

中日交涉

解決後陸軍部總長段祺瑞以三可戰情形通電各省略稱自中日交涉發生之始祺瑞主張完全却返不爲一字之答復以示此種絕無理由之要求直無答復之必要也不料外交部以爲顧全交誼計莫若虛與委蛇不知一經委蛇便已默認其有磋商之餘地矣迨磋商無效各省將軍一致主戰祺瑞細度內國軍情南滿一帶張將軍錫鑾之陸軍兩師一旅孟朱兩將軍共有兩師之衆又陝西陸將軍所部之陸軍當交涉急迫之秋已調步兵一師騎兵一團移駐安奉一帶山東則靳將軍有二師在復由馮將軍移調一師往陞防南魯一帶江蘇長江一帶則馮將軍所部之四師分布要隘凡此皆久經戰陣之師日兵欺敵深入重地人地生

疎以攻擊之勢而與吾國坐以待勞之勢相比較而謂彼陸軍必足以勝我者誠非祺瑞所敢知此可戰之理由一也吾國東南之海軍雖未振興然江甯黃埔馬尾三處魚雷局自前清以來歲歲存儲炸藥合計不下千萬磅之多一有戰事盡發出敷設各海口之水雷則日本雖以海軍怯我而我死守海口制彼登陸倘一登陸則我又與彼爲陸地之戰局復變爲彼攻我守之勢而謂彼海軍必足以勝我者尤非祺瑞所敢知此可戰之理由二也各處軍械局年年鑄械時至今日雖不敢云豐足亦覺敷用有餘而各地民心激昂咸願毀家紓難戰端一啓餉糈踴躍此又勢之必然者而謂彼民愛國必足以勝我者更非祺瑞所敢知此可戰之理由三也當日大總統願以祺瑞主張合於機宜故始終堅持並不退讓祺瑞亦日夕趕集軍備以作背城借一之預備不料最後通牒一至各部長官及參政院諸公大爲沮喪迨在公府會議之日主戰者除陸海兩部外渺無其人主和者竟至十居八九卒至照通牒爲完全承認之答復舉數千年祖宗相傳之土地權利輕讓於人而不甚惜天下最可痛之事孰有過於此者哉抑更有足憤恨

者此次日本實無意於戰爭故動員之令雖下而海陸軍備并未有何種切實之計畫倘我認真備戰彼必臨時退讓無疑乃堂堂

大國懾於虛聲恫嚇不敢與抗可恥孰甚嗟我高尚之陸軍蒙此莫大之恥辱也是以特行呈請辭職避賢以免玷泥日甚惟祺瑞為個人計則如此矣為各將軍計則宜認真訓練師旅布置軍防以備他日報復國仇之用是民國之厚幸祺瑞與有榮焉(下略)

▲馮國璋

江蘇上將軍馮國璋日昨亦復有電來粵略

稱此次中日交涉外交部責任所在理應如何為國效力以保主權乃經二十餘次之會議未能解決一欸及至決書遞交便即全體承認不揣輕重始則辦理不善再則畏懦賣國罪狀昭著盡人皆知肅政史職掌朝綱所司何事平日為政府耳目之官糾察百官行政目擊國家交涉大事外交部種種溺職失敗絕未聞有所糾正國家何賴而有此官若長此依阿不特使身任外交者絕無顧忌且恐此後各官辦理善後亦將因循不振務請各省會電中央呈請大總統核辦錄五月三十日時報

▲也是園茶話會紀事

上海鎮守使鄭汝成與滬

五月九日後之各省官廳之舉止

海道尹楊晨因中日交涉和平解決已經訂約簽字特定本月二十九日邀集本邑政紳商學各界在城內也是園開茶話會宣布中央政府辦理交涉情形並謀此後自強辦法(已兩誌前報)日昨為開會之期先期由上海縣沈知事飭令公款公產處經理丁廣堯將會場各事籌備就緒會場內外由淞滬警察廳地方警察所各派警察八名彈壓保護各官紳自午後一時即陸續蒞止約共到一百二十三人政界如鄭鎮守使楊道尹臧旅長沈知事地方檢察廳長林仲立淞滬警察廳長徐輔洲工運局長朱壽丞等紳商學界如伍廷芳王文典姚子讓莫子經穆抒齋吳懷疚朱葆三陸伯鴻顧馨一蘇尚倫張逸槎趙芹坡臧連遜等皆預焉招待來賓各官廳皆派人鎮署為參謀長趙聯環副官元杏樞劉化仁秘書杜梅叔道署為財政科長卓璧如交際科長陳震東道視學余芷江縣署為緝譯黃輯庚第三科長李頌唐第四科長張鐵民第二科科員姚鑫之李恣欽各賓蒞會在二門內簽名乃由招待員恭送入內至滌華堂休憩三時賓主畢集遂在清遠堂振鈴開會鄭鎮守使楊道尹主席各來賓分別就座彼此略用茗點當

五月九日後之各省官廳之舉止

經鄭鎮守使起立聲明今日開會宗旨並請楊道尹報告政府與日本交涉經過情形楊道尹乃將交涉情形詳述一過（大致與日來報載外交部陸總長通電略同）並謂此次中日交涉政府所允日本要求各條約已歷來已成之損失現在不遺實際上之承認至關係主權國體如財政軍政軍火諸問題已由日本完全自行刪除誠恐紳民未悉內容故特述明原委俾免誤會次由來賓伍廷芳演說其主旨大要以我國力圖自強當從忍耐二字入手並稱甲午之役日本受俄德各國之干涉將遼東半島歸還於我僅取賠款亦因力有不敵故以忍耐出之其後本能於滿洲一役戰勝強俄今復佔奪青島驅逐德人得快其報復前車不遠後事之師我國人其共圖之次由穆抒齋繼之其主張大致不外以普及教育及振興實業爲自強之根本再次則王文典演說略述游歷小呂宋一切情形入後則請鄭鎮守使楊道尹共請政府速復自治俾人人有自治之能力次請按用集合紳商學界討論應與應革事宜使無隔閡其辭頗爲動聽鄭使等頗以爲然時已四句五十分鐘乃與辭散會五月三十日申報

八

解散開會後之禁造謠言

中日交涉業已和

平解決而一般熱心之士迭次集衆擬在本城九畝地開會籌商對付方法經鄭鎮守使徐應長縣知事到場開導一律解散一面分派陸軍到處彈壓各情屢誌前報茲因事已平靜彈壓陸軍業由鎮守使諭令一併歸隊惟徐警廳長深恐再有人在城廂一帶茶坊酒肆妄談政事捏造謠言故於前日起飭派巡邏隊分赴各處巡查如見造言惑衆者立拿解究沈知事亦派地方警察所各偵探等影同查緝以保治安五月三十日申報

張許兩使同電糾彈曹汝霖

長江巡閱使

張勳昨自漢口通電各省云自中日交涉案談判結束後勳爲之痛哭憤恨者累日以爲此次交涉即除去第五號我國已損失莫大之利權實海道以來所未有之奇辱乃外交次長曹汝霖竟徇日使之要求不請大總統之訓示不待陸總長之意旨竟將第五項之要求加註日後協商四字京中人士莫不悲痛呼號認此四字爲致命之傷勳是時適值出京抵漢口後道路紛傳未敢遽以爲信不料昨讀陸總長通電各省剖白外交困難情形竟有曹次

長誤簽四字益費躊躇之語足證道路傳聞之非虛曹賊賣國之確鑿矣查曹本一無識之徒前曾留學日本前清官至外部侍郎對於辦理二辰丸一案其甘心媚外罪跡已昭著天下事經都察院全體糾參在案今日之事較二辰丸尤甚乃肅政史及各省長官噤若寒蟬未聞一伸其罪不知是何居心無怪日詈我國國民為亡國種子可不痛哉竊謂此種賣國巨奸斷不容其生存斯世勳誓與之不兩立除電大總統即日宣布軍賊越職侵權誤國害民之罪明正典刑以謝天下誠恐一人言輕不足以喻國人皆曰可殺之旨特表示意見應請各省將軍巡按使聯同指攻曹賊罪惡俾中央決意執行五月三十日申報

福建巡按使許世英昨通電各省略謂此次中日交涉日使已允將第五號擱置乃外交次長曹汝霖竟敢於談判協定之後親在日使館從外人恫嚇威迫之言將第五號加簽日後協商數字是直將第五號全行承認喪心病狂莫此為甚現聞中輿情悲憤填膺咸謂中華民國實由曹氏斷送食肉寢皮不足以蔽辜世英以為曹氏之在外部位不過次長上有元首次有總長何故不待請

五月九日後之各省官廳之舉止

訓竟將最激烈之條件一語承諾似宜呈請大總統立將曹氏飭下有司治以相當之罪以快人心一面請陸總長設法補救以拯危亡世英本一隅之吏雖有救國之心恐無挽回之力且人微言輕或不足以動中央俯聽特通電各省將軍巡按使請各電中央共持此意庶希補救於萬一固非與曹氏為難實中華莫大之幸

五月三十日申報

附錄 陸軍部請罷職電

外交總長陸徵祥近

通電各省將軍巡按使略云此次中日交涉徵祥身任外交長官不能使中日新協約我國有相當之利益日來迭據魯奉閩等省官民紛向肅政院陳訴雖蒙大總統寬宥慰留照舊供職謂外侮之來原因複雜失敗之咎不在外交官之一身令肅政史勿起彈劾徵祥感恩之餘自念此次交涉雖非一人之咎惟仍戀棧在此則徒茲口實而一片愛國愚忠難以表白於天下是以特懇請大總統立予罷斥另選賢能以補前愆深恐外間不察民怨攸歸特此通電祈為鑒察

外交次長曹汝霖用個人名義通電各省略云此次中日交涉和

五月九日後之各省官廳之舉止

平了結并完全承認日本之要求一出於大總統之獨斷一出於各部長之公意迭將此中苦衷暨會議情形通電在案乃近接各省官民函電交責或指汝霖對於第五號擅加容日協商四字爲甘心賣國或斥汝霖對於日人方面曲意依從爲有心媚外奉誦之下令人無地自容汝霖雖不肖亦何敢賣國自肥貽萬世之臭罵耶湖此事發生後汝霖與陸總長往返磋商殫精竭慮已數月於茲日國既下最後通牒承大總統命親往與日使協商和平辦法日使初意甚狡并要求第五號尤力經用電話請陸總長向主席請示後方敢加註容日協商字樣徐圖辦理乃外間不察紛紛譏刺不遺餘力汝霖一介書生死何足惜但是非不明何足以折人心壓息邪說汝霖知罪矣敢不惟命是聽除呈請大總統准予解職并澈底查辦外合即電達各省將軍巡按飭請轉知各界主持公論以定是非則汝霖雖死猶生之年 錄六月二日申報

▲公堂傳詢救國急進會各團聯合會之

宗旨如何

滬海道尹楊小川君照會法領事署謂有徐

建侯聶晴暉劉祺王百揆等在法新租界葛羅路四十七號門

牌設立救國急進會及各團聯合會恐有激烈行爲請爲傳訊等語法領事署當飭捕房於昨日傳送法公堂請訊徐建侯稱現在法界開辦愛國晚報報上所載者均係和平之語並無激烈文字請察聶晴暉稱此會欲國民公共進行救國並無激烈行爲劉祺所供相同王百揆未到由李文浦代表聲稱現在中日交涉已經政府簽約我等亦須和平聶謙員諭曰此案係奉道尹公文故傳諸君到來一問會中宗旨如何諸君既然愛國須以國家爲前提謹守法律不得租界治安倘踰越法律之外有碍租界治安本會審官祇能照法律辦理法副領事德君亦諭曰民主國人民既謀愛國必須和平進行切不可有激烈行爲中國政府辦理外交暫守秘密亦有理由即各國辦理外交亦有守秘密之通例政府不負人民不可任意詈罵有礙外交本副領事辦事一秉至公界內居民能守法律不擾租界治安者無論中外人民一體保護如有不守法律擾碍治安者須照法律並公堂定章辦理斷難寬貸論畢徐等四人唯唯而退

附錄訥評 救國會既以救國標名自必以愛國爲宗旨無容

恥

國

疑慮者也然而當道必殷殷詢問者則恐或有假愛國之名以行其不愛國之實耳吾謂今日真愛國者必居大多數以一二不愛國之人假名以欺真愛國者之全體固為救國前途累若政府以一二不愛國之假名而遂疑大多數之真愛國者為皆不愛國則更為救國前途憂政府其慎之毋使大多數愛國之人灰心也

▲不認責備外交大員之通電

中日交涉解

決後長江巡閱使張勳奉天將軍張錫鑾巡按使張元奇等曾發通電歸咎於外交大員之不力近上海鎮守使鄭汝成君滬海道尹楊小川君同接統率辦事處來電謂前項通電均係捏造業經分別飭查昨鄭楊二君又接統率辦事處歌電謂張將軍等業經先後聲明並無是項電文應飭迅即更正一面通知各報館今後對於各種無根電稿鄭重登載以免誤會云云刻楊君已分別通知並將辦理情形電復矣

▲上海縣知事公署致報館函

逕啟者頃接

福建許巡按使來電以五月三十日申報第二張載張許兩使同

五月九日後之各省官廳之舉止

電料彈章汝霖欄內標題許巡按使電閱之不勝駭怪世英並無此電殊為紀載失實請轉達申報館速為更正等語相應函達貴報館請煩查明即日更正以昭實在不勝盼荷頓頌撰祉 沈寶昌謹啟六月十日

本社按以上一電一函悉係藉白者其事之究屬如何雖非局外人所能知閱者當亦具幾分眼光也今為兩載之以示吾人之無偏私然而果前電而真也尙能差強人意以為政界中尙有剛正敢言之人在否則。。。

▲軍人難行國恥記念

統率辦事處昨有電來粵

略為頃據各省將軍電請舉行軍人國恥紀念會以勵國民而誌不忘此舉雖出愛國熱誠但各省長官能於外交失敗之餘有此憂憤之陳請足徵實心愛國敬佩良深本處為軍政最高之機關辦事員均軍界之一分子對於此事甯不共表同情惟念國勢衰弱在在均虞啓釁於人矧我軍人為國家能力之代表凡一言一動總求有益國家增進幸福為宗旨從國恥紀念會之對面而言即國家外交失敗之哀思會已耳就我之一方面言則哀我權利

五月九日後之各省官廳之舉止

之喪失就彼之一方面言則恨彼無理之要求此種集會在普通之國民爲之外人尙不甚注意倘由我軍人全體舉行則彼國朝野豈不大驚失色以爲此次之所得恐終不敵將來之所失咸思先時而動舉國注目於我共鑿防衛之策因愛戴國家之舉動而反礙國家之前途軍人志趣甯料及此本處統籌軍計以爲鼓勵軍人莫如演講固結軍心莫如宣誓倘各省將軍欲乘此次失敗之後痛定思痛以謀強國整軍之計不若定期齊集所部於郊外舉行宣誓大典俾軍人曉然於國家之大義勇猛精進捍衛疆圉宣誓畢或舉行軍事之演講歷述我國海通以來之積弱屢次外交之失敗歸概括的演講若專指此次中日之事件易惹日人之注目務須引咎自責不宜責人庶軍心激勵既收實益而無流弊各省如定期舉行并望復電本處查察爲要云

恥

國



五月九日後之日人輿情

不費一兵一折不折一矢攫我種種權利而去快心滿意之事宜無以逾此矣乃尋繹彼邦之輿論尙有攻擊其政府者嗚呼懲察無歷隱患滋深吾同胞詎可不急思自處之方乎 編者識

◎日本外交收功後之對華言論

論

(譯大阪每日新聞)

▲大隈首相 略謂中政府今漸一掃其迷夢誠心誠意承認帝國之要求是非徒爲帝國喜亦可爲東洋永遠之平和慶也因此殆解決全部多年之懸案掃蕩中日間所潛伏之禍根今後中日之親善當益加深厚而不容有第三國離間中傷之餘地世人有謂我外交之失敗者要之此多年之懸案一旦平和解決不可不謂一大成功耶

▲尾崎法相 略謂最後之改訂案雖多所讓步而大體之骨子則無絲毫之讓步也唯就第五號之讓步而言僅有中日會議錄

五月九日後之日人輿情

謂當記錄會議之始末以讓後日交涉與不復記錄而讓後來交涉之差異耳又加藤外相及日置公使當此次中日交涉之際大爲努力誠足多者世間有謂此次交涉失敗者此不足信也要之此次之中日交涉非可慶賀者又非失敗者不過對於當然之要求而得必然之承諾耳

▲某上院議員 略謂此次之對華外交自各方面觀之皆不得謂之成功臨時會議當加質問或爲含有強硬意味之決議亦未可知即過去之外交姑勿論列若思及盤旋前途之對華問題及對列強關係則今後雖任以何人當外交之衝恐亦不得不陷於苦境則爲此際恢復國威之善後策者不可不就預約日後交涉之所謂第五號案等各條項選出適當之人特再開始交涉期速解決之耳(願我國民注意注意)

◎日人尙咎交涉之失敗

譯者瑜公

大阪每日新聞載東京通信云此次中日交涉關係列強表面上

國 恥

雖無甚舉動然美國政府照例採開放門戶機會均等主義屢向日本有近乎爭論之質聞此世人已略知者即英國政府尊重英日同盟關係於此次交涉內容極守秘密對於議會質問亦似有避答辯之意然英國當局者對於日本一月十八日之提案頗有憂慮尤謂第五項有背日英同盟本旨且謂日本若與中國開戰實爲非常重大之事曾由外務大臣葛雷用此意忠告日本兩次其第二次電報到時正爲元老大臣會議之日其內容今尙不能明言惟加藤外相自命深通英國情勢而今忽有此事甚以爲憾近日報紙有謂第五項削除乃大浦內相之意者或又謂係從山縣公爵之忠告皆有所爲而捏造者也三月間大隈伯曾稍露其意略謂第五項乃希望條件并非強爲要索及四月廿六日修正案中遂成告朔之餼羊僅存其名合前後情形推之可以窺知其由來矣

當交涉緊急時曾開元老大臣會議及御前會議僅聞元老與閣員大起衝突過信其詞者遂有謂此乃排斥元老之開端者一時世人頗爲驚動其後大隈及閣員等力取消其說元老問題遂無

復人注意實則元老大臣會議時大隈加藤等頗爲元老所窘迫其能圓滿下場者悉由大浦子爵之力大隈加藤等至今始知元老壓力之強大矣

此次中日交涉自外交上言實大失計而大失體統其初加藤之意以爲在今日制一中國實易於翻手不料自一月十八日提出要求後全與預期相反交涉不能進行至三月中旬乃以出兵爲威嚇之計不特無補於事且招英美之疑忌頗爲扞格四月二十六日修正案中乃大讓步然猶無效事至此外交遂全歸失敗當初加藤報告元老頗爲傲慢以爲可十分得手至是遂覺無顏元老大臣會議時曾豫草辭職表置之懷中可以見其情矣而元老一方亦不忘其最初傲慢之態故言加藤須親赴北京以相逼幸大浦彌縫其間得無事耳松方侯曾質問財政事大隈不能答加藤誤料英日關係經山縣請問亦無辭以對至會閣員中亦有指斥加藤無能者其他尙有所聞然非余(通信員)所忍言矣大隈常云現內閣有二事一撲滅政友會二退除元老政友會前已敗亡宜應對元老下手何以就中日問題始終乞憐於元老耶至

元老一方皆不喜加藤然對於維持大隈之意尙未變云然大隈經此困難與其閣員等均不敢重施傲慢之態度矣

◎注日人又將藉口發難矣

譯者瑜公

大阪每日新聞論漢口排日事之善後策謂宜由日本政府向中國要求四條

- (一) 中國政府約束不嚴須謝罪
 - (二) 對於死者遺族及傷者應出弔慰恤金及治療費
 - (三) 對於商店及商品之損害須賠款
 - (四) 爲將來保衛計應增加日軍駐屯數目
- 此外則宜勸告中國改善警察制度或由中日合辦或聘日本警察顧問以期完善並謂此次足證明中國警察之無能及前次第五項要求之正當故此事雖係新交涉然實可藉此催提前延擱之第五項日本當局者不可放失機會云云

◎日人調查中國富力

譯者瑜公

五月九日後之日人輿情

上海日報(日本報紙)云據日人高橋秀臣調查中國十八省富力總額一千六十一億三千三百二十五萬元國力每人當二百六十七元較之日本富力每人當七百二十五元者不過三分之一而中國富力中十分之九爲土地房屋其他殆不足言生產力極貧弱故一旦與外國構釁政府無準備金及贖餘金可作戰費外國募債無望惟恃內債增稅及義捐應募之力亦甚微即一國全富力四十分之一(二十五億元)亦至難收足故中國即欲戰爭而戰費窮乏亦不能抗日本而且開戰以後負擔必更加重中國政府知經濟先破滅國必無幸故雖冥頑而不得不應日本之要求也故爲中國計惟有信賴日本求己國安全爲第一義茲將中國現時富力條項列左以供參攷

- (一) 土地之富力 八百七十億三千七百〇二十三萬一千二百五十元
- (二) 房屋倉庫及他建築物之富力 五十五億五千五百四十四萬四千元
- (三) 家財及美術品之富力 十七億三千四百六十四萬六千

五月九日後之日人輿情

八百元

(四)家畜及他動物之富力 十六億六千〇八萬四千四百十八元

(五)礦山之富力 五億〇一百二十六萬六千八百八十元

(六)水產之富力 二億五千〇六十三萬三千九百四十元

(七)鹽產之富力 十四億二千三百八十四萬九千八百七十七元

(八)電氣煤氣自來水馬車鐵路之富力 六百四十五萬元

(九)船艦車輛之富力 九千一百九十八萬一千五百元

(十)金銀貨幣及金銀塊之富力 十四億六千七百九十七萬五千元

(十一)實社銀行事業之富力 七千一百七十五萬元

(十二)貨物商品之富力 四十二億二千四百二十九萬五千七百十九元

(十三)鐵道電話電報之富力 八千九百九十五萬元

(十四)圖籍文書之富力 一千一百三十三萬五千六百元

(十五)港灣河流之富力 二十億〇五百五十五萬八千二百

五十元

富力統計 一千六十一億三千二百二十五萬三千九百五十

七元

每人富力二百六十七元五角七分七厘

◎日本歸還青島說之反響

譯者作霖

據日本郵信報(英字報)國會通信員論日本軍界不憚於中日條約內歸還青島條件業已竭力鼓煽將與政府構難之近狀云中日條約有歸還青島之說日人不服者現正號召同類將以示威舉動表示其反對之意據稱青島之役日本愛國軍人犧牲多數性命僅乃克之今欲以該島返諸中國則日軍人之性命寧非浪擲云云頃聞九州之長崎等處此項風潮醞釀最力以進攻青島之師團大半為原籍九州之兵士所組織而青島之最後攻陷則皆九州一師之力也至提倡反對之人究能達其目的與否

尙難逆料惟自日俄戰事而後國人對於軍役之意興已不復如從前之踴躍其百計規避冀免當兵之義務者殊有日盛一日之勢此以日俄戰時陣亡各兵之家屬爲數既極充斥而政府所以周恤之者又極微薄常年恩餉在各家屬得之幾不足以禦飢寒故國人對於軍役厭惡日深而每值國家將有戰事之際則此情愈顯由是言之則此次九州人民所提倡之風潮或足釀成非常變故而其結果或將使日本之軍力因以削弱要未始非意中事也如謂此次運動不過策士之一種手段其目的僅限於政治則發起諸君之擇術未免太險猶之以炸彈爲可狎而不虞其轟然暴發將至糜骨肉而摧棟宇矣日政府允宜及今設法乘蔓延未盛之際絕其根株以弭後患否則由長崎一埠而他埠由九州一方而他方星火燎原其勢至速屆時全國人民蕭索之意興或一變而爲激烈之感情則其爲禍寧堪設想哉尤望在野諸黨能規其遠大勿予附和則提倡者既無政黨扶助其聲勢自可漸殺總之日本有識之士乃至普通人民今日對於九州所醞釀之風潮固無有不慮其性質之猛烈與情勢之危殆者昔年中日戰後日

五月九日後之人日輿情

政府以俄德法三國之迫脅不得不歸還旅順及遼東半島於中國然國人無不痛心切齒必欲訴諸武力雖以國家爲孤注而弗惜當局者百計鎮撫始獲無事若今日歸還青島之議則情勢又與昔日迥異是以國人反對之意旨一經發爲形式見諸示威運動則激昂慷慨之情狀瞬將遍乎全國而其禍患之所屆又豈能預測哉

◎交涉日人之經濟侵略

▲譯者瑜公

▲經營滿蒙之方法 東京時事新報載日人倉知鐵吉（即中國興業公司協理）譚經營滿蒙方法云此次交涉結果日人應在滿蒙經營之事業似不過礦山及開發土地兩事然經營礦山欲開採指定獲得之礦或個人或會社須經日本政府認可至購買土地開發一層非零星資本所能辦到當組織一種開發滿蒙土地之大公司其買得土地開發之方法或由公司直接經營農業或零賣租借與小資本公司之組織因恐招中國誤解或惹

五月九日後之日人輿情

起惡感故當純然爲民業營利會與日政府無關係且中國人亦可爲股東中國人能爲股東與否於事業上大有關係徵之中日實業公司之經驗可以明矣滿蒙之農作以大豆爲最適宜無待贅言然水田之經營亦頗有望世人或因防穀令恐米不能輸出然現在滿洲方面日本軍隊及居住日人需米之大部分皆仰給朝鮮故僅就滿洲境內言需用者已不少也

▲發展貿易之計畫 上海日日新聞(日本報紙)載日人入木福松談中國工業界情形云條約上雖得種種權利若不能收利用之實效則無異空文故中日貿易之將來當切實研究非由日本官民一致協力以求發展不可現日本實業家之通弊動輒言中國商工業愚拙此後實須警戒余前赴上海曾往利華製機廠考察該廠有最新式美國自動機器三十五架護謨機六架林丁機十架規模甚大又江西路中國人潤泰棧(譯音)能造德國式製機機反觀日本則如何美國式自動機東京殆無有大阪之大工廠亦僅四架其他皆日本式手織機美國機一人運動機器三架每日可製襪十二打半日本機一人一架每日不過四打而已

號爲愚拙之中國如是日本反不如矣襪業如此紡績火柴等中國內地均頗發達日本決非安臥之時當以中國爲可畏急求發展也商務省對於此點亦宜有相當之注意此次交涉解決日貨自益發達然須政府切禁粗製濫造始能利用優越之權利以發展貿易也

◎日人眼中之津浦路權

譯者瑜公

大阪朝日新聞紀日本此次交涉所得權利中有(津浦路北段之處分)一節譯錄如下

中日關於山東之新條約第一條之旨趣即在驅逐德國在華之勢力則德國有借款權之津浦鐵路北段及該路支線與德有關係之兗州濟寧及棗莊臨城兩路自當歸日本代有然據某外交家之說新約第一條之規定中並未含有津浦北段及該支線之處分此說若確實大背日本用兵本旨吾人不能不望日本政府更以堅強之態度驅逐德之勢力矣德國對於此路包藏禍心已

國 恥

久斷不可使其占有當一八九八年二月容閱議修津鎮路是年八月與英美財團定約借款五百五十萬磅德見該路通過山東極反對並使德國財團要求敷設因是英德兩國在京競爭甚劇後經妥商由兩國分担一八九九年五月英德資本家與中國定借款草約未幾議和團變起草約未能實行後英美竭力運動一八零八年正約始定總管北段三百九十一英里英修南段二百三十六英里前後三次德募公債五百零四萬磅英募二百九十六萬磅相繼竣工此路雖中國官線然因借款關係南北差殊德欲與英競派技師六十餘人精選材料機械遂造成中國有數之鐵道

津浦北段尚有兩支線一為兗州至濟寧一為臨城至棗莊齊線乃德國於津浦約中獲得借款優先權兗州開封線之一部一九一二年十一月開工全長十九英里餘臨棗線乃一九一二年五月作為津浦支線而設者全長六十九英里餘與中興煤礦公司(德人經營者)炭坑線路在棗莊一接齊濟線者延長至開封可與海蘭路相接日本欲修高密徐州線與海蘭聯絡何如直修

五月九日後之日人輿情

竟濟較為有益故該線斷不可歸他人之手臨棗線則通過山東膠濟等處煤礦亦不可棄二線皆屬津浦北段日本能代德有津浦北段則二線自然到手矣

津浦北與京奉接南與滬甯及寧海接中與海蘭接山東向為中國重要實與運河之故此路則較運河尤有功效若付之德國將來日本經營山東實業受影響者豈為淺鮮日德開戰本為逐德勢力即宜令其絲毫不可存現以津浦之重要并兼二有用之支線乎德國自視山東為德之勢力範圍謂津浦路權乃不得已然則日本今日繼承德之權利亦當然應有考矣

尚有一理由日本不可不得此路即杜絕浦津山東之競爭是也德每利用津浦北段發達山東青島今日本得山東路若津浦猶在德手必用種種手段妨害山東青島之利實意中事即就此點言此路亦不可失也

或謂英國欲得津浦北段必不肯令歸日有在華英人中或有抱此僻見者然德英鐵路規約並不禁止將山東且此路担保山東原金稅百六十萬兩英必不為此無謀之舉况此次日本要求

五月九日後之日人輿情

(一)武昌九江南昌(二)南昌杭州(三)南昌潮州三路英人大反對勸日本撤回要求日本願念大局將鐵路交涉改歸後日另議則日本欲繼有德之津浦北段及兩支線英國必不能持異議也

◎日人之對華聯合大會

五月二十
五日時報

大阪朝日新聞云十八日午後由憲政擁護會國民外交同盟會對支聯合會對支有志會及新聞記者有志團等十八團體開聯合大會於築地精養軒到會者有犬養毅杉田定一元田肇等及其他政友國民兩黨代議士又不滿意於對華外交者共六百餘名推杉田定一氏為會長滿場一致可決決議略謂現內閣之對華外交為阻礙中日兩國之親善引起列國之誤解失墜帝國之威信者閣員當負其責繼續實行委員歸會長選定又議決本日之會以國民同盟會之名義今後繼續開之最後入於演說會內田良平氏表對支聯合會演說云中國問題之根本解決在掌握對華之政治的指導權(竟欲握中國政治權願吾國民注意)

注意)如斯則鐵道設權鑛山採權等之利益問題自當歸於帝國之掌中然不握其政治權而圖中日之親善者是不知中國之歷史與其國民性者也然日政府不着眼於此而於所謂第五項者棄如敝屣則此愚劣凡庸之內閣不可不早日去之也又國民黨總務犬養毅氏演說云關於對華問題予之所甚憂慮者則在使誤解日本國民之真意之點即由此次之結果而使懷日本侵略中國之誤解而與中國四億之民衆以不勘之惡感是也至第五項之警察權武器問題以條約限制之固屬煩難而稍加擊盡亦可解決又軍事上蒙古之範圍雖限於內蒙而一朝有事之際果得擁護政治上之中心之北京而舉保護中國之實事(竟欲擁護北京願我國民注意)至使宣言沿岸不割讓者却又陷於自縛自縛之弊福建及台灣果可於何點守之耶(竟以福建及台灣聯名願我國民注意)

◎日人眼中之華人排日熱

東京每日新聞近日著論大旨謂中國人若非先威後惠則終不

能駕馭今者屢次迫害日人排斥日貨中國官憲不能盡其保護之責舍自謀保護別無良法云云按國民偶因國際感情之關係稍起衝突事所常有該報此種主張似亦未免過激也茲特譯錄如下中日交涉已和平解決條約亦正在締結突在漢口重慶福州等處或竟發生排日之暴動或有將發生之朕兆此吾人所引為深憾者也中國人見中日交涉之平和解決應如何力圖兩國之益敦親善乃計不出此而徒事殺傷邦人組織暗殺隊其橫暴可謂至矣察此次排日熱勃興之原因似純由德人與報章之煽動湖中日交涉猶未解決時漢口之上流人士嘗開中日聯合懇親會以敦親交集軍人以外之多數人士互相交歡當時吾人深表忻悅曾無幾何而排日熱俄然勃興竟至殺傷邦人破壞家產及種種橫暴舉動其間變化之速殊令人驚駭不置或謂中國人之所以排日者因見日人慶祝中日交涉解決舉行提燈行列不勝憤激有以致之此說真實與否雖未可知但即使邦人果有提燈行列之舉此亦慶祝平和已得維持之意可毋待言而中國人誤解我國以強其應允要求故示凌辱之意思而舉行其提燈

五月九日後之日人輿情

行列此外更有誘毀邦人以煽動中國人之說章與德人蜚短流長可察而知漢口之中國人中不乏列席於中日聯合懇親會者當能自覺中日兩國之關係及在東洋之地位熟知兩國之國交苟非兩國親善必致釀成東洋之禍實然則其敢為暴行者不得不認爲下等愚昧之徒也乃據密報稱中國官憲不惟不事鎮壓暴行且有使中國人增長輕侮邦人之念之形跡此於中日國交上誠爲可惡之現象徒來理解中國人之情性者謂非先施威壓然後以厚懷之則終不能駕馭清朝之所以得保二百數十年之天下者乃揚州十日流血暴骨之結果俄將斯哥倍雷夫亦嘗謂亞細亞之平和以殺人多寡爲正比例蓋中國之愚民若非先以威力相壓迫終不能駕馭今中國人不僅屢次迫害邦人排斥日貨竟至殺傷邦人則是中國官憲不能盡其保護之責邦人一日不能安堵我邦舍自謀保護邦人之舉別無善法若未事竟至此中日兩國之關係不得不認爲重大中國政府苟有誠意須鎮壓暴徒撫綏愚民以保持國交之親善與東洋之平和不然則中日邦交將來發生如何變化殊未可逆料也(六月六日新聞報)

五月九日後之日人輿情

●日人真以朝鮮視我矣

六月八日
新聞報

北京英文京報云朝鮮漢城日報為日本駐韓統監之機關報該報轉載北京報紙所載中央於園救國儲金大會消息而評論之謂數年前日本以朝鮮為保護國之翌日漢城中擾攘之情形正如現在北京之事數千人開會聚集救國捐作激烈之演說痛罵日本有寫血書者有高聲大呼者亦有哭泣者其居心則良是而其舉動則愚甚夫大言誇張與夫揮傷心淚皆不足以救國所貴者惟人民能自審其國家所居之地位而取相宜之舉動與自振作力圖進步取法他國以自奮耳昔者伊藤公亦曾竭力設法拯救高麗而韓人動輒牽掣其肘據記者(漢城日報自稱)觀之中國今日正重演朝鮮之故劇也(本社按日人冀我似朝鮮故喜以朝鮮比我至我之究竟做朝鮮不做朝鮮則不在彼而仍在我也我真能以此為恥實圖奮作誰敢朝鮮我哉)

●到華進口之日貨大減

六月八日
日時報

▲大阪每日新聞云中國排貨之形勢益呈險惡即向視為安全之天津亦呈不穩之狀態其向無變動之地方僅一青島而已去

十

年度輸出於中國者較前年增七八百萬元至本年一月迄四月之輸出較前年同期約減二千萬元此固不外排日之影響或以中國貨之輸出於歐洲者減中國之購買力亦減亦當為其一原因而華貨輸出不減之時亦未嘗不異於前則排斥影響之大可推而知而至四月之末影響亦既不淺則此後之更進一層者亦不待言最初交涉時之排貨雖僅為一種示威運動而今日各地則多以日本增兵威嚇中國加以侮辱故不勝憤慨之至唯不事暴動雖中國當局亦無從取締也次就大阪所蒙影響觀之本年迄五月末所輸出於中國之總額凡二千七百七十四萬八千元較前年同期減七百三十九萬八千元減退最甚之地方為中國中部之五百三十萬元北部之百四十三萬元次之其輸出於滿洲者雖僅減少七十萬元而此中含有俄國需要之一部在內扣去其額當亦大見減少然中國之輸入日本者則對於前年之二百七十七萬四千元者約增加三百三十三萬元於輸出減於輸入增此最可注意之事實也又中國之排斥非獨限於中國即南洋印度方面亦多波及言念前途為之一歎

五月九日後之世界公論

◎西報對於中日交涉解決後之論調

▲大陸報昨論中日交涉之解決云。遠東今不至有戰事矣。此一部分之世界。數日以來。風雲緊急。大有蹈歐洲所受苦痛之覆轍之勢。今交涉解決。此後當有一時期之和平。雖在世界大戰之中。亦可享幾多之興盛。吾人興言及此。頗覺此次中日兩國間之危局。得化干戈爲玉帛。乃東方外交之勝利。歐洲外交家所宜服膺者也。兩國主張強硬對外之人士。於交涉之解決亦覺滿意。不復能逞其說。卽此一端。殊堪欣悅。當危機蒞臨之際。南方當局者保其頭腦。勿致意氣用事。卒使其結果中日兩國畢竟皆有所取獲。蓋中國所最需要者。爲寬以歲月。俾國力得和平之發展。日本大約預料中國國力發展之後。將使兩國間之關係一變。故欲乘此機會汲汲解決兩國之懸案。談判始末情形。頗耐玩味。始也中國

五月九日後之世界公論

多所讓步。迨後已到可以讓步之界線。於是袁總統及其國務員諸人。卽戛然而止。雖受威嚇與誘騙。亦毅然堅持不復再讓。談判於是中輟。越數日續開會。日本卒言中國必須承認全體要求。中國拒絕之。哀的美敦書於是乎來。此書內容。目下全世界均已知悉。搜徧外交公文之紀載。殆未有更可異之哀的美敦書者。彼一半迎合中國之態度。使和平結果。不至於不可能。又顧及中國與他國所訂之約。以免去將來嚴重困難之機。換言以明之。則中國軍事并無準備。而其態度之堅決。乃出於他人預期之外。日本握優勢之武力。勢算可操。而其最後通牒較爲和平。較能使人忍受。亦出於他人預期之外。凡此皆所以造成和平者也。總之。目下局勢已成。譁喧激昂。均無裨益。中日兩國負責任之政治家。已結同意之約。兩國人民在此同意之約之下。人人可以各事其事。圖自已興盛之發展。此爲最良之事。應記諸心頭者也。

◎英報之憤言

英文北京日報云。現在各國輿論。竟如本報所預言。皆不滿意於

日本之乘機侵略中國。苟日本政府能細察現在所發生之事實。取輿論而玩讀之。則對於日本之前途。必懷乎有所疑懼矣。吾非謂日本政府良心上有所覺悟而痛苦也。但試觀美英俄三國之輿論。吾人似以爲日本將來必有覺悟。今日劫奪中國之政策。實傷英俄法美感情之一日。且恐將來世界上必無日本之與國。不翅如遠東雜誌大主筆所謂貶之於印度之列也。觀昨日日本報（英報）所刊登英倫各報之評論。可知日本政府對華態度之說明。即英國亦不能信其目的之純正。報告之誠實。設東京政府能鑒觀於未來。吾恐日本此等行爲之結果。於日本有害而無利也。夫使各國取日本所自行宣布之證據而觀之。則未有不直中國者。中國之罪。不過其國勢之孱弱。而其不幸。不過由於其友邦各國。皆從事歐洲之戰爭。而愛莫能助。由此觀之。則中國雖屈服於一時。安知各國將來不仗義執言耶。

◎俄國辨日之傾向

譯者瑜公

大阪每日新聞俄京通信員。前報最近俄京創設俄美協會。其機

關大可注意。其創立委員中。有立憲民主黨領袖數人。（按俄之民主黨多親華忌日者）此機關於將來日俄關係。頗有影響云云。又近日俄國報紙。如立憲民主黨之機關（勒奇）報及（威德摩斯）報（猶太人機關）（狄尼）報（左黨之機關）等俄國有力報紙。連日均載排日社論。撮其大要如左。歐洲戰亂。爲我日本友人（稱日本爲友人。示與英法盟邦之稱有別）在極東獲一好機會。日本之言帝國主義者。利用此時勢。向友邦政府發近乎最後通牒之要求。嗚呼。此老首相竟棄海島政策。而用大陸政策矣。若使中國承認日本要求全部。則事實上中國已化日本屬土。而日本言帝國主義者。乃稱此爲自己努力之目的。非懷有野心者何耶（勒奇報）日本所謂保全中國領土者。即中國內政。其他各國不得染指是也。所謂確立中國立憲政體者。即由日本顧問指導。以改革中國政體之謂也。所謂開發中國文化者。即指日本寺院學校。有特權徧布中國內地也。從前日本一新聞記者曾有此說。以爲乃平和侵略中國之計畫。誰料此記者之主張。乃竟由外交當局提向中

國政府乎。大隈因英國輿論沸騰。遂言（并非要求實乃希望）然希望二字一旦載入最後通牒之公文中。不過字句之區別而已。非至詭之手段乎（勒奇及威德摩斯報）

日本現時之首相大隈伯。前在一八八九年時。曾爲外相。當改正條約交涉之任。以柔弱受非難。遂遭炸彈。失其一足。然此人今日向中國所要求者。即當年爲己國國權所力爭之事。袁世凱始終用讓步態度。猶難從速解決。則日本要求如何不法。可以推知。惟袁氏今日竟無援助可覓耳。（勒奇報）

美政府對日政府。除警告其和平辦理外。始終持觀望態度。則中國除特賴英國外無他策。日本在中國。若執政治經濟之牛耳。與英之極東政策。不能相容。觀英報之論調。及議會之質問。足證英人眼光注意極東。大隈於要求中能讓步若干條者。實受英國之壓迫耳。吾日本友人須知歐洲各國不暇顧東方。不過一時之現象也。戰爭以後。即各國國民聯合在極東活動之時代。非壘斷門戶而能閉鎖之時也。（勒奇報論說重載於威德摩斯報者）

日本似將始終決行初志。雖戰爭亦不恤。若然則與此法外之帝

五月九日後之世 見公論

國主義。野心相伴之危險。必現於眼前。大隈之政策。所謂投機的賭博是也。日本意謂美國必守中立。縱使此預料不誤。日本亦決不能貫徹其野心。即今美國守中立。亦決不能認日本之要求爲合理。美所以不與日爲敵者。不欲爲德國之與國耳。（狄尼報）

日本利用今日之好機。實覺過分。對華要求緊急。實日本最大之過失也。雖一時可收若干功效。然將來必易蹉跌。事實上因一時之勝利。不能收得何等果實也。（威德摩斯報）

中日交涉之英報評論

（譯者作霖）

英文京報論云。中日新約。業於一時（二十五日）由中國外交總長與日本公使會同畫押矣。按此次新約。凡條約二件。文牘十三件。條約之中。甲專涉於山東省之要求。乙專涉於南滿及東部內蒙之要求。文牘之中。有專涉於膠州歸還問題者一件。並繫以條件若干。謂膠州畢竟歸還與否。須視某種情形而定也。各該文牘一經畫押。則議定書即有實行之效力。惟其中有某某數款。即向所稱第二號要求中之二三兩條。則須自畫押之日起算。及三個

月乃克實行。日人於所擬之議定書中。不惜自變其哀的美敦中之條件。而於南滿洲三字。則去而字。而僅用滿洲。於東部內蒙則去東部。而僅留內蒙。於旅順大連。則易以遼東半島。此其伎倆。雖未獲逞。而日人之反覆無信。貽笑天下。則於此益顯矣。况上述之變更。縱難如願。而字面則已多出。又哀的美敦中。原定之開礦區域一所。亦被另易以南滿洲某礦域。此皆足為不誠不信之證。而華官則於畫押既竟之後。曲從日使之命。與日代表合攝一影。其所以受命而弗辭者。則曰我欲藉此以表我之誠信耳。按中日交涉。雖已終結。而兩國間之惡感。則尙未隨之而俱結。近據日本紀事報載云。中國排日風潮。其蔓延之勢。非第不已。且加遠焉。據中國各部之消息。均謂華人於抵制日貨之舉。已決計堅持到底。即東三省亦在其內。而日本商界。近亦深感其不利矣。大抵中日兩國人民之意。均致憾於其政府之不善外交。而其所以表示此意思之方法。則彼此迥不相同。日人之竭力詆謀其政府。大抵在政黨演說之秋。而報界之向來稱頌大隈內閣。謂其外交政策之適當者。近亦一變其友善之態度。日人之斥其政府。曰外交失敗。

而華人之斥其政府。則曰外交無能。其憤慨之氣。不能自遏。則悉托諸抵制之舉。此在中政府固有應負之責。不能盡歸其咎於國民。至於中日人民之態度。孰為有識。孰為無識。則殊無從論定。大抵其秉態之不同。由於國民意趣之異。致未可知耳。

●日果不再用經濟侵略乎

譯者作霖

英報名倫敦經濟家者。乃英國經濟界中極有勢力之機關也。近日評論中日交涉曰。日本以哀的美敦加諸中國。中國除屈服外。自更無他道。惟哀的美敦中。業將聘用顧問及購辦軍火兩要求。暫從緩議。則不得謂非差強人意。中國若并此而允之。則獨立資格。將全不相合。即就其已允各款而言。其關係亦已至鉅。孟鳩斯德維護報。所謂列強苟無戰事。則日本要決不敢以此施諸中國者也。日本今者於中國之四省。已得有特別之地位。可享其獨據之權利。遠東戰禍。既已幸免。則日本似亦可撤還其在華之軍隊矣。我人所望者。此後日本對華。勿更用其經濟上或商業上之

迫脅手段而開放門戶主義。當爲世界各國所一體遵守耳。又自由黨領袖機關之國民報。亦刊有評論曰。日本以雷霆萬鈞之哀的美敦。加遺於中國。中國則不勝其迫壓而曲從之矣。日本雖取其要求中之尤無理者。或酌加變更。或暫予寢閣。然即就其如願相償之各款而言。雖欲不謂之純以勢劫。不可得也。南滿東蒙之權利。在日本當亦已滿所欲。蓋中國之所許。與日本之所索。其間相去至微。從此該方面已成日本經濟上之特別勢力圈。且已明居於保護國之地位。其所猶未取得者。不過虛名而已。以山東言。則德國原有之權利。盡爲所有矣。以福建言。則該省之軍政事宜。非他國所得而過問矣。長江礦業之管理權。又顯然已移於日人之手。故此案之結果。其差強人意者。不過延聘顧問。暫從撤銷一端。然他日遇需要之時。日本勢必重提。中國勢不得不復與討論耳。

◎遠東問題之新局面

京津泰晤士報云。上星期以內。遠東問題。又發生一種新局面。

五月九日後之世界公論

美國實已發覺前此之見欺於日本政治家及外交家。今日勢必急起直追。以整備一切。藉以保護其應均之權利。現在中國對於日本一月十八號所提出之要求。既已承認。美國政府。益信中國之政治獨立。及領土完全。將被人蹂躪。即其在華之利益。亦大有岌岌不可終日之勢。故即以列下之通牒（即照會）呈遞中國政府（按通牒文已見前從略）

此外美國尙有一通牒。接踵而至。謂中國政府如與第三國簽訂新條約。務必正式通告美國政府。

現在北京人士。均謂美政府之所以遲滯迄今。而始以通牒致中日兩國。于預此事者。其原因不難揣測而知。蓋前茲美國政府尙以日本首相外相及使臣之辨論爲可信也（中略）現在種種情形。既已水落石出。則美政府對日態度。自當立變。其通牒中所言。不啻自白其不再信任日本之種種宣言。而對於開放門戶。保持中國領土完全。政治獨立等政策。更不能無慮也。

◎英報力斥日本之無饜

天津太晤士報云。中日條約本擬於十六號簽字。中國方面亦無反對之餘地。惟前此所允洽各點。係最後之通牒以內之條文。額外增加。自難承認。而日本方面。偏又使其慣技。以欺侮中國。妄想攫奪最後通牒以外之權利。要之此種無厭之要求。在一般讀此通牒者視之。設非夢想顛倒。必大不以為然也。即就旅大租借展期一條而言。通牒中已言之鑿鑿。乃日本必欲以遼東半島四字。強代旅大。中國如一首肯。則勢必盡使遼東半島。在租借範圍以內。較之日俄戰後。日本所得之俄國之租借地。其範圍之廣狹。可不言而喻。茲再將一千八百九十八年五月七號之中俄條約。再行揭出。讀者可細細推之。其中所言遼東半島租借地及中立地之四至。甚為詳盡。今日似無變更之餘地也。

按照原約第二款。俄國北方租借地。即旅順大連及遼東半島之四至。開列如下。遼東半島西岸之亞當灣北岸。起越亞當山脈（山脈亦在租借範圍以內）。迄遼東半島東岸之貔子窩灣北岸。凡北京條約第一款所定界線以北之為中立地。起遼東半島西岸之菱州河口。越岫巖州城。迄大洋河。又順此河左

岸往下至河口為止

綜觀上列條約。關於租借地之疆界。至為清楚。而日本人尤安思凌侮中國。欲竊去倍大之租借地。其居心實不可問。凡前茲中立之地。無論在昔日。或在今日。均為中國之疆土。日本人亦迄未得有何種管理權。此次欲得此等土地而甘心。其為越出規矩。可想而知。况現在同樣之要求。尚不止此一端。試問日本人之宗旨何在。既使中國屈服。最後通牒之條文。而尚作此無厭之求。使平常字義。盡失其效用。以圖僥倖於一時。而得攫取其目的以外之權利。回思中國承受日本條件之日。一般人心理。無不謂日本之對於中國。必且改頭換面。應用其正大之手腕。豈知此等理想與事實。大相逕庭。今日本人之態度及口吻。果未嘗異於昔日會議時也。現聞中國對於此項新要求外之新要求。未曾絲毫退讓。按遼東半島字樣。聞已取銷。因其尚有涉及福建之處。凡上所述。均為簽字以前。日本方面遲延日期之真相也。

◎日使無理干涉之公論

譯者作霖

京津太晤士報云。日本公使近嘗照會中政府。謂不應任聽商會散佈傳單。在公園演說。及提倡愛國儲金云云。按公園開會之日。記者亦往參觀。商民登壇演說。備陳數月來日本凌侮情形者。頗不乏人。其情辭雖涉激昂。非日人所樂聞。而秩序整飭。氣象靜肅。殊無招日本抗議之由。則日使此次之照會。不知根據何種理由。記者實無從懸揣。此等集會。起於交涉之失敗。而交涉之失敗。則由於國家及政府之孱弱。國民身當其境。乃相與勸勉告誡。冀振起全國之責任心。而協力以禦外侮。其宗旨至純正。而舉止又至合於情理。決無招尤惹謗之道也。是故日本之照會。我人祇能一笑置之耳。否則言論自由。為中國人民應享之權利。日本豈欲以一紙之照會剝奪之耶。又況近項之交涉。日本所以待中國者若何。豈日人猶未之審。而欲以歌功頌德。期諸中國之人民耶。言論自由。載在中國之約法。日本欲藉袁總統之力。以箝制華人之口。而豈知袁為公布約法之人。苟或聽之。則自理而自攝。不幾負反覆之惡名耶。况中日交涉既起而後。日本人對華。謾罵恫喝。無所

五月九日後之世界公論

不至中政府者反唇以相稽。不知日本。又將何以對之耳。

◎英報關順天時報之謬論

英文京津時報。近日記載順天時報對於我國救國儲金論調之批評。頗道着日本人心坎。茲譯英報之原文云。日人之順天時報。於社論中載稱。現在各處紛傳此等謠言。謂中國將來欲與日本開戰。并謂救國儲金。係留為軍費用費云云。該報遂謂苟使華人未嘗抱此意見。則中政府亦必不致鼓勵救國儲金。并要求中政府宣布救國儲金。究欲為何等之用。以息浮言等語。夫順天時報之獨持此等論調。其中固有意義。蓋對於中國喚起四萬萬人愛國。及立集鉅款之舉動。自不能不生疑懼。當救國儲金發起之初。日人譏誚備至。以為此事必無成績。厥後知儲款逐日加增。始悟前此之所以料華人受最近日本要求激刺之心理。為不合。而同時又迫於妬嫉之念。以為華人竟能由民間自行捐集巨款。因日人自知現在該國經濟困難。實不能啞嗟間捐集如許巨款也。

至日人質問中政府。該項儲金。擬作何用。亦屬不合。然即此可知。日人仍有干涉中國內政之心矣。據云。當上星期之間。日人曾以間接的態度。表示欲干涉他項問題。現在日人雖不能公然干涉內政。然屢欲使華官知達抗日人。實非中國之利。是則可瞭然於日人對於此次交涉之結果。尙未滿其欲壑。而欲以今日所得之權利。爲他日再施要求之張本耳。

●俄報論日俄密約與遠東時局

局

當中日交涉危急之際。俄都各新聞紙。放爛助之目光。振銳利之筆鋒。對於日本新獲之利權。發生垂涎之感。如納烏阿也烏來米亞報紙所發論調。其尤著者也。茲特譯出。以見日俄之密約。與遠東時局之關係焉。

千九百十七年七月二十八日。日俄通商條約簽字之時。兩國全權委員。於此條約外。並交換一種外交書。此書爲通商條約之續文。與條約有同等效力。該書第三項。聲明日本將來對於朝鮮或瑪

拉支克海峽以東之亞細亞。佔有優先權時。俄國得以均霽。就表面觀之。含義似甚微淺。其內容關係。實爲重大。關於此項外交的辭句。加以精細詮解。日本若在中國及蘭領殖民地菲律賓等瑪拉支克海峽以東諸國。獲有優先權。俄國應受此項權利之分配。此意固彰明較著。足惹世人之注意也。據此外交書以觀。日本欲於新嘉坡以東之亞細亞。開一政治上經濟上之新紀元久矣。但日本若利用此優先權。侵略諸國。不可不與以相當之代價耳。歐洲今回之戰亂。爲助成日本計畫之好機。蓋日本與俄法爲協商。與英國結同盟。非僅爲鞏固自己之國本計。並藉口保全中國領土。維持東洋和平之美名。以發展其潛勢也。故日本與俄國協商後。一舉而收東蒙古於其勢力範圍之下。再舉而繼承德國在山東之遺產。此皆日本善於乘機發展勢力者也。當日德未開戰之先。世界問題。僅歐洲戰爭而已。不幸防守青島之德軍。兵力微弱。不足以當其衝。中國力避其鋒。確立於中立地位。對於日德兩方面。毫不爲左右袒。其識見誠爲明瞭。然自青島陷落。後德人在遠東勢力。驟然喪失。固德人之不幸。而日本尙不自認爲滿足之

法宣戰。後受政府凌暴。放逐國門以外之神父。修士女等。竟相率回國。置身疆場。或服役於紅十字會。或充看護於醫院。或隨營以作神父。皆以其力之所能。盡愛國之天職。我中國於當年。雖有逼迫天主教之事。而今日信教自由。載諸約法。爲教友者。又焉可因昔日所受之逼迫。遂耿耿於懷。不肯釋然耶。此以各國教友之行爲例也。即使泰西教友。無此等熱誠愛國之好表樣。吾人愛國之責任。亦不容稍有諉卸。蓋人生斯世。愛國之責。重於愛家。以聖教道理論之。每遇愛國與愛家之責任相衝突時。宜犧牲其家。而愛其國。愛國之責任。何其重哉。夫余爲此言。有不能不汗顏慚作者。卽無論對何國教友。終無庸神父等爲之勸勉愛國也。因各國奉教者。大半係優等國民。泰西之國。凡能及平常國民資格者。無不愛其祖國。而樂爲之死。况優等國民乎。吾人常云。公教能救國者。卽在此也。吾中華教友乎。國事急矣。四千餘年祖宗邱墓之邦。已爲他族所劫持。我天主教人。於此危急存亡之際。宜作何觀念。取何態度歟。夫中日交涉解決之後。凡中國稍有國家思想者。莫不扼腕頓足。痛哭悲憤。雖然國事至此。徒效楚囚對泣無濟。我中國

教友。值此朝夕不保。大局岌岌之際。正是男兒鬪國。奮揚天主教正義之時。今日交涉已解決矣。鄙人愚意。爲教友者。一曰天主教人不許存失國心也。國奉教者之特長。卽無論遭遇如何之困難。祇要有一線之生機。便不許失望。於他事如此。於國事亦然。他人喪膽與否。我皆弗問。惟中國苟一日不亡。我天主教人。必盡我一日之教國職。同心協力。爲國家謀生存。現在我國利權。爲強鄰攫奪以去者。固屬甚多。然據條文所載者。大半屬於南滿東蒙山東福建數省。其中尤以南滿之利權。喪失爲巨。夫南滿利權之已經喪失者。至今已不可復回矣。然而尙有未喪失者在。尙有可以保存者在。尙有可以與他族競爭者在。我南滿教友。勿遽以交涉之失敗而灰心也。其他如山東。如福建。如東蒙之教友。亦宜深自策勵。努力圖強。冀得最後之優勝。况我全國二十三省。強鄰所據。僅數省耳。我全國教友。果能戮力同心。臥薪嘗膽。則失之東隅者。未嘗不可收之桑榆。鄰邦雖強。其能如我何。故我教友。於此危急之際。須時常爲國祈禱。懇求天主寵佑。勿以祈禱一事爲虛應故事。宜熱誠迫切以求之。因國之將來。皆在天主之手。

天主果欲寵惠吾國。使吾國轉危爲安。大易事也。昔法國教友。數十年內。爲國祈禱。熱切之情。人所共欽。修女之爲法國捐生命。修士之爲法國克苦終身者。時有所聞。夫曩之法國。不惟公教退步。卽國勢亦日趨衰敗。然法國教友。不爲失望。祈求天主誠懇愈恆。至今日轉弱爲強。疇能知教友祈禱之能力。何其大哉。二曰天主教人宜熱心傳教也。傳教救國之事。天主教人無不知之。惟此等事。非祇主教神父之責任。實亦中華教友之責任。當此時代。中國能多得一奉天主教者。則中國即多一救亡之份子。而國事亦賴以多得一分之補助。法國教友。近年於傳揚聖教之事。積極進行。不遺餘力。蓋彼輩常云。傳揚聖教。非只爲光榮天主。實亦爲拯救國家也。三曰天主教人宜奮力於公益事業也。凡關係國家強弱之事。當與者興之。當革者革之。設我力所能爲而不爲者。亦有放棄天責之罪。因吾人於國事。非浮浮泛泛之責任。乃負有重大不可諉卸之責任也。故見有壞人道德者。無論其爲何事。宜出死力以抵制之。見有維持社會者。無論其爲何事。宜竭全力以提倡之。使我四萬萬同胞。皆能如此。中國不興。未之有也。四曰天主教人

五月九日後之世界公論

宜妥備各人之身心。以便執行國民義務也。夫交涉至今日。雖云和平解決。然而核其交涉之條件。無一非將來戰爭之種子。得意者固謂此種條件爲保持東亞之太平。而吾則曰。此種條件實破壞東亞太平之導線也。吾儕爲教友者。既居國民一份子。且受天主特別之寵愛。則對於國家。宜有一宗犧牲之精神。獻身於國。靜俟國家之用。勿論性命財產精力心血。祇要時機一至。雖全然犧牲而不辭。吾爲此言。教友或有疑爲過者。吾今復以比國樞機主教言告之。比國樞機之公布有云。（爲愛國而死。雖與爲天主教命不同。然而其功勞則一也。吾主耶穌云。人之愛莫大於爲友捨生。愛國以空捨。乃上等愛人之舉。故能完全贖人之罪。因愛德與罪惡不能同居一心也。）此乃比國樞機主教以超性學與天主教人所講之道。願我中國教友銘刻於心也。嗚呼國事至此。凡有血氣之倫。莫不欲效忠國家。以期能轉危爲安。轉弱爲強。天主教固救國之教也。我天主教友。固以救國爲已任者也。然則可不努力奮發。勇往直前。作同胞之先導。以拯救祖國於淪亡乎。我教友歟。中日交涉解決以後。中國之危機。口迫一日。我天主教人。勿如

五月九日後之世界公論

昔之因循。勿如昔之玩愒。宜艱難克苦。以自勵。宜整躬率物。以勉人。多盡一分愛國之責任。斯多增一分信德之道。德。國之救與不救。視吾教友之愛國心。真與不真。國亡國存。惟我是繫。天主教人之責任。願不重且大哉。勉旃。勉旃。切勿自甘暴棄。作負國負教之罪人也。
(錄新聞報)

本社按。此爲天主教人之言也。亦可見人雖各教其教。斷不因教之別。而其愛國心。遂不與我同也。愛國。出自人之天良也。天良。固凡人類所同有者也。今日苟有一人。以私利故。爲彼邦護短。而甘自外。則請一讀此文。當覺愧死矣。



救國儲金

▲馬佐臣君之隱名投函

溯自中日交涉風雲

日急一般愛國志士奔走呼號羣謀補救方策咸謂救國莫如儲金預備國家急需惟乏急切的實辦法所以各觀望不前經馬佐臣君投函字林西報(函尾愛國華人一分子即馬君隱名也)創議救國儲金旅滬西人甚為贊美翌日時報首先譯登各報繼之今將原文錄下

▲挽救中國危局之實際辦法

昨有自著愛

國華人一分子投書字林報主倡挽救中國危局之實際辦法頗非空言無補者可比吾國人其急起而共同籌商之乎源文照譯如下

目下中國大局之危急人盡知之無煩余之贅述事勢至此皆由吾國人自己漠視國事所致吾人應自引咎不必怨恨他人欲奴隸我牛馬我也僅知憤怒他人而不盡吾之實力以圖補救使侵略我者得以乘虛而入寧不可笑乎吾親愛之同胞今宜急起直

救國儲金

追於口舌文字之外別謀所以表示愛國心之蘊茲將鄙見列下
幸省靈焉

(一)中華民國國民每人以其全部產業十分之一捐輸作為救濟吾國振興吾國之用

(二)此項捐款存儲中國銀行取有收據收據上書明倘至本年底所收全中國各地之捐款不到五千萬則所存之款准存款人自由收回並給以長年利息五厘假使已滿五千萬或已逾額則不得收回此款最後之用途由存款人開會以全體三分之二之同意議決之

(三)中國銀行收到上項捐款除發給收據外應將捐款人姓名及所捐數目於政府公報上發表

(四)此項捐款應名曰救國儲金其用途不得出三項(一)設立確有效能之兵工廠(二)練陸軍或築造海軍(三)振興內國工業以上三項之中倘相度時勢以興工業為宜即從事此舉將所收款項按數分給股票倘必須作更急切之用則吾人即以此款全額繳呈政府請頒給軍事證券並要求嚴密監督出款之權

國

恥

說明 全額至少之數所以必定爲五千元倘不到此數即許存款人收回者固不到五千元即無事可爲且見此計畫不得多數國民之贊同而此種大計非全國合力不能實行也然存款人則可以表明業已盡救國之責任若國竅竟至危亡非彼等之力所能挽回乃不願負擔此責任之人民之過也若吾人不行此種方法則與甘心亡國之人民無可分別泄泄查查又何以謝吾後世作亡國之子孫乎現已有人首先願捐五百元如續有響應者吾人即須與中國銀行商量辦法並刊布捐款人之姓名及捐款數目也 (愛國華人一分之啓上海三月二十七日)

時報登載後雖救國儲金尙是空說而未即行即有沈毓三唐季杰湘豫公棧國民一分子國民一分子李洪李亨鄧志崑同贊善堂同人殷學燁徐振章陳在儒長林信源洋貨殷錫珍盧少卿虞愷時新昌洋貨號同人及其備王棠生阿三乳媪等何玉李邵氏等皆最先竭力認款而各報館以示提倡而發鼓勵然認定之款尙須待指示何處交付也

四月一日馬君因驟於滬上人士對於此舉極端贊成遂與同志

預籌擬印發存儲志願票並擬商借籌辦處惟其人性甘隱遜不願居發起之名已致函本埠夙有名望諸公請爲主持茲覓得原函一封照對於後 甯紹輪船公司虞洽卿先生大鑒鄙人自將所議愛國儲金辦法送登字林西報(見三月二十九報)以後華文報紙亦相與譯出登載藉爲吹噓一時熱心同胞起而贊成者極多鄙人自思此項重任力薄難勝須得有才望兼優諸公列名發起方可收絕大之效果爲此除函請唐紹儀伍廷芳周金箴貝潤生沈敦和朱志堯鄺富灼諸君擔任發起外更擬屈煩閣下作一發起人以厚信用可否之處諒蒙即覆如欲詳詢底蘊鄙人甚願走告也但鄙人之名氏尙祈勿宣爲感(下略)其時間協和香烟公司鄔挺生君及其同事諸君已預備五千元存儲待用其餘急欲繳款親至報館詳詢辦法者甚多內有一人願與其友湊集二萬元作爲此項存儲云

未幾貸定二馬路太和里第九十一號房屋名爲救國儲金臨時通訊處於是儲金之籌辦機關始成立矣其開支一切均歸發起人擔任將來繳款之法不必由該處經遞須由繳款者親自與中

國銀行直接存儲又該處並不派人在外收接款項以杜流弊刻聞朱葆三君陸伯鴻君及協和香烟公司願備五萬元之邸挺生君亦已由某君備函請其列名發起矣

臨時通訊處之四月分臨時經費已由馬佐臣何積璠沈洪疇樂葆庭樂南庭賀雲章劉鴻生張中復陳鏡如諸君分認擔任所有辦事簡章亦已訂定臨時推舉馬佐臣爲處長五日下午虞洽卿錢達三代表朱葆三陳文鑑李徵五徐乾麟屠景山諸君到處談論良久聞亦贊同茲將該處所訂臨時辦事簡章錄下 (一)辦事人各係熱心義務(二)通訊處只收信件不收儲款亦不代爲存儲銀錢如有洋信送來無論本埠外埠一概退還(三)通訊員所繕各種文件不得踰越時申二報所譯挽救危局實際上之辦法宗旨(四)通訊處四月分經費由馬何沈樂賀劉張陳樂九人分任俟後再定(五)通訊處舉定臨時處長一人有管理各種應行之職務(六)餘俟續訂及修改(四號)午後三時英大馬路泰和里救國儲金臨時通訊處討論組織方法及進行手續先由發起者報告一切略謂自發起愛國儲金之舉救國諸君投函各報

救國儲金

紛至沓來足見人心未死猶可挽救今蒙諸君光臨必有意見發揮襄助此舉云云繼又有人提及種種進行方法並聲明通訊處只收信件不收款項等語討論良久僉謂宜速致函各地重要人物共襄此舉並邀請發願儲金最鉅者領袖表率以期持久末謂此間辦事諸人均盡義務房金伙食亦由發起者擔任並不另籌嗣以爲時已晚其餘一切俟本月七日下午三時開發起會時再行商議又聞昨日有一般熱心救國者持洋送至通訊處該處告以此間不收儲款須待銀行發表收儲自行送去遂一律退還

▲討論救國與愛國之名稱

午後五時宋漢章

虞洽卿錢達三王文典諸君陸續至通訊處籌議進行宋漢章君宣佈已得北京中國總銀行復電承認收存該項儲金惟總行以該儲金應名愛國儲金由在座諸君再三商酌以爲愛與救之義二而一者愛字中含有救字之意而救字似爲愛之極點國民之愛國誰人不宜誰時不宜惟此時非急起救國不可國何爲而救可見國事之危急也救國之手續以儲金爲第一要素乃由衆議決仍用數字使盡人觸目驚心現在銀行掣給該儲金之收條尙

未刊印俟刊印後隨即登報俾各儲金者可直接往儲又聞虞洽卿君之意見謂此項儲金應慎重出之蓋中國存亡在此一舉也

▲定名為中華救國儲金團總事務所

(七號)救國儲金臨時通訊處發起人集議進行方法於二馬路華慶園捕房疑是開會由虞洽卿君親與總巡說明遂入即座討論公推虞君為臨時主席虞君謂自馬君佐臣提議救國儲金以來凡屬國民無不踴躍贊成其宗旨應請馬君宣佈乃由馬君云宗旨早載各報不必重提惟救國儲金第一要旨是對內而非對外是實際而非空言若爭意氣爭功利思取巧思利己乃亡國之道亟宜斬除其根以救此危急中之中華民國云云嗣由虞君討論通訊處正式名稱公決命名為中華救國儲金團總事務所自四月八日起改定名稱並宣告銀行收條之文件繼即公推虞洽卿朱葆三黃少巖丁欽齋許雲貝潤生陳炳謙陳一齋李登輝陳潤夫王瑞芝屠景三鄒靜齋陸維鏞徐乾麟陳文鑑方樵荅王修五朱五樓蔣逸波蘇筠尙徐冠南馬佐臣何積璠陳鏡如樂葆庭樂南庭樂俊實沈鴻疇狄楚青包公毅張中復程趾祥朱鑑塘

鄭錦峯應季審錢達三諸君為臨時辦事員(隨時可增入無定額)由辦事員中推定三人為章程起草員續由眾議該儲金專為救國起見務宜於救國實際上用之在座諸君均極為贊成云

▲中華救國儲金團暫行簡章之表決

四月十四日午後三時中華救國儲金團開會討論章程到會者三十二人由副幹事貝潤生君報告第一次議決公推蘇筠尙君修正簡章今蘇君修正已畢請諸君討論如有意見即請發表其時討論甚多逐條表決計決定簡章共二十二條其辦事細則尚須另行起草散會時已鐘鳴六下矣簡章錄後中華救國儲金團暫行簡章 第一條本團以中華民國協力保衛國家為宗旨 第二條本團定名曰中華救國儲金團 第三條本團設總事務所於上海設分事務所於各省各縣及海內外各商埠 第四條本團分事務所成立時即報告總事務所 第五條本團分事務所須將儲金者姓氏住址數目按旬彙報總事務所 第六條本團儲金全國假定額銀圓五十萬元(上海假定十分之一餘由直隸江蘇浙江福建廣東廣西湖南湖北江西安徽河南山東山西

奉天吉林黑龍江四川雲南貴州陝西甘肅新疆二十二行省海外各埠華僑分任之)第七條本團儲金專備國家添設武備之用 第八條本團儲金指存各地中國銀行由儲金者就近直接交存領取存單但於未設中國銀行之處暫由商會收存按旬彙報繳最近之中國銀行 第九條本團與中國銀行訂定儲金利息長年四厘以存足六個月計算 第十條本團事務所概不代收儲金第十一條儲金如不足定額經總事務所議決後由中國銀行將所存之款照加利息如數發還 第十二條儲金皆由儲金者自願直接儲存不得以他種方法間接勸募以免流弊 第十三條儲金提用時由總事務所召集各事務所代表開會議決之 第十四條儲金用途議決後儲金者得持中國銀行存單換取證券其換給證券之機關及辦法另行規定公告之 第十五條總事務所設職員如左(一)正幹事一員(二)副幹事四員(三)駐所幹事四員(四)幹事無定額分兩種如左(甲)本埠各埠各業及各團體(乙)各省各埠(五)主任辦事員一員(六)雇員區分如左(甲)文牘書記(乙)校核(丙)收發(丁)會計(戊)

救國儲金

庶務 第十六條前條之幹事均盡義務惟主任辦事員以下為有給職 第十七條本團幹事由大會時公推之正副幹事由幹事公舉之 第十八條本團幹事除登報布告外始終不受政府獎勵但鉅數儲金者不在此限 第十九條各事務所經費由各事務所幹事暫時擔任捐集惟無論如何不向儲金項下開支 第二十條儲金人之姓名及數目除每日登報公布外彙由總事務所造冊備查 第二十一條分事務所之辦法均須按照本章程辦理以歸一律惟第十五條之職員得自定之 第二十二條本團之辦事細則另定之

附則 本章程修改時得以總事務所全體幹事會公決之

▲臨時幹事之公啓 書洪範五福冠以富六極殿

以弱富則盛而強弱則衰而亡此自然之勢必至之理也民國成立中外望治乃因歐戰牽及亞東禦侮圖存國民有責夫人人知愛國則人人思救國救國貴實行不貴空言張國權振民氣則儲金要己自上海發起中華救國儲金團雲合響應萬眾一心為從來所未有各省各縣以迄海內外皆相繼而起人心不死中國不

亡邇來中國銀行開收儲金日不暇給而以勞働人民尤居多數甚至瞽目丐者六十老翁亦且手奉五金倩人代納則達官貴人殷紳巨室學校諸子閨閣女士以及我商界各幫各業各團體海外華僑諸同胞有不投袂借來解囊恐後者乎若夫此項儲金存儲中國銀行信實可靠與國家同其休戚無倒閉之患且尚有四厘利息與平素存於銀行者相同與捐款性質迥然各別及其成數時指定軍事上撥用已另具暫行簡章茲不贅述同人等忝任臨時幹事德薄能鮮深懼弗勝積土壤而爲泰山合細流而歸河海是在海內外愛國諸同志相助爲理俾底於成當此危急存亡之秋一髮千鈞全在此舉我中華全國均係國民不分彼此不分省界不取權利不受獎勵如有罔利害私治名釣譽之意神人共殛世界不容敢矢誓言伏維公鑒各幫各業各團體人數既多儲金自易譬如一公司一工廠一公所會館一莊號店鋪多至千百人少亦十數人以我商業之發達各省各埠之繁盛人人知救國人人願儲金若能各儲薪水一月則鉅款可立致其無力者亦可由該執事許其預支一月薪水以作儲金嗣後逐月扣其十分

之一以十個月爲率海上各鋪戶已有實行此法者推而至於房屋租金與夫田穀收入之款核每歲十中一成作爲儲金統而計之必成巨數也由商而工人並推而至於馬夫車夫轎夫販夫等同胞同是國民豈無愛國思想雖所入無多然每日節其零星之費作爲儲金涓涓不息亦江河之助也現任文武官長內而各部各院外而各省各縣食公家之祿當救公家之急若由長官提倡僚吏無不服從或捐俸金或節餉需謀國家富強爲人氏模範諸公忠於民國必能贊成斯舉舊家貴族殷富大家或效力前朝或躬承先業既坐擁巨貲無不熱心國事當此時局艱難慷慨認納定有同情楚子文之毀家紓難漢卜式之輸財助邊今人何必讓古人哉學界同人最爲熱心當知立國必以財政爲先務諸君果立志救國或歸而謀之家庭或出而勸諸校友無論教師學生皆儲金團之主人翁也

近時女界文明盡知愛國閨閣淑媛學校女士或對於父母或對於翁姑夫子勸儲集款厥效尤宏大而節金珠衣飾之費細而集手工針黹之澁集腋可以成裘聚沙可以建塔今旅滬湖州宋第

上海官立女校已首先報告想繼此而起者殆不可數計矣 其他各界難以徧舉盡國民一分子之力儲救國五十萬之金挽貧弱致富強其在斯乎 抑更有陳者我國之弱由於無教育無實業無海軍無絕大兵工廠也如欲舉行非有大宗款項不可乃司農仰屋而嗟籌還外債日不暇給焉有餘力以講求諸事計預算每歲短少年急一年推源其故良由官不信民不信官或爭意氣或生猜忌擾攘權利家必自毀也而後人毀之國必自伐也而後人伐之殊不知國者家之積有國而後有家國危即家危現今國家之危已達極點若籌借外債有折扣之虧耗有金磅之虧耗虧耗日甚即我人民負擔日重今鄙人等發起救國儲金辦法在國民不失分文而國家實受莫大利益果何樂而不爲也夷考歐洲各國講求軍事製造機器事事自立不仰鼻息於人近觀此次戰爭各國籌餉募債每逾定額夫當此戰爭擾亂之時而其上一心踴躍輸款如此願我同胞慕之效之則國事其庶幾矣虞洽卿貝潤生陳炳謙馬佐臣狄楚青同啓

附演說辭之追紀

五月九日儲金團幹事大會鄒靜

救國儲金

齋虞洽卿諸君皆有演說茲特追紀其大旨如下 一身之最重要者莫如生命財產最親切者莫如父母妻孥財產所以仰事俯畜保養父母妻孥父母妻孥之對於生命財產亦然故無不竭力保衛之因與我身有密切之關係在焉若有侵害其生命強奪其財產暴欺其父母妻孥者孰不憤恨而起以圖禦侮以不共戴天視之而力求所以救之之道者蓋生命財產父母妻孥痛癢相關存亡相繫者也世之熙來攘往計盈論虧或喜或怒者不皆爲其生命財產計乎父母妻孥計乎並顧及子子孫孫於無盡者乎此固各國人之通例而吾國人其尤甚耳嗟乎諸君今強暴之徒不將入吾室乎吾所最寶貴最親愛之生命財產父母妻孥不將被其侵害強奪暴欺乎不又爲吾子子孫孫之大患乎諸君其隱痛忍辱甘心受之漠然置之乎抑毀家紓難急起直追力求所以挽救之道乎諸君乎今何日乎不即吾生命財產陷落之日乎父母妻孥被欺之日乎血誠愛國之儲金團開會圖救之日乎故儲金以救國不啻救吾生命財產救吾父母妻孥並救吾子子孫孫至於無盡乎夫強徒之所以如是待吾者一言以蔽之以吾無利器

國 恥

自衛也並訕笑吾平日不肯以金錢備利器自衛也故吾人致有今日之一日若今日而不再來自衛之道恐他日之今日或且甚今日則今日之儲金問題果尙可緩乎此項儲金即不能急救於今日豈不能圖自強於將來况儲金尙民氣今日之民氣尙存也儲金賴人心今日之人心未死也危急存亡在此一舉此儲金之用途所以必指定兵工廠者所以備利器自衛也所以我生命財產父母妻孥子子孫孫於無盡也願愛國諸君努力此舉則今日之民國國民猶爲不幸中之大幸語至此適鐘鳴六下其時即最後通牒限滿之時於是各持儲金函全場紀念券起立距離號呼吾國民千萬勿忘此今日今時之五月九號晚六句鐘云

▲儲金團聲明加賦說之電文

昨日儲金團

上政府電云北京政事堂轉呈大總統鈞鑒前奉元電過蒙獎許感慚靡已並稔和德等呈請提倡京內外官吏月薪儲金一事已蒙照准交內財兩部查照等因仰見大總統重視民意奮發圖強之至意盟手莊誦欽佩莫名惟是和德前電之末有即加田賦以與海軍一語在和德本意實因我國之弱由於無堅巨之艦隊如

儲金能達目的則兵工廠既成器械自精當此之時即使稍加田賦與辦海軍諒亦樂從命意所在無非希望吾國強盛起見故有此甚而言之辭不謂自此電發布後一般輿論以爲商民種種捐稅負擔已重再加田賦益難仔肩詰責之函日有數起不知儲金一事與加賦絕不相關和德電中既未有賦加之請求政府豈有因此電而發生加賦之事實况我大總統胞與爲懷於恤人民無微不至更何所用其疑懼用敢再電聲明以釋羣疑伏希明鑒儲金團虞和德等謹呈揭

附張寒對於救國儲金之感言

今閩巷之所

傳說報紙之所鼓吹莫不曰救國儲金矣救國危詞也儲金美事也就日內之所聞見官紳之富以至丐卒之窮數萬之鉅以逮一元之細未嘗不飽而稱之曰某某若干某某若干然總核其數則去所懸之額遠甚且亦限於北京上海廣州數處僅有此百萬數十萬之數外此豈可稱者豈中國人愛國熱心或有或無或多或少如是其不齊歟推其本則國家無銀行各省外縣各市鎮無銀行無金融之機關爲之縮轂而負其信託也本中之本則

教育未普而國家之觀念世界之知識有通有塞有大有小有深有淺也又其本則農工商實業隨常習故不知發展人口繁生計促而力不足以好行仁義也今國之待救甚矣五千萬之數亦至少矣然試問此五千萬元能尅日而集乎集矣將何以處之而後爲當乎此則不能無說

今夫我國固號稱四萬萬人民者以五千萬元之額均之則人不及一角三分耳而據所聞見則儲金者多至數萬少則一元是五千萬元之額固甚渺少似萬萬十萬萬而不得爲鉅願創此議者之定爲五千萬元則固深知我國國民家族習慣厚封殖之常性又深知政府社會上下信用之未底於孚故設是五千萬之數以爲之準而不敢大言一若是則猶可幾及焉耳而果能及與否雖創此議者固不敢必也

夫我所謂須有爲之縮殺而負其信托之機關創議者誠亦知之矣救國爲目前之急而國家及各省縣市鎮之銀行決非平地一旦所能成立必不得已而托諸中國銀行中國銀行之信用何若無意於儲金者必不計度其慷慨出儲金而付託之者似信之矣

救國儲金

使其中苟有十分之一或千百分之一而稍有所疑則此十分或千百分之一之影響於未有儲金者何若其影響於中國銀行信用者又何若不然則萬萬十萬萬可刻期而致也胡距五千萬之差猶甚也

信用云者不恃勢力其比例爲同等相受猶言甲乙云爾然苟非有維持之法表示之道則亦不足鞏固其信用今籌救國儲金之議者曰有事則爲國家之用無事則爲海陸軍及教育之備費有事無論矣卽云無事而海陸軍教育二者皆直接消費而分利者也以五千萬計言教育不足支全國應設之大學開辦經常等費言海軍不足造一頭等戰艦言陸軍不足當全國一歲費也孔子之告冉有蓋旣富而後言教其告子貢則足食而後足兵以教與兵權富與食先後緩急之序如此譬之樹然教育猶花海陸軍猶果也而其根本則在實業若鶩其花與果則燦爛甘美而忘其本不知花與果將何所附而何自生

然則此五千萬之救國儲金果幸而滿額也爲教育海陸軍之備費不如其爲實業之備費矣雖然實業亦必有中日交涉發生

國

恥

以後憤激而言抵制日貨者比比也國際之交涉商業之大勢茲姑勿論人之生也賴衣食住是故一縷一粟之所便匹夫匹婦之所同而一人之身百工之所爲備我仍其舊而不慕於外物也則不必言抵制我而自爲之不資於外物也亦不必言抵制爲其無所爲抵制也且抵制云者猶必我有可以相當之物我而無斯物也是所謂空言抵制空言之效揣我國人之心理可齊不可齊度我社會之事業可久不可久齊而久矣是祛風邪之病而不養其氣血氣血虛則營衛疎風邪終得而襲之豈計之得哉我之國不有土地乎有土地則曷不改良農業而蕃其生產我之人民不各有耳目手足乎各有其耳目手足則曷不奮興工作而給於商市顧所謂農工商者猶普通之言而非所謂的也無的則備多而力分無的則地廣而勢渙無的則趨不一無的則智不集猶非計也的何在在棉鐵而棉尤宜先

曷爲先棉鄙人比輯海關貿易冊知每歲進口棉貨之代價最多者盈銀一萬八千萬兩鐵之代價盈銀四千六百餘萬兩是以有棉鐵政策之計畫言于清政府清政府不能用而辛亥之事起今

且日增矣以我國人所需之棉織物論即有紡錠三百萬織機千萬架不爲多減之又減亦須於十年之內增百萬之錠而是百萬之紡錠即需資本五千萬圓今儲金所懸之額不過五千萬圓裁足舉此一事何暇言鐵故不並言鐵而先言棉

查東半球之紗錠據三年前之調查日本有一百七十餘萬印度有三百五十餘萬今尙汲汲謀進步而各有所增我全國合計中外人在吾境內者紗錠僅有八十萬錠比之日則二之一比之印則四之一而且不足吾當時之計畫曾將進口棉貨之價值一萬八千萬兩分析之爲紗布兩項則洋紗六十萬箱粗布斜文等一千五百萬疋也而欲挽回利權則必需加增紡機九十萬錠一千五百萬疋之布粗斜平均計需織機五萬架而仍須附設紡機七十五萬錠故紗機爲一百六十五萬錠也最小之的欲於十年之內由政府獎勵而提倡以成之不言抵制也我苟日伸一縷則人市於我者必日縮一縷伸而不已我自爲我奚必囂囂言抵制乎况紗出於棉棉產於地則棉地宜廣也棉種宜改良也邇者政府於擴充植棉有獎矣改良棉產有獎矣雖已提倡要貴實行實行

之藉且須社會別籌於五千萬之外

我之爲是言得毋疑我隘乎抑疑我有所蔽乎必欲廣之無論五千萬之儲軍事教育可一歲而盡卽以是五千萬營鐵工廠若漢冶萍者二猶不足而我第一至大之漏卮仍不能塞也故不如其隘也且以是五千萬或不足於五千萬者爲之引而應聲而起者容尙有相差不遠之數是不足五千萬者或可望其足苟及五千萬或將不止於五千萬至是乃可以分營他業也且吾料五千萬之棉織業與足抵五百萬兵之一戰而紡織業之人才且輩出焉不必海陸軍而收海陸軍最終之良效不言教育而厚教育發生之原力以是爲備備矣而不費

抑有言者常人必有餘而後及人其爲人之忠必不如其爲己所謂人者蓋統家庭戚友言之若其於國知其關連身家者千不得一知其關連而真實愛之者萬不得一此爲不能遽足五千萬元儲金額之原素設移一的以就之焉則今之知紡織之有利者夥矣獲預於救國之美名而又獲衆人皆知之厚利苟非至愚極蠢而力稍有餘者其必齟齬無疑至其建設之地施用之法又爲

救國儲金

之指導爲之計畫務使其有百利而無一害其觀念當有異於以海陸軍教育爲標幟者且凡紡織業投資之數皆成爲救國儲金之數而五千萬之額之說或不至於終虛此則以鄙人投身實業二十年來所得之閱歷爲籌救國之君子言之亦自明其非蔽也曷共圖之

▲附王鴻猷主張以儲金辦銀行 政事堂參

議上辦事王鴻猷氏昨上一說帖於總統對於救國儲金之用途有所建白原文略謂富國之遺先於足民今之言財政者徒以整理加稅爲救急之計然治標而不治本難免漁者竭澤之患治本之道在擴張全國人民生財之道以增其富厚之力焉歐西各國之賦其民倍蓰於我國而民不以爲苛者其人民之富力厚也其富力之所以厚者實業發達之故也我國實業之不發達極矣其所以然者固由人民營業之心理不發揚實亦由於國家勸導營業之機關不完備勸導營業機關之最要者則以勸業銀行爲首今者上海國民因中日交涉而發起救國儲金之舉不數日集資鉅萬誠亙古未有之盛事若能加以政府提倡以此巨款立一實

國

恥

業金融機關以謀振全全國實業爲富民裕國之基亦千載一時之機會云云又謂國民既有雪恥之念宜有遠大之圖若以此儲金開設勸業銀行專以勸農通商惠工爲性質其抵押借貸墊款籌資之章程宜詳細妥訂輕其利息廣其範圍使大小營業者易於從事營業者多則生財者日衆外貨之輸入日減吾民之富力日厚國家之稅入亦日增由富而強國恥自雪矣云云

本社按以上所錄大抵係救國儲金之如何發起如何成立其團內之內容何若其對衆之啓事何若暨最始時認款者爲誰至於自儲金事務所成立後銀行允收後之認款者如各省會館各業公所各項公益團體及各界之各個人若欲一一載之非盈若干巨冊不可幸各大報早將名單依次刊出矣本社極欲彰人之善只以書中地位有限不克詳載當邀諒焉

本社按儲金巨款最易使機警之人生心難免將來不有爲其用度之運動者願儲金團諸君如遇其事能爲之堅持而保大信於羣衆則深幸矣



朝鮮慘史借鑑

前車可鑑。毋蹈覆轍。人雖欲朝鮮我。究竟我終為朝鮮不為朝鮮。不在人而在我。我能頓然警悟。發憤為雄。圖我者安敢再行嘗試。自古來世界種種大事。莫不是人做成之。我志不可餒。蒼蒼者無私。豈有愛於彼而憎於此之別乎。此篇之採刊。在藉之警悟以發憤耳。我同胞其勉諸勉諸。

朝鮮亡國史畧(甲辰)

(梁任公原著)

(外交上之經過)

章臺柳。章臺柳。昔日依依今在否。縱使長條似舊時。也應攀折他人手。吾以中日戰爭前之朝鮮與中日戰爭後之朝鮮比較。吾更以中日戰爭後之朝鮮與日俄戰爭後之朝鮮比較。而不禁淚涔涔其盈睫世。今者朝鮮已矣。自今以往。世界上不復有朝鮮之歷史。惟有日本藩屬一部分之歷史。記曰。喪禮哀戚之至也。君子念始之者也。今以三千年之古國。一旦溘然長往。與彼親屬之關係者。於其飾終之故實。可以無記乎。嗚呼。以此思

朝鮮慘史借鑑

哀哀可知耳。

第一期 朝鮮為中日兩國之朝鮮

吾讀李文忠外交函牘。見其二十年前與朝鮮王之交涉。於其詞氣與其稱謂。穆然想見上國之位置之威信。嗚呼。此如淳陽江頭琵琶婦。向人絮絮。道其鉅頭銀篋血色羅裙。時代之聲價。吾今羞言之。且不復忍言之。吾今惟舉中國始失保護朝鮮之資格。託始焉。則光緒十一年中日所訂天津條約。其濫觴也。約文云。

嗣後朝鮮有事。中國當發兵前往。先咨照日本。日本派兵前往。亦先咨照中國。

此等語句。自國際法理論之。朝鮮既成為中日兩國共同保護之國。明甚也。甲午之役。遂以朝鮮之為藩屬為自主一問題。至兩國以干戈相見。今補述其戰前之交涉如下。

(中國公使汪第一次照會日本外部)我朝素宏字小之仁。斷難漠視藩服之難。

(日本外部陸奧第一次照覆)本大臣查貴國雖指朝鮮為藩

服。然朝鮮王從未自承爲屬於貴國。

(總理衙門第一次照覆日使小村)查我朝以朝鮮王申請救護。業已派兵前赴該國。此係按照撫綏藩屬之例。不容稍有延緩。

(日使小村第二次照會總署)本國歷來未認朝鮮爲貴國之藩屬。此次派兵前往。一係按照日朝兩國在濟物浦所訂之約。一係按照中日兩國在天津所訂之約。妥慎辦理。

(日本外部第二次照會中使汪)亂事既定。所有朝鮮內政。亟應代爲修整。兩國擬各簡命數大臣前往朝鮮。同心稽察各弊。其分應整頓俾朝鮮日起有功者。如國庫出納款項。如遴選大小官吏。如募練彈壓內亂陸兵等。皆是。

(中國公使汪第二次照覆)但其內治作何整頓之處。應任朝鮮王好自爲之。即我中國亦不願干預。至貴國既認朝鮮爲自主之國。豈能干預其內政。其意不辨自明。

(日本外部第三次照覆中使汪)查朝鮮王常蓄陰謀。致釀禍亂。大爲敵國之害。乃其自主之力。又屬太薄。不足以膺重任。

其關係於敵國者。不特通商一端而已。地之相去甚近。又有干涉遠方之處。敵國萬難坐視(中畧)且妨敵國之榮名。是以決計代爲設法。以保太平之局。

由此觀之。朝鮮對於中日兩國地位之變更。畧可觀耳。中國以不明國際法上對於屬國之權利。許朝鮮以與外國締結條約之權。授日本以口實。且使中日一役。日本大得列強之同情。所謂合九州鐵鑄一大錯也。天津條約。純使朝鮮立於中日公同保護之地位。開戰前之交涉。全以此問題爲爭點。及兩國公同干涉內政之議不諧。日本已悍然露獨占之勢。觀最後兩次之照會。其肺肝如見也。更述當時兩國宣戰之詔勅。

(中國宣戰書)朝鮮爲我大清藩屬二百餘年。歲修職貢。爲中外所共知。(中畧)乃倭人無故派兵。突入漢城。嗣又增兵萬餘。迫令朝鮮更改國政。種種要挾。難以理喻。我朝撫綏藩屬。其國內政事。向令自理。日本與朝鮮立約。係屬與國。更無以重兵欺壓強令革政之理。(下略)

(日本宣戰書)(前略)緬惟高麗爲獨立之邦。而與各國締結約

通商實由我日本勸導之也。然而清國恒稱高麗為藩邦。干涉其內政。(中略)茲按高麗獨立之地位。原係日本維持之力。各國條約所公認。清國非但謀損高麗之地位。兼且置條約於不顧。(下略)

此藩屬與獨立之一問題。以口舌不能解決。而至求解決於干戈。自開戰以後。而朝鮮與中國恩斷義絕矣。甲午七月二十六日。即開戰後未及一月。日本駐韓公使與朝鮮外部大臣締結所謂日韓協約者。

(第一款)本約之設。專為維持朝鮮之獨立。日朝之利益。清兵在鮮者。宜逐出境外。

是鮮朝與中國斷絕關係之始。然其第三款獨云。中日休兵後。此約作廢。則其地位猶未確立也。及馬關條約第一款云。

中國確認朝鮮為完全無缺獨立自主之國。凡前此貢獻等典禮。損害其獨立自主之實者。全廢之。

朝鮮王旋布告誓廟文。其第一條云。

割斷依附清國之思想。確建自主獨立之基礎。

朝鮮慘史借鑑

中日和約既定以後。中國遂派徐壽朋為駐紮朝鮮公使。純立於平等國之地位。而韓王亦進而皇帝矣。自茲以往。遂入於第二期。

第二期 朝鮮為日俄兩國之朝鮮

中日媾和以後。漢城咫尺之地。遂為日俄外交競爭之焦點。於是韓廷有俄日兩黨。日黨擁大院君以清君側而戕閔妃。(光緒念一年西歷十月八日)俄黨旋奪門挾韓皇及世子幽於俄使館。(念二年西歷二月十一日)念二年西歷五月十四日。駐韓日使小村與俄使威拔。遂為日俄協商之約。

(第二條)日俄兩國代表者。當隨時忠告韓皇。使以寬大待其臣民。

(第三條)日本以保護電線之故。得置二百名以內之憲兵於韓境。

(第四條)有事變之時。日本得在韓京置兵二中隊。在元山置一中隊。俄國亦得置衛兵。保護外交官。惟所置不得過日本之人數。

因此條約。日俄兩國在朝鮮之地位。恰如天津條約時代。(光緒十一年)中日兩國在朝鮮之地位。其後日本山縣有朋以賀加冕使俄。與俄外大臣魯巴諾甫。更申協約。

(第一條)日俄兩國政府以救濟朝鮮困難之目的。當勸告朝鮮政府省一切冗費。且保護其出入之平衡。若從事改革而須募外債。則兩國政府合意救助之。

(第二條)朝鮮若不為財政上及經濟上所困。得以本國人組織軍隊及警察而維持之。使至於不藉外援而能保國內之秩序。則兩國政府皆勿干涉之。

(第三條)日俄兩國皆得設電線於朝鮮。

自茲以往。俄人益運陰謀於韓廷。以聘用教習聘用顧問問題。幾舉全韓勢力。胥入俄手。(此等現象。且一年有奇。其實頗繁。今避冗不備徵)於是日俄幾決裂。卒以光緒念四年西歷四月念五日。日本外部與俄使羅善。為第二次之協商。

(第一條)日俄兩國政府。確認韓國之主權及其完全獨立。且相約於其內政不為直接干涉。

(第二條)若韓國將來有向日俄兩國求助之時。凡練兵。教官及財務顧問官之任命。苟非經日俄兩國政府先行互相商妥。不得以一國擅為處置。

自茲約後。俄國在朝鮮之勢力。稍被限制。而日本勢力。駸駸益盛。不數年。遂入於第三期矣。

第三期 朝鮮為日本之朝鮮

一 預備時代

日本處心積慮以謀朝鮮者。既數十年。其第一著。則謀離朝鮮於中國。其策源在天津條約。其收果在中日戰爭。其第二著。則謀併朝鮮於日本。其策源在日英同盟。其收果在日俄戰爭。吾觀於此。而歎日人外交之畧。至遠且大。至敏且驚也。日英同盟約文第一條云。

兩締約國互相承認。中國及朝鮮之獨立。當聲明於此兩國。全然不為侵略的趨向所制。然據兩締約國之特別利益。

(中略)在日本則以於中國既有之利益以外。又於朝鮮有政治上及商業工業上之特別利益。若此等利益被損害。不

而乃遷延復遷延。齟齬復齟齬。其後俄國卒欲以滿洲問題。蓋於日俄協商範圍之外。蓋俄人亦深察夫日之視韓尤重於滿也。願日人所以不得不始終斷斷爭之者。則以滿不保而強俄。甯睡於韓榻之側。坐是而韓亦遂非日所能有也。故其爭滿問題。凡以為韓問題也。觀其宣戰書。此意甚明。

(日本宣戰書)(前略)我帝國之以保全韓國為重也。非一日之故矣。此不徒因兩國累世之關係而已。韓國之存亡。實帝國安危所攸關也。然彼俄國者。雖嘗與清國有明約。且對於列國為累次之宣言。然猶占據滿洲。益鞏固其地步。終欲併吞之。若滿洲歸俄。則韓國之保全。無由支持。極東之平和。不可復望。(下畧)

此日俄開戰之真原因也。其所爭者在滿洲。而所以爭滿洲者。仍在朝鮮也。自日俄戰開。而朝鮮為日本保護國之地位遂定。日俄以陽歷二月八日始交綏。以十日互宣戰。十一日俄國駐韓公使巴布羅福。下旗出境。俄韓之國交。隨俄日之國交同時斷絕。其與中日戰役時。袁世凱之由韓撤歸。絕相類也。二十三

朝鮮慘史借鑑

日。日本駐韓公使林權助。與韓外部訂立所謂日韓議定書者。與中日戰役時之日韓協約。又絕相類也。譯其議定書之要點如下。

(第一條) 日韓兩帝國。因欲保持恒久不易之親交。確立東洋之平和。自後韓國政府。當確信日本政府。凡其關於政治之改革。有所忠告。皆聽從之。

(第三條) 日本政府於韓國之獨立及其領土保全。為確實之保障。

(第四條) 韓國若遇第三國之侵害。或遇內亂。日本政府。可執行臨機必要之措置。而韓政府對於日政府之行動。許以完全便宜行事之權。(日本政府因欲達此項之目的。凡軍界上必要之地點。皆得臨機收用。)

此議定書既發布。英國倫敦泰晤士報從而論之曰。(朝鮮以此條約之故。遂永為日本之附庸。今後朝鮮之在日本。其猶埃及之在我英也。其權能同。其効力同。其性質亦同。質而言之。則朝鮮之獨立形式上之獨立也。日本所謂忠告權。實蒙一薄紙

得不干涉之時。兩締約國爲自衛起見。得執行必要不可缺之處置。

自此同盟成立。日本乃益有後援。以揮手段於韓半島矣。其約文中聲明日本在朝鮮有政治中之特別利益。蓋朝鮮爲日本人之朝鮮。既已經英國之默許。所謂維持其獨立者。特表面上一空談耳。自去夏以來。遂因滿洲問題。釀成日俄之役。然其爭點。不徒在滿洲。而更在朝鮮也。（俄人所最重者在滿洲。日人所尤重者在朝鮮）當時日本政論家。有倡滿韓交換之議者。雖其目的不免局縮。未見探行。然日人之重視朝鮮。不惜犧牲他種利益以易之。可概見矣。今將日俄戰前交涉往復文書。摘其關於朝鮮者譯要如下。

（第一號日本外部致其駐俄公使）使俄國駐據韓國之方面。則韓國之獨立。必爲之頻被侵迫。即不然。亦必至使俄國在韓半島。占最優之勢矣。夫韓國原爲我國防禦線最緊要之前哨。故於其獨立。爲我國之康甯及安全計。實最爲必要者。且我國在韓國所有政治上及商工業上之利益。

與勢力。實卓絕於他國。而此利益與勢力。我國爲自己安固起見。斷不肯交付於他國。或分與於他國者也。（上略）

日本對韓略之方針。略具於是。其舉全韓以置於日本勢力範圍下之野心。直揭之不自諱也。於是日本政府提出協商家案。尙以滿韓交換爲一手段。今記其原文如下。

（第三號日本政府提出協商家案）（第一條）相約尊重清韓兩帝國之獨立及領土保全。（第二條）俄國當承認日本在韓國之優勢利益。日本則承認俄國在滿洲經營韓鐵道之特殊利益。（第三條）日本在韓國俄國在滿洲之商業的及工業的活動之發達。相約不爲阻礙。（第四條）日本之於韓國俄之於滿洲。遇爲自衛起見必要之時。可以派遣軍隊。（第五條）爲韓國改革或行善政。而與以助言及援助。（應於必要且得爲軍事上之援助）者。屬於日本之專權。俄國當承認之。

由此觀之。日本之視朝鮮。更重於其視滿洲也。章章然矣。使其時俄政府能慨諾此協商。則此次戰役。可以潛消於櫛組間也。

之命令權也。可謂知言。光緒十一年以來之朝鮮問題。至是遂揭曉。

開戰之初數月。日本政府全副精力。悉注於軍事上。於其干涉朝鮮內政。蓋未遑也。至近兩月。乃始入於實行時代。

(附言)著者之述本論原爲有感於近兩月來。日本在朝鮮之舉動欲詳記之以爲吾國龜鑑。但非詳叙前此之經歷。則無以見其處心積慮之漸。故不辭陳沓特補叙之。實則所注重者全在實行時代。

二 實行時代

日俄開戰後數月。日本之在朝鮮。除軍事外。未有特別之舉動。韓人坦然安之。而日本國中輿論。頗有以對韓政畧之遲緩。責備政府者。至最近兩月。而霹靂手段遂迭見。長森案。長森案亦名韓國荒蕪地開墾問題。蓋日人長森藤吉氏。以私人之資格。欲壟斷朝鮮全國荒蕪地。以從事開墾也。其契約之要點如下。

(一) 韓國內府所屬土地及官業民業土地未經開墾者。悉

歸長森氏集資本從事開墾。

(二) 長森氏開墾以上之土地而改良之。以後種種牧畜漁獵等有利事業。悉歸長森氏全權辦理。且有完全使用之權。

(三) 開辦五年。不納租稅。五年以後。若所經營事業既有利。則與現在已開闢之土地。納同率之稅於朝鮮政府。(但遇天災地變水旱之類。收穫不足。則其租稅或減或免。)

(四) 本約由所經營各部分經已完全成之後起算。凡五十年爲滿期。滿期之後。商議再續。

此等契約。吾無以評之。若欲強評者。則如漢武之語田蚡曰。君何不遂取武庫而已。而日本政府乃爲之代表。將全案提出於韓廷。而韓廷怵於其勢。亦殆將應之。實陽歷 月 日也。是爲日本實行日韓議定書所得權利之第一著。

韓人之激昂及其運動。此案既提出於韓廷。舉國譁然。於是朴箕陽李宗說等。首倡異議。聯合縉紳士夫抗疏爭之。以宗演

李乾夏首署。其疏畧曰。

(前畧)韓國地形。山多野少。環海三千里。山澤居三之二。凡此山澤。皆荒蕪地也。今乃一舉而割國土三分之二。予諸外人。天下可駭之事。孰有過此(中略)且以日本人言之。二十年來。號稱扶我國家之獨立。證我領土之保全。今茲憤強俄之侵畧。動全國之師團以爭之。其以信義自暴於東洋。非一日也。今以義始而以利終。名實相悖。情僞互眩。臣等以為此殆不過起於一二商民私利之見。在日本政府之老成謀國者。未必弁髦信義至於如是也。今若束手聽從。則割肉飼虎。肉有盡時。而虎無廢期。臣等誠不忍見祖宗之疆土日蹙。不忍與賣國之徒。同立於陛下之本朝也。云云。

其言慷慨激昂。聲淚俱下。韓廷亦大有所感悟。而諸人者。又非從抗疏而已。一面傳檄四方。激動全國公憤。一面倡立所謂農礦會社。以再相抵制。以宮內省大臣朴陽圭尙禮院卿金相煥中樞院副議長李道宰等為首領。號稱集資本一千萬元。分為二十萬股。每股五十元。其股東惟朝鮮人乃得充之。其經營事

業之第一著。即從事於荒蕪地之開墾。而全國荒地之先占權。皆歸該會社所獨有。韓人以是為抵禦外力之不二法門也。官紳倡之。政府贊之。雖然。以韓人之能力。與其資格。豈能組織此龐大之會社者。當其會社章程之發布也。日人譁然笑之曰。是滑稽的政策也。是俳優之舉動也。果也倡之月餘。所集資亦不能及千分之一。不旋踵而解散。

然自是以往。排日之運動大起。漢城西門外鐘路天洞一帶。日集會。處處演說。以培方學堂漢語學校。兩處生徒為中心點。於是有所謂保安會。獨立協會。與國協會。一心會等。所至號召會員。切齒裂眦。喘汗奔走。其他有散在全國之負探商者。出沒於平安咸鏡兩道。或切電線。或毀鐵道。或以日本軍情諜洩於俄國。而種種舉動。實韓廷有力諸大臣陰主之。在日本各報。則目之曰亂暴之徒也。陰險之輩也。以旁觀公平之眼論之。使韓人並此區區之敵愾心而無之也。則禽畜之不如也。雖然。此區區之敵愾心。其終必無救於亡韓。又稍達時局者所能預斷也。日人專制政治之發端。此長森案之交涉。韓廷一面拒絕。韓

之人民復一面運動反對日本則一面使其公使威逼要求一面使其駐紮軍隊實行軍事警察委其司令官原口氏以全權使處置韓境內回復秩序之事其手段如下

(一) 捕縛會黨首領 (保安會長元世性等三名又負樞商首領吉泳洙內官姜錫鎬先後被逮)

(二) 禁止集會自由 (以妨害治安名義一切新立之會皆被解散不許人在韓京聚集演說)

(三) 束縛出版自由 (韓人所發行之皇城新聞帝國新聞皆須呈日本警官檢閱後乃得發行)

以脆蒲弱柳之韓人當此嚴霜烈日之處置不轉瞬間而其指天畫地憨跳狂擲之氣象全歇滅矣嗚呼無能力以盾其後則客氣之不足恃也如此嗚呼

此案之結局自長森案提出以來韓國朝野上下皆激烈抵抗而日本輿論亦大不直其政府不直之者非謂其對韓手段失於嚴厲也一則長森氏之在本國本非知名士以此不足輕重之私人與以全韓土地之大權謂其政府之輕重失當也一

則以對韓政策大綱未立諸事會未一著手而以此區區者害韓人之感情謂其政府之先後失宜也於是政府幾度商議乃於實際上撤回長森案於名義上改爲無期限以延期而別提出所謂韓國內政改革案者以爲此權利之代償自茲以往而朝鮮乃真爲日本人之朝鮮矣

內政改革案陽歷八月十二日日本駐韓公使林權助謁見韓皇將改革案提出未幾遂畫諾今將原案全文譯出次乃略評之

(一) 韓國因欲整理財政特於度支部內設財政監督聘日本人目賀田種太郎氏充之

(二) 因整理財政之故日本許貸與款項於韓國其第一期貸款三百萬圓

(三) 略

(四) 將韓國舊有之典圖局廢去別爲白銅貨幣之處置以確立幣制

(五) 結日韓幣制同盟凡日本政府所鑄造之貨幣及鈔幣

在韓國一律通行。

(六)特設中央銀行。司理徵收租稅及其他公金各事務。

(七)略

(八)因向來外交事務。辦理失宜。故特設外部顧問。永由日本政府推薦。而現薦美國人田尼遜氏充之。

本政府推薦。而現薦美國人田尼遜氏充之。

(九)韓廷將所有一切外交事務。及保護海韓人之事務。皆託諸日本政府。俟此約實施後。即將前此派出駐劄各國之公使領事。盡行召還。

國之公使領事。盡行召還。

(十)韓國召還各國公使之時。各國派來駐韓公使。亦同時撤退。惟留外國領事。駐紮境內。

撤退。惟留外國領事。駐紮境內。

(十一)因欲整理財政之故。將韓國軍備縮小。以節糜費。前此全國二萬之兵額。當減為一千內外。除守備京城之外。各地方兵丁。一切撤退。

此全國二萬之兵額。當減為一千內外。除守備京城之外。各地方兵丁。一切撤退。

外。各地方兵丁。一切撤退。

(十二)結日韓兵器同盟。整理現在之軍器。

(十三)整肅宮禁。除君側之惡。禁巫女卜祝。凡一切雜輩。不許出入宮廷。

許出入宮廷。

(十四至二十三)略

(二十四)除現定度支外交兩顧問官外。不復置總顧問官。

前此所聘外國顧問皆黜免。

(二十五)略

右二十四條。則日本公使提出於韓廷改革案之內容也。其後經屢次協議。雖稍有修改。然大體皆經許諾。至二十二日。先行發布三條。則其一為原案第一條設財政顧問(原提議名為監督後經磋商改稱顧問云)之事。其二為原案第八條設外交顧問之事。其三乃另加特詳者。文曰。

韓國政府。若欲與外國人締結條約。及其他重要之外交案件。如對於外國人許與特權等事。一切皆須先經日本政府協議。

同日又別訂一約云。

前此各國公使謁見韓皇。例須經外部請於宮內省。待其指定時日。乃許召見。自今以往。因內政改革之故。韓皇之下問於日本公使者。與日使之忠告於韓皇者。皆當甚多。特廢此

同日又別訂一約云。

前此各國公使謁見韓皇。例須經外部請於宮內省。待其指定時日。乃許召見。自今以往。因內政改革之故。韓皇之下問於日本公使者。與日使之忠告於韓皇者。皆當甚多。特廢此

於日本公使者。與日使之忠告於韓皇者。皆當甚多。特廢此

於日本公使者。與日使之忠告於韓皇者。皆當甚多。特廢此

同日又別訂一約云。

前此各國公使謁見韓皇。例須經外部請於宮內省。待其指定時日。乃許召見。自今以往。因內政改革之故。韓皇之下問於日本公使者。與日使之忠告於韓皇者。皆當甚多。特廢此

於日本公使者。與日使之忠告於韓皇者。皆當甚多。特廢此

於日本公使者。與日使之忠告於韓皇者。皆當甚多。特廢此

例除捧呈國書仍循故事外。其餘不拘何時。得以任意入謁。合觀以上諸約。則韓之爲韓。從可知矣。國家行政機關最重要三事。曰財政權。曰軍政權。曰外交權。三者亡則國非其國也。今改革案之第一著。即以設財政監督爲綱領。厥後雖改稱顧問。猶朝四暮三之長技也。其充此顧問者。曰目賀田氏。其人曾任大藏省主稅局長者十數年。日本第一流財政家也。今遷此職。日本之輿論。皆爲得人慶也。其中央銀行。握全國貨幣之權。約中雖未明言辦理細章。然必在日本人支配之下。豈待論也。今以彼中道路所傳說。或謂將使(日本銀行)開支店以充之。或謂以韓京現有之(第一銀行)支店充之。(第一銀行者日本民立諸大銀行之一也。現有支店在韓京。此次戰事發行軍用鈔幣等皆經其手)雖或未必發。然即以韓國皇室之名義新創立。其支配權亦豈復韓人所能過問也。至其借款之約。或謂是即英國之所以待埃及。願吾猶以爲不類也。何則。埃及以借款而失財政權。朝鮮則既失財政權而後借款。然則日人今後之借款與韓。其猶前此之借款與臺灣行政廳也。(日人得臺

灣後極力經營。凡十年間皆由東京政府特別借款與臺灣政廳。蓋臺灣政廳頗有半獨立的性質。其豫算決算皆不與中央政府混也。至今年而臺灣不必資助矣。至如貨幣同盟。名則同盟。實則主屬。不俟論也。朝鮮今後之財政權。有如此者。吾儕驟觀在外交顧問之條約。見所聘者爲一美國人。吾滋惑焉。謂日人乃肯割其權利之一部分讓諸他國。咄咄怪事也。徐乃知田尼遜其人者。在華盛頓之日本公使館數十年。(約如科士達之在中國公使館。而關係之深切尤過之)美人其名。而日人其實也。願日本本國之外交家固自不乏。而必假美籍之田尼遜爲傀儡者。其深意殆別有所存。非吾人之所能測也。抑此外交顧問者。不過漢城耳。自今以往。朝鮮外交之主動。不復在漢城。而在東京之霞關也。(日本外務省所在地)故區區顧問。非其所最注意者也。夫寧不見公布協約之第三條。將締結條約之權。盡收攬於日本政府乎。而漢城所餘者更何有也。朝鮮與列國不復互派公使。而列國派駐朝鮮者。惟餘領事也。是國際法上保債國之地位則然。吾昔者斷斷自號曰。(朝鮮爲中

國

恥

國藩屬二百餘年)而悉聽其自與外國立約。今請觀他人之所以待其保護者果何若也。(此次之西藏一如前者朝鮮之覆轍矣噫)朝鮮今後之外交權。有如此者。普之初敗於法也。法人限其常備兵額。今者日本限制朝鮮之兵。由二萬而減至一千。使朝鮮永無死灰復燃之望也。雖然。即使朝人有兵二萬。其亦何能為。日本於此。未免過慮也。或曰。彼所重者固不在是。彼誠見夫糜費之無謂。以整理財政之目的。故省之。非有他念。吾蓋亦信之也。朝鮮今後之軍政權。有如此者。三權既去。然則朝鮮政府所餘者能幾乎。吾以為舍伴食外。真無有也。甚乃宮禁之事。君側之惡。而亦干預及也。嗚呼。三千年來箕子也血食。其遂已矣。夫。其遂已矣。夫。吾今乃知夫扶助云保全云者。其結果乃如是也。

兩月以來。日本輿論研究對韓政略者。更僕難數。就中柴四郎氏(進步黨一名士著佳人奇遇者也)新著一論。名曰(韓國之將來)。登諸本月太陽報中。綜羣說而偏評之。其所舉者得九說。

- 甲 韓皇半面論(主仍扶持朝鮮之獨立)
 - 乙 日韓大帝國合併論(如奧匈之雙立君主國云)
 - 丙 顧問政治(派一總顧問官其餘各署及各地地方皆派顧問)
 - 丁 保護國論
 - 戊 韓國永久中立論(使之如瑞士如比利時云)
 - 己 總督政治論(謂收之為郡縣如琉球臺灣故事)
 - 庚 放棄政治獲取實業論
 - 辛 韓皇讓位論
 - 壬 亡命客利用論
- 梁氏原著凡二萬餘言。臚舉此諸說者之論據。而疏通證明之。日本之輿論。略具於是矣。今避繁不復博引。要之日之視韓。從可知也。而現在所實行者。則丁說也。丁說者。亦實日本今後對韓政略之不二法門也。
- (本社按梁氏之著係述日人併朝鮮之手續。吾人鑑此足可警悟而不受其種種甘言之惑矣)

此後救亡之方略

◎肅政史救亡宜急之全文

都肅政史莊蘊寬肅政史夏壽康周登峰徐承錦夏寅官張超南江紹杰雲書方貞程崇信孟錫珪傅增湘麥秩嚴等以外患日深救亡宜急合詞上陳大總統茲將原呈全文錄左

爲外患日深。救亡宜急。謹合詞上陳。伏祈鈞鑒。竊自歐戰一開。均勢已破。國人咸知禍至之無日。繼而青島之戰局告終。日本之要素開始。當局堅持數月。卒以審慎圖維。出於最後之承諾。此原於前代積弱之遠因。蘊寬等亦不敢過爲高論。專歸咎於外交之失策。然觀條件之嚴酷。意義之廣漠。此後隸地。荆天。幾於不可爲國。想大總統宵旰憂勞。必早計慮及之矣。蘊寬等竊維國勢雖極。陸危。斷無束手熟視坐待滅亡之理。正惟人人知其將亡。而忍痛茹辛。上下一心。庶幾有挽回之望。蘊寬等熟察近事。默審國情。謹條舉數事。披瀝上陳。惟垂神采擇焉。一曰。減省軍費以充軍實也。

此後救亡之方略

我國陸軍號六十萬。歲費一萬五千餘萬元。占全國歲入三分之一。而臨事尙不敢一試。誠可痛心。查日本常備之兵。約五十萬。歲費不過八千餘萬元。僅及我國之半。相懸如此。寧無浮冒。急宜比較。大加裁減。又改革以來。臨時召募之冗濫。各省巡防之殘餘。皆不足言兵。宜分期汰盡。其各將軍等統兵大員。應痛加申誡。激發忠良。常存男兒戰死之烈心。勿作亡國富翁之夢想。如有缺額濫支。及驕桀不馴之事。尤應嚴加裁制。以肅軍紀。別飭部長將節餘之款。爲逐年擴充兵工廠。及一切儲備之用。軍實既充。士氣自壯矣。又腹地各省陸軍常二三萬人。大半騰集於省城。不知果何所用。或有以代巡防者。無論於民情不宜。卽爲國家計。亦有麒麟捕鼠之譏。若酌量抽減。以警備填之。所省亦當不少。一曰。嚴核淨冗。以裕財政也。財政艱窘。至今而極。借貸既窮。繼以搜括。去年鹽款之收入。皆鹽勸加價所得。其去前清原額尙遠也。公債之發行。皆官強派而致。更與人民樂輸無涉也。當事者。皆以此見好於上。而還自以爲功。凡此等欺飾情形。計必難逃洞鑒。今則公債又事分攤。鹽商重加報效。儲蓄票以三分之一之重息。僅得七百餘萬之用。本

此後救亡之方略

年無著之八千萬元。不知部中何以應之。夫支出之數。軍用爲首。行政次之。前者明令煌煌。飭中外嚴事裁省。乃外則軍署之用。以江蘇湖北廣東爲最鉅。巡按使公費。大抵視軍署減十之六七。而廣東獨糜費廿六萬。與將軍等。皆不聞痛自損抑。內則交通內務。最稱冗濫。乃與各部率空文塞責。徒知各私其利。而無絲毫體國之心。其餘冗局。上自公府。下及曹署。領空名而糜廩俸。不知凡幾。錙銖取之。泥沙用之。可爲歎息。謂宜重申嚴令。厲行核實。凡重迭之機關。不急之局所。冗散之員。司兼薪之差使。概予刪除。更請大總統自禁近之地。首行裁減。以示表率。蓋必經常之用。始有範圍。而後要政進行。乃可著手。不然日日憂貧。而在在浪費。困窮之極。其禍有不忍言者矣。一曰。整飭吏治。以恤民生也。夫今之民苦矣。一苦暴民之恣橫。再苦兵隊之騷擾。三苦盜賊之肆擾。而水旱之災。不與焉。當事者。徒見城市之熙燭。以爲秩序恢復久矣。不知窮鄉僻邑。流離轉徙。以求一夕之安。而尙不可得也。我大總統關心民瘼。申徹至於再三。然而蕪寬等。觀於本廳人民之陳訴。而與各處采訪所及。則仁聲每不下逮。而疾苦常不上聞。舉凡改徵。驗契。

禁烟。緝黨。諸事。幾無一不爲官吏詐財虐民之資。推原致此。蓋亦有因。巡按本專民事。而用人行政。多受持於將軍。於是腐舊之官僚。獷悍之營弁。皆出而長民。弊壞不可爬梳。而巡按轉不負其責。事權不專。此其一。自保舉考試之途開。每省分發恆數百人。塞塞仕塗。願者情乞。貧者賄求。加以巡按任用。率徇私情。親故冗闈。所在皆是。流品太雜。此其二。部令省令。急於星火。細如牛毛。刻期而集事。賢者奉行。以免過勞。劣者更假其名。以肆虐。法令太煩。此其三。自治議會。相繼取消。司法徵收。迭加委託。權專而責重。在才賢者。可以發舒展布。而藉以恣行威福者。乃十人而九。監察太疏。此其四。存此四弊。無怪法令視如具文。而困苦深於水火。竊恐隱忍。寢久。漸易動搖。甚非國家之福。我大總統欲靖民心。塞隱患。其必自吏治始矣。一曰。廣求人才。以應時變也。自古一代之人才。往往由一二人倡導於先。久之遂成風氣。而國家終收其用。我大總統久宏延攬。前在北洋。有人才淵藪之稱。登進之士。皆有績效於時。乃改革以來。而政府用人。轉有乏才之歎。毋亦時變日宏。而進用之範圍或隘。栽培之方法宜改歟。蕪寬等觀近年鑒於元二年。

之。用人多趨於舊。竊謂過矣。夫新學不足與謀。事誠有之。然其才地優秀。志趣正大者。似宜置之政地。俾歷練事實。為後來任用之地。大抵舊人富經驗。重保守。新人富思想。銳進取。然各有偏弊。各相輕詆。是在大總統調劑裁成之妙用耳。又一年以來。制禮樂。修書史。行考試。世人頗疑復古潮流之太盛。近者復科舉之謬說。方且騰播而未有已。不知今日乃救焚拯溺之時。非鼓吹休明之日。凡此舉動。不特國家風氣所繫。抑亦外人視聽所關。甚願審慎而出之也。至於使詐使貪。取一時之便利。召徒樹黨。懷無數之利權。尤足敗壞風氣。沮抑人才。惟睿謨必早澄照及之。無俟繚寬等之陳說也。以上四端。大抵就目前之弊。為補救之方。至於根本之圖。尤宜早計。撮其最要。約有二端。一曰普及教育。軍興以來。新舊之交爭。財政之束縛。學校幾於停廢矣。幸賴大總統毅力主持。讀本年元日之令。及新頒教育綱要所誥誡及籌畫者。至詳且盡。然分年籌備之事。如學童之調查。師範之預備。辦學人才之養成。皆非旦夕可幾。宜飭部嚴督進行。及早籌畫。乃有實行普及之日。不得舒緩。有誤程期。抑繚寬等尚有過慮者。國家政策既定。當一

此後救亡之方略

意推行。若筭財者。以減削經費。聽民自辦。為言。守舊者。以考試科目利祿誘進。為說。皆足摧殘教育之生機。淆惑人民之觀聽。願大總統之勿采也。夫普及教育。乃增進一班人民普通知識。予自立之技能。然後足與世界相競爭。與人才教育截然不同。若國家僅有少數之高深學問家。而一班人民蠢然如未開化。不特無以立國。其終必至亡種。此不可不急為警悟者也。一曰振興實業。中國言實業者數十年。而收效殊鮮。此無他。辦事者無專門之知識。學問。而政府除收稅外。漠不一視。其傾敗宜也。然從前專門學校所造者。不過高等普通之學。今宜派大學畢業者。留學歐美。注意實習。歸國後當就所學。分布各地。助理練習。勿閑置部中。或遽授重任。以驕惰其志氣。政府更視吾國內所需要各事業。極力提倡之。提倡之法。不在虛名而在實事。一補助資本。一減免稅厘。一推廣銷場。一謀便交通。並責成承管官吏。盡力維持成立。輔助進行之責。蓋必竭一二十年之全力。以保護栽培之。俾人民先收其效。而國家亦旋獲其利。不然。日日言塞漏卮。用國貨。而生計乃日絀。大利乃日溢。專門人才皆四散而無所用。於國家亦何補哉。總之

此後救亡之方略

時至今日。變深禍亟。本無奇謀秘策。可以拯起沉淪。然即整弊數端。急起直追。則救國之機。或在於是。今者。條約初定。國人經此奇辱。相與慷慨激昂。其志亦至可嘉。然古來報仇雪恥。要皆沈毅堅苦。戰兢惕厲。豈在叫號羣釐。予人以其罪。我大總統智勇深沈。擔負艱鉅。久為全國所共信。伏願新管轄為國民倡。國民更搏心壹力為政府助。勿一閃而即散。勿事過而輒忘。痛滴近年之積習。嚴策後日之進行。毋以根本之事為迂圖。毋以權宜之策為久計。去宿疾方可以樹新基。裕民生節所以培國力。救國救民。別無他冀。惟仰視大總統心力之所至而已。時危事迫。不敢擇言。不勝悚惶待命之至。謹呈

(五月二十七日新聞報)

◎吳劍豐條陳救國五事

交涉失敗後立言救國者踵相接。參政之建議。肅政史之封事。嚴譏王鴻猷之條陳。其著者也。茲復得內務部主事吳劍豐上總統之條陳。一件詞致頗痛切。動人原文云。竊念歐戰潮流。外難頻起。要求條件。欺侮絕倫。憑彼強權。迫我承認。最後通牒一事。實我中華民國至辱至恥之紀念也。國至今日。形勢雖存。精神已去。河山

風景。滿目淒然。苟有人心。誰不哀痛。所慮人民不察。過而即忘。割痛之血淚未乾。危巢之燕巢如故。繼續條件。即在目前。一息僅存。豈容再誤。一旦國亡。人民何所託命。政府豈能獨存。與言及此。無涕可揮。人民何辜。而遭此厄。咎在政府。無可諱言。當日本要求條件發生之時。政府嚴守秘密。人民無敢過問。然以為廟算可勝。王權可保。及其結果。不過隨時會議。覆承認而已。嗟乎。此豈人民之始念哉。從此政府之威信安足見。重於人民。故近日報紙昌言。歸怨政府。實為人民之公憤。雖當事者自有苦衷。然人民不以亡國為恥。專為政府原諒。亦非可寶貴之人民。所望乘此大恥奇辱之時。正人民熱狂勃發之候。如政府毅然決然宣布政見。上下一心。或猶冀一線之延救。命在垂危。若再徘徊審顧。敷衍因循。鋪張於文告。掩人民之耳目。一至鼎沸。山崩。吾恐政府雖任億兆人之怨。吾遺億萬世之唾罵。不足自贖也。蓋前事者。後事之師。煤山之樹。凄然在觀。胡不凜凜。雖然。此次政府之承認。夫豈甘心亡國。不過曰無餉無械無兵耳。鑒此之失。補救宜速。不揣愚陋。謬有獻陳。寧肯越分之誅。不為亡國之鬼。末識膚見。以為握要。提前不過五

端曰解釋已往警覺將來以蓄民氣一也曰厚裕餉源宣布用途以昭信用二也曰籌備器械精研製造以資應用三也曰整頓保衛團寓兵於農使民盡爲兵四也曰廣開官路登進賢能使民意上達國無棄才五也以此五者並進兼營開誠布公悉與人民相見以心一意對外在人民視政府之振作必能萬姓歡呼傾心衛國則內亂自此銷即外人亦不敢於蔑視以我衆多之人民廣漠之土地負此奇恥人心思奮民氣方張臥薪嘗膽一日千里師直爲壯尙何敵之足懼豐不學無術囂直陳言憂憤所迫罔知罪戾如蒙採擇雖死猶榮謹分條繕陳是否有當理合呈請大總統鑒核訓示施行謹呈

(六月九日申報)

本社按吳氏條陳中其一之蓄民氣其四之民盡爲兵皆民所樂爲之惟願政界自此毋暗忌人民可耳其二之厚裕餉源宜去浪費中飽諸弊其五之登進賢能則必須政界先退無恥無能之徒庶賢能者不難徵致否則遠之不暇誰甘以高潔之身

而踏入汙穢之場乎

◎肅政史之建言

此後救亡之方略

▲建言性質之分類 肅政史一官出世以來世間雖對之時有批評然局外之言終多隔閡近有某肅政史自評其同類分爲七種可謂得其真象其所謂七種者乃就肅政建言之性質而爲分類即第一曰敷陳大計第二曰毫無顧忌第三曰孤行己意第四曰吹求苛細第五曰不敢發議第六曰揣摩風氣第七曰因以爲利某肅政並云其所分之七類中如第一第二兩類尚不過虛懸一格今日肅政史中并無此二類之人第三之孤行己意一項亦不過一二惟第四以下爲最多耳某肅政之爲此言蓋隱然以第三類自況也論者謂某肅政亦未必能孤行己意者但其所批評殊中肯要未可以人廢言也有某君聞此七種類之說笑謂某肅政云君所分七類固甚詳盡然余以爲尙未免過於繁復不如祇分敢發議與不敢發議之兩類更爲簡切蓋今日肅政史之不建言者當然爲不敢發議一類而建言者則均可歸入敢發議一類某肅政爲之莞然

▲補救時局之說 此次交涉結局肅政應已以全體名義而有振刷內政以圖自強之建議近聞肅政史程崇信君更單銜呈

一說帖論交涉失敗之補救謂政府宜下罪己之令以激勵民氣並詳論練兵與學用人三事所言至為切直所論用人一節謂政府勿以左右能奉令承教為已足必須多得面折廷爭戴陳大計之士國事方有振興之望云云此呈上後聞總統當交府中各官閱看以備採擇

(六月十三日申報)

◎華僑之最近上書政府者

▲邵振青請重實行 邵振青近由日本上總統書一通其意在策勵政府實行原文略云申公曰為治不在多言願力行何如耳此其為言容有所偏然以之教中國今日之弊則為對症之良藥矣已往者勿具論交涉解決而後肅政史等紛紛上書雖嫌見事太遲究為愈於未見當此痛定思痛之日大總統常博采羣謀見諸行事如國會之召集教育普及之奮施地方自治之恢復實業之振興司法之獨立(答刑尤宜急廢)即應責成所管擬就具體方法限期實行庶幾日起有功成效可觀聞所謂懲治國賊等事竊意以為可省夫背國之人自為全國所共棄見怪不怪其怪自敗彼等既蟄居海外抑又何所能為且既為國法所

不及即欲懲治寧非虛語奚必示人以不廣為消極之設施所當注意者革民黨人之心理雖莫辨其公私然所發洩之言不外曰政治不良四字則不良而使之良弭亂之方莫善於此且革黨首領何曾敢挾彈以與政府抗衡其實行暴動冒斧鉞之誅而不辭者大抵皆無告之民退伍兵士或下等之失業工人耳然此輩即無革黨之指揮衣食所驅亦何往而不為亂則政府所宜重視者不在革黨首領而在飢寒無告之民而除去上之積極進行諸事以外此類餓殍亦別無救濟之策故今政府當認定積極目的進行毋漫言適合國情而違背世界大勢宜亟擬具體辦法勿徒為抽象文章不然下進一書上發一令有臥薪嘗膽之言無生聚教訓之實綜覽往史每當社稷淪胥之際而詔勅詞藻益見其工亦徒增後人之唏噓流涕而已振青夙抱杞人之憂竊自附於芻蕘之貢願大總統勿拘名分俯賜垂察幸甚幸甚

▲鄧瑞隆請略虛文 日昨有南洋華僑鄧瑞隆上書總統云竊聞各國元首如英皇德皇美國總統屢有巡視其海陸軍之行若我大總統不週遊各省則民間疾苦難以得知今中國既改為共

和之。國大總統宜採擇輿論。廣用新學之士。組織議院。凡有虛文典禮。不必過加注意。聞廣東將軍龍濟光亦深居簡出。外間情形。茫無所聞。并以呈明。統乞鑒察。

▲救國之唯一方法

(尙志)

今有人也。產業爲人攫取。自由被人剝奪。子孫受人壓制。手足爲人桎梏。順之則苟延殘喘。逆之則命懸反掌。族大丁多。不思自救。此何如痛苦乎。此何如恥辱乎。痛苦而含忍之。恥辱而紀念之。亦終于痛苦恥辱而已矣。無從去此痛苦雪此恥痛也。苟吾人而佻佻。倪倪。泄泄。沓沓。忍長此而終古也。余亦何說之辭。苟尙有絲毫自救之思。翻身之念。懲前毖後。自救方法不可不亟講求也。千慮之愚。一隙之明。敢洒淚和血爲吾全國同胞一傾吐之。

精神上救國之方法。(甲)喚醒全國之道德與愛國心。(乙)破除私見。破除情面。服從公理。擁護大局。(丙)屏絕虛文。注重實力。(丁)宜以實心實力補助政府。引導政府。而勿阿私苟合。以從其亂命。(戊)凡應行預備及改革之事實。分別結合團體。盡心研究。互相討論。(己)崇尚氣節。擁護正人。

此後救亡之方略

實質上救國之方法。(子)以先民及各國政治常識。自治能力。編爲專書。分頭演講。以養成民國國民資格。(丑)將歷來國恥。及失敗之由。補救之法。時時警告國人。(寅)普及軍事教育。(卯)爲無業游民。兩等生計。(辰)勸散各地青紅等黨。使歸正業。(己)獎勵製造。保護資本。(午)節糜費。無益之金錢。以興製造。以張軍備。(未)獎勵人才。保護人才。考求實際。勿取虛聲。

上所云。屬于抽象方法。見者或將以爲時流之口頭禪。而并惡其煩。不知各個抽象的方法。必先有一個實質的方法。以爲提綱。則百廢自舉。不佞渴欲舉辦之救國討論會。統籌全局。發揚民力。不得謂非當務之急也。以吾國之種種腐敗。相率安于數十年因循玩愒之惡習。頭痛醫頭。支支節節而爲之。識者皆知其無濟。自非大家努力。分頭進行。不爲功。現在一事未做。則怕事多。將來各事稍有頭緒。當知遺漏未及。而急不容緩者。尙千百倍於右所云云也。吾國人惟心力薄弱。故怕事。惟怕事故事愈廢。弊亦日出。而無窮。現在以外交失敗。將身受其毒。子孫蒙之。不知其他種種亦未嘗無毒。已身與子孫。亦斷難倖免。特舉世昏昏。習焉不察耳。茲

此後救亡之方略

姑就外交失敗之原因而推究其極。以爲吾說之證。

第一。外交家爲無能歟。爲私心歟。如爲無能。則吾國以前人才之培養不善也。吾人以前信仰依賴之非其人也。如有私心。則吾人以前何爲舉而擁戴之。所舉之人不勝其任。則所以舉此人者。其罪不已重乎。不知而舉之。所謂不能考求實際。而取虛聲者也。知而舉之。是不道。不愛國。而重私見。重情面也。歐美人安有此極低之程度乎。（吾國無論何事嘗有非某人不可之一念。橫梗于胸。獨不見美國威氏被選而盧塔見遣。威未嘗不勝任。盧塔亦未嘗有怨言。盧塔之黨亦無反對者。此其知人而有政治常識可師也。）

第二。須知內政不脩。軍備不足。民力不發達。受制于政府而不能實行其監督。未有外交不失敗者也。民生憔悴。實業凋敝。則餉無所出。軍火告匱矣。政府曰。吾兵強餉多。軍火充足。吾何嘗不能強硬。民力不發達。則政府愛送即送。秘密于前。欺騙于後。而吾民惟有忍泣吞聲耳。試問民意機關何爲消滅。非其能者皆同化于政府。其不能者遂被淘汰乎。省議會也。衆議院也。始則爲黨人所賣。

繼則爲政府所賣。其能不負代表吾民之責任者有幾人耶。使當時而猶知自好。摧殘不盡。則今日否認政府之擅專可也。而今何有也。

以上二因。猶直接易見者。吾民已無以自解。其他種種因果。更難縷舉。謂吾民已醒。已有愛國思想。吾何敢贊一詞。各國之強也。以人才自命。以遺大投艱自任。故用人少而舉事多。吾國則崇拜他人爲人才。而欲舉天下之事盡任于彼之一人。及其失敗。猶不自奮。曰。吾國無人才。天也。以日本之小而人才如此之多。吾國之大而竟無一人。天道若是其偏乎。其毋乃所界之寶藏太多。不能自用。而欲假手于人耶。豐其寶乃不得不蓄其才耶。吾以爲天之愚不至此。

▲孫武之改變民團條陳

孫將軍武。條陳總統略謂。現在可乘全國民氣發憤之時。爲整頓武備之計。整頓之法。不外徵兵。召募兩途。徵兵收效太緩。召募糜款過多。皆不合於用。宜就民團略爲改變。參以退伍之法。其辦法如左。一。民二十以上四十以下。爲團員。服務一年。二。民團

以連爲單位每連百二十人小縣八連大縣十連至二十連不等
 全國可得六百萬人 三每縣設團總一員以縣知事兼充設團
 副一員以紳董充皆不給薪縣設總教一員每連設副教一員每
 排設分教一員皆由中央派略給薪水款皆由縣自籌 四團員
 在一年期內每日操四點鐘第二年退職每年操三星期第三年

戈朋雲之救亡見解

研究救亡之方略者亦已多矣立言雖有出入其注重之目的大抵所見略同亦甚可欣慰也蓋注重之目的能大抵略同者俱以奮興我中華民國爲惟一天職而無私意參雜其間則求之合力進行當可近乎一致矣予之救亡見解錄之於左

提倡軍國民

尙武爲今日第一要著國事上救急治標之法捨此無有矣宜決然行之勿疑

整頓海陸軍及精備戰具

日人頗譏我軍謂軍官多數係學自其國粗知軍事之學生

宜亟亟自省究有如何缺點趕快設法以求進良戰具無論購自外人或自行製造務得今日世界最新最利之品

施行強迫教育

國家之進化與否人民之人格優美與否全看教育之施行如何期全國教

此後救亡之方略

操兩星期第四年操一星期 五每縣於適中之地設射擊廠一處以爲會操及實行射擊學習標準之所每歲習實行射擊三個月如有自願入團習射擊者聽惟須自出子彈費 六退團者給以執照不得於第二期滙入團內 七商團准其改編團長以商董充任團員由商號五丁抽一由團長別編冊籍

育眞眞普及。且神速而不滯緩。則非用強迫。不爲功。外侮迫人。猛風巨濤。不知旦夕。我之奮作。其容須臾緩乎。

挽回商利

中外通商。本應兩方受益。外人運貨來我國設店。售之與我。我亦可運貨往彼國設店。售之與彼。奈我商不此之爲。任彼店在我國收我貨販去。於是賣與買。二者皆操諸外人之手。無怪我之漏卮大矣。挽回之計。不外乎二。○一曰。維持國貨。僅口說維持。無效也。必期實行改良。不落舶來品後。方可大邀國內歡迎。品質果佳。如從西人所好之式之色而造之。且能設店他國。運幾分去銷也。○一曰。興辦實業。宜先籌有基本若干。始可招股。事成。謹慎爲之。勿浪用公司股本。供一已擺架子。任情揮霍。勿滿置近戚至友。借報私誼。迨營弊敗露之際。致難乎措置。尤要者。公司未成議之時。必先研究此項實業。有可爲之情形。並已得有才具能辦此項實業之人。然後方可上手。若顛顛預預上手。以他人股本爲孤注。或且藉以爲招搖。一旦失敗。實業界頗留影響。他日人有新發生之招股而應者鮮矣。此非遺害及人乎。實業辦而果善。不特其貨能廣銷中外。挽回商利。更能安置多多工人。俾貧而良之將成。餓餒者。貧而暴之將爲賊盜者。皆得其所矣。

培植德性

道德者。人之大本也。古今中外。皆認爲須臾不可離者。人甯可十日不吃飯。不可一

刻無道德。十日不吃飽。縱餓死矣。死仍人也。一刻無道德。縱其爲生人也。生而禽獸耳。是故道德爲天令人共同之所有而不容或無者也。第道德不可錯講。講而不誤。得以強國。講之而誤。則其害不淺矣。若前清割地與外人。而曰大度包容。此大度包容之讓德。苟讓之不止。徒以亡國耳。又人民爲外人斃命不與力爭。而曰涵養功深。此種涵養功深之寬德。苟寬之不止。徒以滅種耳。古聖之道德。不曰以德報怨。而曰以直報怨。又曰。有文事者必有武備。孔子在夾谷之強毅態度。誅少正卯之爽辣手段。此可見孔聖之道德也。如我能取其真正標準而實行之。自足以強我國也。近時自命孔徒者之庸懦不振之可憐氣象。如起孔子於泉下使見之。必加唾罵而爲痛哭矣。道德之範圍廣大無涯。大而如孝友。大忠大義。愛國心。博愛及於世界萬物。皆不外焉。卽小而如一語一動。亦莫能越之。家庭教育。爲爲父母者授於兒童之根基道德。關乎其一生品性者。學校教育之修身一課。亦係指導道德者。惜如留聲機之教習輩。教之罕見其效耳。社會教育。其間處處有相循相守之道德在。人乏此。只能獨處僻地。不合出入於大庭廣衆間也。或以今日既重軍國民。則道德稍置於後。無妨。此實大謬。試問軍國民之無其道德根基者。可成爲世界之優美軍民國乎。

恢復地方自治及縣省國會

此次日人之敢無理要求於我。雖係乘列強無暇東顧

之機。然亦因見我國會等已早解散。今日後盾之民氣。一時間非能爲力。此亦爲其可乘之一機也。不聞日人語曰。中國民氣今已無統共之機關。有何民氣之可言。類此者頗多。亦可見其意矣。反觀日本號謂帝國。其民間對支聯合會。黑龍會。皆協助其政府以圖我者。如何轟轟烈烈。彼此相與較比。將謂如何我之急宜恢復種種真正民意機關。固不待言矣。

整頓官方

福民福國。乃爲官者之職分。今日能此者有幾人。簡官之道。或曰須取其人才。此固甚當。所謂人才者。當以其有能做此官之本領。方令做此官。則此人方是做此官之人才也。若僅能貢獻媚效私忠。豈得謂人才乎。或曰須取其有經驗者。此亦甚當。所謂經驗者。當以其曾多善政。宿著清譽。人民本有還我使君之望。上官以其熟手放之去。以此論經驗。誰謂不宜。若其人僅老於營私舞弊。又老於幹旋彌縫。具此經驗。可容之爲官乎。嗚呼。吾聞今日官界之怪象多矣。述之。亦不勝所述。惟國家危急至此。不思有以圖效。而猶以嫖八大衙。打萬金一底大麻雀爲樂。不知其天良究如何也。內務部吳劍豐條陳中。有登進賢能一語。固出自其至忱。但官方不加整頓。賢能將遠避不暇。甘以多載高潔自愛之身。而一旦投入汗流乎。

顧恤民艱

物力艱難。南市亦強半蕭條。此際而大事加稅。無怪怨聲四起。殊非當也。行政經費。

雖屬支絀。奈何食巨俸而無甚事事之職。尚多。而八大衙等處。揮霍甚豪。其資究係何來。苦於重稅者。不免有煩言矣。節省京垣一夕之浪費。不知能蘇全國人民之多少困難。獲全國人民之多少感惠。若一味需索。則民財有限。必有大家都到水盡山窮之一日。人民非吝於輸財者。第以目前生利萬難。始呼籲耳。是故即使加稅。亦當遲日行之。譬諸欲採樹果。須先培養其樹。待之抽新條。待之透葉。待之發花。待之結果。尚待其果之已熟。方得採之。如是。則年年久久可採。且亦採之不盡。於樹既無損。於採之者。亦有其道耳。若不待其樹發花結果。急欲所得。並不遑計其所得是何物。見樹抽條透葉。而即採之。則樹將死矣。此其可乎。○貧民習藝一事。爲官商等所當注意。爲之擴充。今商界欲解自困。尚非易易。何能及此。有心人爲之嗚咽矣。

革除新舊兩派之偏見

舊派與新派。每不相容。彼此相詆。實則彼此各有其太過處。舊派果能守舊。則古人亦有古人種種之美德。是舊派義當守者也。能乎。不能也。其行事也。以老賣老。示專制可憎之態。持卑陋一隅之見。顛預自得。既不預備爲世界潮流之抵禦。更忌人與列強爲進化上之競爭。致我國事事落人後。此實舊派之咎也。新派每有視己國事。無事不短。視人國事。無事不長。恨不得將國內原有之習俗。不問良否。以一掃掃淨之。此亦烏乎可。事之不良者。固當改。改良也者。因其初不良。改之

此後救亡之方略

使良也。若原來是良者。又何必改。不特不必改。且當保存之。以留我數千年來歷史相傳之遺光。并可示外人以中國人亦有其中國人之特優點。豈不善哉。西人聞中國倡拆天壇力詆之。見中國名畫古瓷紛紛販出海外勸止之。蓋爲我原有之壯觀偉建與精工美術惜也。而新派每有反不惜此。更反以外人之爲我惜爲怪。怪矣。尤可駭者。竟有人竊議我儒教不合於時。當廢棄而以他國之教代之。我中文不合於世。當廢棄而以世界語代之。乃荒謬絕倫矣。尋常之輩。雖不至此。而其起居。必以食西餐。居西屋。卽家具亦必以悉係真正來自西國者。方爲榮。否則卽爲恥。此皆新派種種之病也。上所述者。但就兩派之偏見而論。其不執偏見者。固不在此列。予意舊派苟真實能守舊。則令之管理財政必能守之。雖至海枯石爛而所存之原數。仍纖毫不動。一如其舊。決不致乘隙作弊。類乎監守自盜等情。恐欲覓如是之舊派不易得也。新派苟其志真在爲國振新。則令之辦理外交。必能力圖挽回已損之國權。決不致僅善與外人爲空虛之周旋。而於杯酒間不知不覺。又使國權有傷損。恐欲覓如是之新派不易得也。願新舊皆能鑒此自勉。

鼓勵人人自立

自立卽是自强。若強而猶欲依賴。亦何強之有。余嘗謂。吾願吾五萬萬人一個。是一個。時人皆說合羣。余偏分而說一個。是一個。何故也。蓋余願國內之人。必一人有其一人之強力。

然後再爲合羣。則此團體之力何似。可使國家之強何似。必與尋常談合羣之功效不同。可想而見矣。○貧民者。有其人失業。而苦謀不得者。此可諒也。除此。有幼時習慣依賴。未習工業而貧者。有曾習工業。頗具精力。以懶於動作而貧者。故急須鼓勵人人自立。必令人人。卽兒童。亦知不能自立爲恥。能自立爲榮。則及早可預備其所以自立之道。人人能自立。國無分利之人。國亦漸富。富且益強。英女皇維多利亞嘗謂。吾幸吾國內無一惰夫。言時頗形得色。信哉。國無游民。乃國家之雄健鞏固之好氣象也。○國家亦當尙自立。初有人曰。何不與某國某國聯盟。余甚非之。凡事有其利。亦或有其弊。聯盟有時弊在牽連。若歐洲互相聯盟之結果。兆此從古未有之巨禍。亦足以警矣。中國而不強。則人恥與聯盟。中國而強。更何甘求人聯盟。我中國但須振作。實可在東半球巍然獨立。正與美國之自樂其獨立於西半球無異也。

崇尙氣節風骨

氣節風骨亦德性中所有者。人而無此。則志趣卑陋。大有有乳便是娘之概。

人而有此。雖至至難至苦之境。亦不變其操守。白刃加其頸。亦不能迫使移忠忠敵。是故余以氣節風骨譬之爲中華民國之國魂。人之氣節風骨長在。卽國之魂長在。寧慮有誰敢竊易我五色旗上之色哉。氣節乎。風骨乎。爾其善自珍重。爾卽國之無上寶貴物也。國將自此憑汝以生存矣。

激起懦夫之膽

背城借一。卒至戰勝。不怕死。或反不死。怕死苟安。終難倖免。不聞女兒中尙

有木蘭。豈鬚眉甘不如巾幗乎。母雞護雛。愛其種也。兔死狐悲。感其類相似也。困獸猶鬪。救其自厄也。物之爲情。猶如此。人而可以把自己種。自類。自身之痛苦。付諸不覺哉。要之。愈求省事。愈多事。多事。卽是省事。反響之招至也。人之能活。憑一口氣。而人既具有生氣。便當爭此一口氣。此一口氣如何爭之。曰。見難偏爲奮。遇懼變爲憤。此八字。可作起懦之神劑矣。

打破病世之說

天數或劫運難逃。無天數也。無劫運難逃也。天命無私。我之屈辱。病在我不

自振也。而曰天數或劫運難逃。是誣天也。誣天可耶。○犯不著。或不上算。此皆取巧之徒之常語也。人須帶幾分獸氣。方能做得忠臣義士。取巧之輩。目前頗以犯不著。不上算爲得計。其後代兒女。將來一任敵人殺戮。奸淫以爲玩笑。其墳墓亦供敵人踏平。至此想必是犯得著。必是上算矣。○強權勝公理。或世界只有強權而無公理。此說乃新說中之謬者。強權取勝。只一時。而受屈者不甘服。總欲報復。此亦由乎公理之被壓。而在人心中激昂之作用也。不甚明知識之幼兒。不知公字爲何解。試以不公待之。而亦能憤而哭。彼說不出所受係不公。但覺痛苦刺於心耳。可見人心之不容有不公在者。係天賦之極自然者。而有時人亦不自知。其所以然而然也。世界之紛擾不已。凶禍頻仍者。皆以此公理不甘屈服之故耳。歐戰終局。仲裁能得其公。方可永久安甯。若亦似所謂強權勝公理也者。屈一方面受不公。則此項仲裁。只是

一時弭禍。而禍終難保。不再生。期永久弭禍。必使公理得其真公理。蓋弭禍之保證。非人能為之。而須以公理去保證之也。

三、強法、兩做字、

強國。強種。強心。三強法也。強國。予已前後頗有所述。可勿再言。強種。觀於近

時人。軀遠不如舊時人。軀之魁梧精幹。大有一代小弱一代之象。有心人。實深憂之。此事須急注意於兒之胎前胎中。及產後之調度。在嬰孩時。研究保姆之道。使之受益稍長。顧其衛生。進以適當之營養。授以適當之體育。已長。則以戒早婚為第一要事。早婚之害。豈僅人種不強。而逐漸增弱。恐再如千年後。產生之兒。早夭者多。至是將為人種危矣。故強種之計。今日不容忽之。強心。強國。先在強心。人心不振。則國亦何由而強。當在兒童時。即教之。使知落人後為恥。使勿見難而退。使抱有青出於藍之意。類此種種。悉宜導之。進於自強之一端。迨成人。庶可作事不庸懦矣。○做人做事。此兩做字。無上重要也。人須做。方能居之為人。事須做。方能成之為事。總之。做實做也。因近人好虛張聲勢。好幻演空文。吾慨痛之。故吾再再曰。做人做事。再再曰。做做。似和尚念彌陀佛之不厭其煩。蓋吾以做字為因。成字為果。欲摘其果。非先培其因。不可也。

掃滅致弱之巨魔、

貪。為惡德之一。不顧廉恥。只在飽慾壑。雖賣同類賣國。亦甘冒不韙而為

此後救亡之方略

之。○忌爲惡德之一。忌人者。雖成一些小事。亦無才幹。獨有忌人之本領。絕大。見他人做一事。無論其做得如何公道。犧牲多少心血資財。且於大局如何有益。必以傾軋之爲快。致每有灰心作事者。曰。事不易做。做而不善。受人之罵而已。做之而善。則忌者突起。恨之較恨敵人尤甚。功違足論。禍且可慮也。嗚呼。急公尙義輩。每受忌之者之感觸。而不得不心灰。忌之爲物。無乃太毒乎。○因循敷衍。遷就。通融。四者。舊時代所遺下之癆瘵種子也。須力事療治。防染。否則行將不救。○嗜好之種種。有累於人生者。宜悉除之。勉人具世紀之識見。爭本世紀當競爭之競爭。

今日非關門時代。卽我不出

遊歐美。歐美人固登我門。我須備有良美世界識見。方可與之周旋。若持僻陋之見地。以語人。不獨貽笑外邦。且彼將以我一人。以測全國之人。因我一言一動之失當。轉致彼懷輕我。全國人之意。外侮之自來。多半以國人先被其輕視。非先有此。彼亦何敢草率相侮。與外人往還。不可不加講求。否則彼卽弗輕視我。而我誤墮國體。亦可自恥也。○凡各國有學藝製造種種所新發明。當亟亟研究。疾起直追。以探其精奧。卽其最近籌畫之富強等策。亦當得其要旨。必時時刻刻。以防不能與列強齊驅。並駕爲慮。則我國可有進步矣。

改良此後之團體

吾人曩日之團體。但言義務。而不及權利。近來立團體。其章程中先列

有權利一節。以爲招徠之計。而人之入其會者。亦先問有何權利。蓋係其所以來之目的也。屬營業性質之團體。誠應如此。而急公尚義之團體。每有是項者。殊非其道也。舉會長。在舉其人公正。能辦得此事。勿因其人有虛名。有權勢。欲有所憑依而舉之。懇人列名於贊成之中。須先以草章送。觀必俟其允。方可刊其名。不得擅刊。每有人以只須其團體有名譽贊成多人。並有知名人承認爲會長。便已有信用於社會。雖吃飯而不做事。亦無妨。亦未可也。有開會任意草率講之。並不預備。而來賓亦未早多邀。意謂何必十分認真。算得已開過了一會可耳。此未可也。演說者懷有偏私。且令他演說者相助。又暗令黨件雜入來賓中。聞其一說。卽先聲鼓掌。誘起他人掌聲附和。以亂是非。未可也。團體辦而尙未見實效。欲請地方公款補助未可也。事務所有賭博等情。導淫小說。隨地吐痰。呼吸香煙。未可也。爲人選舉運動。暗得金錢。壇上所言。一字之褒。一字之貶。悉有密故在此。未可也。實業團體發起者無資。期在邀倖。或直欲藉此招搖。類乎騙局。未可也。勸羣衆出款。指定爲何項公益。後徇私情。欲應他用。或暫假。未可也。

警悟國人注意彼族

國恥之事。必設法使人人盡解。並使時時不忘。或用物上使處處能

見此等之紀念。○日人在我國種種爲事。研究其有否特別用意。其游歷內地。更應細察在旅店有探聽地方情事否。在要隘有竊繪地圖否。凡有可稍疑者。皆當以全神注之。

以上各端舉要而已。不盡者多多。亦可類推。不及罄述之。除以上各端外。尚有概括之兩語。為今日求強者非守此惟一之良箴而做去。總難做到我中華民國強也。箴語列後。

- ▲開。誠。布。公。與。民。更。始。 此貢政府之良箴
- ▲挖。去。私。心。實。事。求。是。 此貢人民之良箴



堂堂堂堂好男子。最好沙場死。艾炙眉頭瓜噴鼻。誰實能逃死。死只一回毋浪死。死死死。阿娘牽裾密縫綫。語我毋戀戀。妻來獻爵當生奠。（原句我妻擁髻代盤餐）灑行手指面。敗歸何顏再相見。戰戰戰。

戟門乍開雷鼓響。殺賊神先王。前敵鳴笳呼斬將。擒王手更癢。千人萬人吾直往。向向向。探穴直探虎穴先。何物是險艱。攻城直攻金城堅。誰能漫俄延。馬磨馬耳人磨肩。前前前。彈丸激雨刀旋風。血濺征衣紅。敵軍昨屯千羆熊。今日空營空。漢旌耀天天歡容。（原句萬旗一色盤黃龍）縱縱縱。

層臺高築受降城。諸將咸膝行。降奴脫劍鞠躬迎。單于頸繫纓。四圍鼓吹饒歌聲。橫橫橫。禿髮萬頭纏黑索。多少戎奴縛。緋紅十字張油幕。處處夷傷。藥軍令如山禁殘。莫莫莫。不喜封侯虎頭相。鑄作功臣像。不善燕然碑百丈。表示某家將。所喜軍威莫敵抗。抗抗抗。

旋軍歌

金甌既缺完復完。全收掌管權。臙脂失色還復還。一掃勢力圈。海又東環天右旋。旋旋旋。輦金如山銅作池。債臺高巍巍。青蚨子母今來歸。償我民膏脂。民膏民脂天鑒茲。師師師。璽書謝罪載書更。城下盟重訂。今日之羊我爲政。一切權平等。白馬拜天天作證。定定定。

恥

國

國

恥

鷺翼橫。鸞鷹眼惡。變作旄頭落。蓋海濛。曠礮聲作。和我凱旋樂。更誰敢背和親約。約約約。
 秦肥越瘠同一鄉。併作長城長。五族九流同一堂（原句島夷索虜同一堂）併作強軍強。全球看我黃種
 黃。張張張。

五洲大同一統大。於今時未可。黑鬼紅番遭白墮。白也憂黃禍。黃禍者誰亞洲我我我。
 黑山綠林赤眉赤。亂民不算賊。鑄羌破胡復滅狄。雖勇亦小敵。當敵要當諸大國。國國國。
 諸王諸帝會塗山。我執牛耳先。何州何地爭觸鬢。看余馬首旋。萬邦和戰奉我權。權權權。

前清維新家黃公度嘗作軍歌讀而氣魄爲之一壯。直是強國之音也。蓋覓得其原稿。稿前有梁任公引略謂昔斯巴達人被圍乞援於雅典。雅典人以一眇目跛足之學校教師應之。斯巴達人惑焉。及臨陣此教師爲作軍歌。斯巴達人誦之。勇氣百倍。遂以獲勝。甚矣聲音之道感人深矣。黃公度軍歌二十四首。凡出軍軍中旋軍各八章。其章末一字義取相屬。以鼓勇同行。敢戰必勝。死戰向前。縱橫莫抗。旋師定約。張我國權。二十四字。殿焉其精神之雄壯活潑沈渾深遠。不必論。卽文藻亦二千年來所未有也。云云。因特錄之。以廣傳誦。惟詩中數語於時不適。不得已爲之酌易。而仍以原句註其下。至其間用有蠻夷等字。與持已國過尊之語。亦不過作者沿襲舊文。與喚起羣衆自奮已耳。此則讀者不可不知之。本社附識。

從軍決絕辭

惜誓

父詔子

父衰不勝甲吞聲復何言願兒雪國恥兵家忠孝門

母諭子

國仇尙未滅兒行勿牽衣努力壯士名報答三春暉

子答父母

生男貴從軍親老不敢負封狼居胥還歸奉父母壽

婦語夫

男兒何家爲匈奴未曾滅願誦國殤篇送君壯行色刺繡易寶刀爛若朝陽色奉君赴戰場如妾親殺賊

夫答婦

男兒從軍樂無書附雁歸邊庭重壯士不用寄寒衣此形擬不還願汝加餐食高堂有舅姑莫化山頭石

兒告父

阿爺作英雄弓治不敢墜唯乞月低頭與兒製酒器

父答子

恥

國

國

恥

愛我膝下兒。猛氣已食虎。他日崑崙關。尋爺殺賊處。

愛國勵志詩

杭縣王壽樾

神聖軒轅裔。興邦共一呼。誓心謀富衛。忍恥志吞吳。韜略良臣策。光銜壯士歟。長纓誠有用。留待繫單于。國弱山河在。時窮傑多危。樓愁燕處保障。恃人和鷹隼思抨擊。驂重負馱漏舟齊。補救努力莫蹉跎。

尙武詞 并引

王壽樾

我武不揚外交失敗。低首屈辱。貽笑友邦。嗚呼痛矣。今後為補牢計。於尙武二字。切勿託諸空言。爰摘往事發於詩歌。我同胞其亦疾起直追乎。

平地風波橫。逆遭河山不幸。受腥臊。沼吳事蹟。班班在寄語。同胞莫怒號。漢王跳去後。歌風顛躓。蕪亭立大功。利鈍有時貴。堅忍無須成。敗論英雄一椎不中易。奇謀滅楚覆秦。總復仇血氣消除。成大勇。千秋矯矯。一留侯。逐鹿中原起。競爭茅廬。三顧得長城。蒼蒼如護。炎劉鼎會見。干戈盡蕩平。儒將風流。姓氏齊。雄心運。鬢與聞雞。補天浴日。男兒手。豈令銅駝。蔓草迷面。穿流矢。尙揮戈保障。睢陽部曲多。誓不戴天。頻血戰。將軍毀齒。為山何百戰。勛勞復兩京。單騎能令彼軍驚人。臣師表忠貞。在不僅旂常。享盛名。

三。矢。相。期。有。壯。圖。彌。留。恨。事。在。梁。都。獻。俘。太。廟。功。成。日。李。氏。家。兒。是。丈。夫。
灑。淚。激。昂。頻。誓。師。韓。王。五。陣。蓮。籌。奇。元。戎。健。卒。都。俘。虜。第。一。功。名。數。大。儀。
大。燾。飄。搖。鳥。不。譁。鼓。聲。聲。裏。盡。呼。爺。壺。漿。簞。食。朱。仙。鎮。唾。手。黃。龍。想。岳。家。
采。石。磯。邊。片。月。高。倉。皇。戎。馬。屬。文。豪。南。朝。時。已。凋。零。甚。猶。喜。書。生。握。豹。韜。
早。把。丹。心。付。汗。青。勤。王。事。業。起。提。刑。馨。香。俎。豆。安。排。定。正。氣。歌。留。後。世。聽。
宣。威。洪。武。首。徐。常。齋。化。門。前。撻。伐。張。不。嗜。殺。人。安。市。井。興。王。氣。象。總。堂。堂。
如。火。如。荼。寧。武。關。甘。心。戰。血。染。袍。殷。將。軍。一。怒。憑。城。日。百。萬。萑。符。起。懼。顏。

國家多難義憤填胸倒步訴鷗散人感懷元韻率成四章卽以勉我同胞而工拙所不計也

江東悼翁病秋
珠詞人

恥

同。胞。其。各。矢。忠。勤。大。陸。沉。沉。起。戰。雲。神。胄。文。明。甯。玉。碎。國。權。喪。損。怕。瓜。分。欲。教。全。力。支。危。局。切。莫。奇。謀。壅。
上。聞。準。備。重。開。新。事。業。非。羣。鳥。足。與。同。羣。
東。隣。底。事。暴。橫。加。悵。望。江。天。落。日。霞。爭。向。寰。中。馳。羽。檄。何。須。舌。上。燦。蓮。花。強。權。公。理。分。明。在。戰。禍。兵。凶。未。
有。涯。莫。負。男。兒。好。身。手。快。將。功。業。播。荒。遐。
數。聲。鼓。角。太。淒。清。爲。喚。蚩。氓。故。國。情。邊。徼。曾。多。傳。警。報。廟。堂。休。再。以。和。鳴。三。韓。社。圯。餘。禾。黍。廿。紀。潮。流。此。

競。爭。笑。本。難。成。哭。無。淚。可。能。一。怒。慰。蒼。生。
感。事。詩。成。聊。自。歡。請。纓。無。路。苦。微。官。填。胸。孤。憤。隨。潮。湧。到。眼。妖。氛。把。劍。看。國。不。能。存。種。何。保。亡。如。可。救。力。
同。殫。風。雲。變。色。連。歐。亞。底。事。紛。紛。尙。自。殘。

貓戲鼠

(某諮議)

鼠。子。忽。遇。貓。狀。如。人。遇。虎。欲。逃。不。能。逃。殼。難。自。主。轉。瞬。已。成。擒。也。同。被。俘。虜。雖。獲。不。遽。食。姑。日。置。院。宇。
既。縱。又。復。擒。將。吞。又。復。吐。強。與。作。戲。游。玩。之。在。掌。股。斯。時。鼠。心。中。試。問。如。何。苦。欲。噬。則。噬。耳。何。必。太。見。侮。
弱。國。遇。強。鄰。勢。與。鼠。為。伍。相。欺。將。毋。同。先。與。後。必。取。胡。弗。勵。精。神。使。人。譏。不。武。

附錄時報此題引云某諮議當世詩人也終日吟風嘯月本無心於政治者乃聞中日交涉結果如此甚為不平因戲為此題以寄其感慨云

本社按作者的是老手不經意作去獨能描摹盡形天然見意第以貓鼠相喻似稍欠缺酌耳

中日交涉書憤

(樵隱)

何。物。么。魔。肆。老。饕。如。豚。性。質。等。山。膏。西。鄰。有。策。難。兼。運。東。亞。全。權。敢。獨。操。知。否。鴿。將。攢。衆。矢。也。防。羊。亦。補。
亡。牢。淮。陰。背。水。功。千。古。莫。笑。當。年。勝。下。逃。
漫。漫。風。雨。連。天。急。滾。滾。波。濤。大。海。橫。疲。蒸。釀。成。臭。穢。毒。飛。揚。狂。作。虎。狼。奔。併。吞。我。識。存。心。野。一。戰。人。誰。借。

背城痛哭漢家乾淨。土賈生無斧枉譚兵。
和我自昔無良果。舊憾人人罵腐儒。一誤豈容還再誤。始吾何事不。今吾少康積弱猶興夏。句踐含仇竟
沼吳。細口存亡繙歷史。英雄強半出艱虞。

通牒來要最後盟。滿天風鶴駭公卿。若完趙氏連城壁。徒請終軍伏闕纓。
（聞海陸軍總長會議時發言激烈主張武力解決）鐵鑄九州成大錯。棋輸一着失全枰。五千年後神明胄。偏值奇羞到我生。

時事雜感六首

（燕青）

官吏遷眷

嘉禾文虎受恩殊。仙眷飄然趁快車。脫兔驚鴻緣底事。一封哀的美敦書。

警吏阻行

屋底達官走避胡。杜句無情惱煞執金吾。當關不放桃花馬。並轡人兒小小蘇。

軍人主戰

手拭龍泉膽氣粗。河山真價抵頭顱。敵人個個身軀矮。列陣沙場類小豬。

答案修辭

惱得兒家不自由。雲翻雨覆總難休。檀郎莫任心情惡。曾記床前問病不。

忍辱承認

公門桃李一枝春。送與東牆得意人。好是爺娘眠正熟。簾前偷獻女兒身。

救國儲金

國士聲聲喚奈何。回天仗魯陽戈。黃金滿篋終無用。和血鎔成寶劍磨。

愛國頌 并序

薛新振

報端救國儲金欄日以數百計名次林立多寡無論矣最奇者偶見有學徒葉俊寶棧司張寶生車夫卞阿三者各儲銀幣一元他如學生三人女僕一人隱名不表亦各儲金一元無惑乎明季菜傭殉國乞丐死難其忠義發於至誠所謂良知良能非好名之士所可比例也爰爲之頌曰

四萬萬人同一族。父老兄弟具親睦。忍驅鼎鑊就沸騰。令人視我爲弱肉。膏血化橫流。冲破口口之林麓。我家亞東數千載。子孫世食中華祿。首陽之薇。懦者飢。汾陽之騎。壯夫獨。勿以個人而餒。怯勿以自保。而雌伏風枝。翮播雀弗衛。完卵烏有巢。傾覆何其明。哲而知時。意氣特鼓於御僕。袞袞士夫。愧無地。性命金錢吝儲蓄。甚則俯首異類。居棄我版圖。歸化育。朦朧規藉爲護符。虎狼貪噬無厭。續安宅弗居。曠胡爲。營營海嶠吞聲哭。釜魚仍詔得快游。家國維繫同禍福。

國恥紀念歌

靜 叟

人而無恥。胡不死。與死何判。別國而無恥。胡不亡。與亡何優。劣不死。甘蒙不恥。名不如拼。死將恥滅。不亡甘把國。恥忍不如拼。亡將恥雪。死亡兩途。毋介懷。替一恥字。灑熱血。獨奈當局。膽如鼷。轉使屈辱爲解決。東京應騰歡笑聲。吾爲滿蒙歎不絕。天付神州好河山。可能幾次遭破裂。無損主權言猶在。保持平和計亦拙。人民不容置一喙。雖懷芻蕘無由白。強抑民氣敵蹤增。不然寧效於此役。彼邦貪欲爲養成。能無後患不再迫。方茲世界事劇爭。各登舞臺逞兵革。何吾獨難執干戈。一衛祖國完人格。甲午庚子既創深。不應酣睡仍疇昔。縱欲苟生期苟安。奈人不許安且夕。己身財產或遑顧。兒孫餘地要擘畫。嗚呼。流光蹉跎萬難再。枕戈待旦看東旭。吾非儼然具心肝。胡爲受此條件。吾非儼然具面目。胡爲受此要求。酷國民豈皆亡。國民肯被奴隸幽地獄。五月九日何所紀。紀防吾民盡縛束。五月九日何所念。念防吾國全桎梏。大聲呼醒我同胞。莫妄五月九日辱。鑄成健全國民模。如鋼要經百煉足。造成剛毅國民操。如刃發礪再厲勗。急倡國貨堵漏卮。脂膏毋再供人慾。急求科學增才能。建築毋再僱人督。急勸儲金興兵工。勇武毋再受人曲。國恥呼作夫差名。每立必呼警耳。屬國恥標作莊宗矢。每出必載醒目。觸國恥題作座右銘。朝夕憤憤百回讀。各認部分肩責任。各盡能力達的目。慎勿再貽外人笑。謂我熱度五分速。我今作此國恥紀念歌。恥在羣衆非我獨。昔之招恥因能忍。今可再忍使恥復。萬恥端從一恥來。一恥實爲萬恥伏。恥刻吾骨恥必切。恥銘吾心恥深蓄。寧甘我國殉。此恥勿令忍。恥看國覆。一旦恥雪。國權返。世界尊。

榮我光復萬歲萬歲大中華祝聲回響全球祝

愛國歌

嵩城朱素貞女士

五族共和脩四春。危機相伏早有因。匡扶時艱原非易。全恃愛國之國民。國內瘡痍方待濟。可奈苛索迫倭人。渠稱同文復同種。我本相願如齒唇。如何今朝乃有此哀的美敦書。乍臻聞者髮上爲衝冠。誰無忠義之精神。喜傳海上愛國輩。廣勸儲金備練軍。更爲提倡用國貨。勿使商利外溢奔國威。此後當可挽國讐。此後當可伸我爲嵩城弱女子。恨不化作健男身。凡百愛國事。得佐且能強。力服暴鄰。

口占誠詩人宜效雄壯而戒輕豔詩之輕艷亦國之衰象之一端有心人其急挽救之

朋雲

恥

國

得天之氣陽得地之氣剛發之於詩成僂強僂強復僂強起衰振懦此徵祥不致文弱致國恥且賦大風威武張吾恨多少雕蟲綴句綺麗脂粉香不知人間男兒有昂藏

聯語

(屏)之友某

願同胞毋妄五七日

誓吾民不認廿四條

新孟子(諧文)

詩歌諧談

鑄禹

一一

黎元洪曰中華亞洲大國焉衆之所知也及共和之世東屈於日條件認焉西被脅於歐諸強國南棄於滿元洪恥之願比同胞一洒如之何則可

國民對曰行省念二而可以強上如加幸福於民復議會輕捐稅練兵興學官僚自今日養其禮義廉恥入以盡其服務出以善其外交可使禦侮以敵東西之戰艦巨礮矣

地獄（短篇小說）

馮半江

迷信者曰善上天堂惡入地獄噫中國迷信之深如斯欲打破此荒誕語不亦難乎清氣而上浮者謂之天天固無堂也塵濁而下凝者謂之地地固無獄也當創天堂地獄之語者亦不過利以勸善耳後世不察遂信以爲真種迷信者之根良可嘆也此種無稽之言左道之語著者欲闢之久矣今著此篇小說之本意爲國民之警鐘亦可爲迷信之當頭棒也

世人以天堂爲快樂之代名詞地獄爲苦惱之代名詞夫人已物化軀壳無靈知覺已失豈尙知快樂與苦惱耶况天堂地獄又無人經過而目覩者則尤屬渺渺茫茫也

或曰如君言天堂地獄果無之乎著者曰確無之又曰然則君以天堂地獄爲無能解迷信之迷乎能受世人之信乎著者曰欲闢其無必先言其有或者迷信者能自解也請明其說

千萬丈之天堂十八層之地獄不過人之心理上作用也且天堂地獄有主觀客觀人之處苦惱時代自

恥

國

觀其苦而觀人之快樂則羨曰彼誠天堂矣然則此天堂兩字由苦惱人目中所來者人之處快樂時代自觀其樂而觀人之苦惱則憐曰彼誠地獄矣然則此地獄兩字由快樂人目中所來者印度波蘭朝鮮安南諸亡國民受人壓制做人奴隸在我觀彼則曰彼地獄也在彼觀我則曰彼天堂也此卽由快樂與苦惱而生天堂及地獄之觀念也然則世人何必從渺渺茫茫中索解哉

趨快樂避苦惱乃人之心理國人既以地獄爲懼亦知真地獄將以囚吾中國人乎吾國人以前之所可怕欲避之地獄之虛想今將成爲最駭最怖之地獄之實象矣彼迷信者猶作磕頭虫而求佛禱死後莫入地獄不知真地獄將在眼前立現於吾人前也雖求佛禱佛有奚用哉

真地獄是何卽亡國之代名詞也國既亡民雖存做人之牛馬受人之鞭撻一絲不許有自由權永無復見天日時人處斯境求死不得欲活不能苦莫甚焉由苦惱則天堂之觀念生然而江山已非悔之晚矣奈何素懼地獄之我國人而將投身於地獄下猶不知不覺耶

或曰地獄誰人不怕其如不能避之何著者曰欲避之確不難熟其愛國之血出其迷信或他項耗用之資移爲救國儲金之用同心協力待時與暴日作一最後之解決則中國尙可救藥否則步印度諸亡國之後塵蹈印度諸亡國之覆轍永永墮于黑暗地獄之下嗚呼國人其亦計之否耶

相腸

(偶一)

一相者。自命善相。每相人。除談頭面外。必涉及其腸。如遇富翁。則曰。汝有肥腸。天賜汝以大魚巨肉之日。享遇寒儒。則曰。汝有枯腸。生成受搜索之勞碌。遇剛強之流。則曰。汝有鐵石腸。是有定識之人。遇抗爽之流。則曰。汝有直腸。必以至忱對人者。一日。其東邨某矮子。造門請曰。你能相腸。俗話說。矮子多肚腸。你看我這箇矮子。究竟腸有幾多。相者怒曰。予之相術。幾已被汝難倒。蓋汝腹中詭詐叵測。即以透明愛克司光線照入。亦被此詭詐所亂。初亦難決汝腸之數。纔看。係二十一條。轉自他方面看之。又似僅十一條。頃則此詭詐已大破露。始知汝實具有二十四條毒腸也。

詩 篇 正 誤

- | | | | |
|-----|------|---------|---------|
| 黃公度 | 軍中歌 | 不喜燕然碑百丈 | 喜誤刊為善 |
| 惜誓 | 父詔子詩 | 口家忠孝門 | 兵或係岳字之誤 |
| 又 | 夫答婦詩 | 此行擬不遠 | 行誤刊為形 |
| 又 | 兒答父詩 | 唯乞月氏頭 | 氏誤刊為低 |
| 王壽樹 | 尙武詞 | 將軍毀齒為山河 | 河誤刊為何 |
| 又 | 又 | 齊化門前撻代張 | 齊誤刊為齋 |
| 某諧議 | 貓戲鼠詩 | 姑且置院宇 | 且誤刊為旦 |

本社初時滿擬將國貨維持會之國貨調查表附刊書末奈其表共有三十一頁若字字照刊有所未能若稍爲短縮則須頗加斟酌有此二種爲難之處且聞國貨維持會續有將表改良復印者故本書姑且暫付闕如然總不免心有快悵也

病國今日治法

通上下兩焦

合標本兼治

月餅改良之勸告

按吾國舊俗將屆中秋市上風行月餅無論世家小戶饒親友祀祖敬神皆以此爲應時妙品維大半以糖爲原料中之多數麥粉與雜料次之不但其味太甜不成爲美味且於衛生上甚不合宜西洋各國衛生家莫不俱以食糖過多大傷腸胃尙有一種病名謂糖尿病者終身忌食糖類考吾國本草云凡中滿吐逆大小便秘結牙齦目赤疔病者切宜忌之又曰糖最能生痰動火甘屬土腎病毋多食甘甘能傷腎骨痛而齒落皆被食甘過多之故也觀此則可見中西學說相同且既須慮國內沙糖出產漸少又懼利源外溢國貨會有勸用國貨之責醫藥會負研究食料之任曾經勸告各茶食店多製各種鹹月餅如乾菜苔條火腿蔥油肉餡之類已蒙各界多數許可候屆時各向各店預定茶食店亦已預備實行改進火腿乾菜苔條等原料矣間須略備甜月餅亦定減輕糖貨以符衛生之旨恐外埠各茶食鋪等未及週知特此登報通告尙乞注意

勸用國貨會全啓
神州醫藥總會

中華民國四年六月出版 (上下共兩册)

國恥 定價大洋伍角

編輯者 知恥社

總發行所

上海老拉坡橋北延吉
知恥社
里神州醫藥書報社內

寄售處 各大書坊

熱心同志如擬
多購如千册分
送警世則請惠
臨知恥社其價
義當相商通融

勸告儲金

敬啓者交涉雖和平解決實係委曲求全我同胞當將此五期九日之恥作爲紀念
弗忘同德同心趕認儲金爲後來日強之計若謂外交已平便可苟安度日竊恐亡國之
禍卽在目前愛國同胞尙其急起直追羣策羣力共達五千萬之目的同人幸甚全國幸
甚

中華救國儲金團總事務所謹啓

勸用國貨

勸用國貨同人發起凡我同胞深明大義愛用國貨利益非淺民富國強大有關係况我
中國百貨俱齊外來物品實無稀奇熱心愛國勿貪小利途人相勸贊成用易事關賣買
全在自己個個留心立見效驗外人笑我有頭無尾改良仿造務求精細推廣國貨人人
歡喜工商兩界務宜爭氣人非草木良心發現如是辦法彼此稱便奉勸諸君聯絡一體
同心協力堅持到底國貨國貨注意勸用勸用切切記

勸用國貨會啟

上海图书馆藏书



A541 212 0024 1448B

